



*** (بسم الله الرحمن الرحيم) ***
 الحمد لله رب العالمين والصلاة والسلام على محمد وآله اجمعين (اما
 بعد فهذه مجلة جليلة جامعة لترجمة حال خالدين زيد الانصارى
 مع بيان احوال بعض المشايخ الواصلين الى رضاء البارى لله
 لرمولفها الامام الثالث بجامع ابى ايوب الانصارى الحافظ العالم
 بوجوه قرائة القرآن وبكنوز معاني الفرقان المسمى باسم
 سيد الانام المعروف بابن المرحوم زبدة المشايخ الحاج عبد الله
 افندى المشار اليه بالبنان حيث اجاد بيان صحبته وضيافته للنبي
 عليه السلام ومغازيه بعده الى آخر اوانه سيما وقد وشيخ ديبا جنتها
 باسم سلطاننا السلطان عبد المجيد خان ادام الله مدار دولته
 واقام قوائم سلطنته وافاض بره للعالمين ببركة غلبته
 على عدوه آمين بحرمة النبي وآله

ز به الفقير الحقير ابراهيم لطفي البكبازارى القاضى
 بمدينة ابى ايوب الانصارى
 رضى عنه البارى

Süleymaniye Kütüphanesi

Hasan Hüsnî Paşa

Eski

882

882

882

(*) فهرست کتاب (*)

۳۸ جناب حضرت خالده	۳ در بیان باعث تألیف و بیان اسم رساله
بیعت عقبه ثانیه ده	۷ تعداد ابواب رساله
بولندقلری و رسول اکرمک	۸ باب اول
نقباء اثنی عشر تعیین	۸ فصل اول در بیان نسب حضرت خالد
پیورقلری	۱۱ فصل ثانی در بیان قرابت شاه انبیا بحضرت خالد
۳۸ فصل ثانی جناب حضرت خالده	۱۱ شیهة الحمدك عبدالمطلب
خالده منصب مهماندارلق	لفظیله سبب شهرتی
ایله کسب امتیاز پیورقلری	۱۵ فصل ثالث در بیان نسب اوس و خزرج
بیاننده در	۱۷ بیان سبب توطن اجداد انصار در مدینه منوره
۴۲ حضرت مشار الیهه السنه	۱۸ ذکر قصه سبأ
ناسده سنخقدار رسول الله	۳۱ شجرة نسب مشار الیه
اطلاق اولمسنک توجیهی	۳۱ باب ثانی بیعت عقبات و اول حضرتک مهماندار جناب
۴۵ فصل ثالث حضرت مشار الیهک عصر نبویه	خیرالبشر اولدقلری و بعد
ظهور یافته اولان مناقب	الهجرة اول حضرتک
جبله لری بیاننده در	مناقب جبله لری بیاننده
۴۵ حضرت مشار الیهک	۳۲ فصل اول در بیان بیعت عقبات ثلثه بوجه اجمال
مظهر دعاء جناب نبوی	
پیورلدقلری	
۵۰ خوابه نیت اولندوده وارد	
اولان دعاء مأثور	
۵۱ صرمساق دینلن سبره نک	
حلی و کراهتی	

ختم

۵۳ ختم طعامده قرأت اولنان	۷۰ ولاتلقوا بایدیکم آیت کریمه
دعاء مأثور	سنک تفسیرنده مشار الیهک
۵۷ بیان خاصه آیت الكرسي	روایت اولنان اثر
۶۰ بیان خاصه آخر سورة الحشر	۷۲ فصل ثانی اول حضرتک
۶۱ تکثیر طعام حقنده	ارتحال با سعادت لرینک
حضرت مشار الیهک	قصه سی بیاننده اولدیغی
روایت ابتدیکی معجزه	۷۳ حضرت مشار الیهک
۶۲ حضرت مشار الیهک	رومه غزالری یزید بن
لسانیدن ظهور ایدن کلامه	معاویه ایله اولدیغینک
مطابق آیت کریمه نزول	رجانک بیانی
ابتدیکی	۷۵ قصه پرغصه ارتحال حضرت مشار الیه
۶۴ جناب ام ایوبک تطلیقندن	۷۷ ارتحال مشار الیهک
نهی نبویک صدوری	ظهور یافته اولان کراماتدن
۶۴ باب ثالث جناب حضرت خالده	برنده نک بیانی
زمان نبوتد نصره	۷۷ باب رابع قبر حضرت مشار
اولان بعض مناقبی و ارتحال	الیهک فتح در سعاده قدر
سعادت لری بیاننده در	نوجهله اولدیغی و حین
۶۵ فصل اول مشار الیهک	فقدده ظهورینک
بعد از زمن نبوی بعض	کیفیتی بیاننده در
مناقب حسنه لری بیاننده در	۷۸ فصل اول قبل الفتح مشهد
۶۶ مروان بن حکم ایله وقوع	حضرت مشار الیهک
بولان مشاجر لری و سائر ورع	نوجهله اولدیغی بیاننده در
آمین حکایه حسنه لری	

۸۱ فصل ثانی حین فتح
در علیّه ده مشهد حضرت
مشار الیهک ظهورینک
کیفیتی بیاننده در
۸۴ جناب فاتحک مکاشفه
شیخی تحقیق بیوردقلری
۸۷ باب خامس سلاطین
عثمانیه حضرتک مشهد
حضرت خالده احترام
موفق بیوردقلری خیرات
ومبرات بیاننده در
۸۷ فصل اول زمان فاتحدن
تاعصر محمود خان ثانی به
کلجه سلاطین عظامک
خیرات وحسناتی بیاننده
اولدیغی
۸۷ بیان خیرات جناب فاتح
بمشهد حضرت مشار الیه
۸۹ لیالی احیاده تربه
شریفهک کشاد اولمسنک
اساسی
۹۱ بیان انتساب سلطان بایزید
ولی بروحانیه حضرت
مشار الیه و بیان تقلد سیف

۹۲ سلطان مراد خان ثالث
حضرتلرینک حضرت
مشار الیه وجه انتسابلری
۹۲ سلطان محمد خان ثالث
حضرتلرینک روح
حضرت مشار الیه وجه
انتسابلری
۹۳ سلطان احمد اول
حضرتلرینک مشهد
حضرت مشار الیه
آثار حسنه لری
۹۵ سلطان عثمان ثانی
وسلطان مراد رابع
وسلطان ابراهیم
حضراتنک آثار جیللری
۹۶ سلطان احمد ثالث
حضرتلرینک تربه
شریفه ده مصحف
شریفدن تفأول
بیوردقلری
۹۷ تجدید مناره جامع
حضرت مشار الیه
۹۷ تربه شریفه به اثر قدم
شریف وضع اولندیغی

سلطان

۹۸ سلطان مصطفی خان
ثالث حضرتلرینک اثر
خیرلری
۹۸ سلطان عبدالحمید خان
علیه الرحمة والغفران
حضرتلرینک مشهد
حضرت مشار الیه
اولان اثر جیللری
۹۹ سلطان سلیم خان ثالث
حضرتلرینک جامع
حضرت مشار الیه
وشبکه مشهد منوری
تجدید بیوردقلری وخیرات
ساره لری
۱۰۳ وضع مصحف شریف
در تربه شریفه و بناء سقف
در مواججه
۱۰۴ فصل ثانی خداوندکار
سابق علیه رحمة الملك
الحائقی حضرتلرینک
مشهد حضرت مشار الیه
احتراما موفق بیوردقلری
خیرات ومبرات بیاننده در
۱۰۵ تعمیر اول در عصر
پادشاه مشار الیه
۱۰۶ انشاء تخت همایون
در تربه شریفه
۱۰۷ تعمیر ثانی وخیرات ومبرات
ساره در زمان پادشاه
میرور
۱۰۸ ذکر خیر جلیل ضم
وظائف
۱۰۹ ختام تعمیر و کشاد جامع
لازم التوقیر
۱۱۰ کسوة حجره نبویه نک
تربه شریفه ده مکث
بیوردیغی
۱۱۲ مقامات ثلثه مبارکه ده
شفاء شریف قرائت
اولمقی تدبیر حسنک بیانی
۱۱۴ باب سادس اول حضرتک
مشهد منورلرینک آداب
زیارتی بیاننده در
۱۱۴ فصل اول مطلقا زیارت
قبورک حکم شرعی
و آداب مشروعه سنک
اجمالا بیاننده در

۱۱۶ بیان آداب زیارت قبور
 ۱۱۹ بعض صوفیه
 منشع عینک زیارت
 قبوره دأب حسنه لری
 ۱۲۲ فصل ثانی خاصه جناب
 حضرت خالدك مشهد
 عالیرینك آداب زیارتی
 بیاننده در
 ۱۲۴ باب سابع اول بقعه
 مباركه كنك خدامند
 بعض مظنه كرامك ترجمه
 احوالی بیاننده در
 ۱۲۴ فصل اول جامع حضرت
 مشار الیهك مشایخندن
 ومدرسه لطیفه كنك
 مدرسینندن بعض ذواتك
 ترجمه احوالی بیاننده در
 ۱۲۴ ذكر جمیل نیروی
 عمر افندی
 ۱۲۵ ذكر جمیل مفتاحی زاده
 ۱۲۶ ذكر جمیل عبدالرزاق
 افندی
 ۱۲۶ ذكر جمیل ایوب شیخی
 یحیی افندی


ذكر

۱۳۹ ذكر جمیل والد مرحوم
 ۱۴۳ فصل ثالث جناب شفیع
 رومك تربه دارلرندن بعض
 ذواتك مناقب حسنه لری
 بیاننده در
 ۱۴۳ ذكر جمیل بابا یوسف
 بیرامی قدسره السامی
 ۱۴۷ ذكر جمیل عبد الخالق
 افندی
 ۱۴۸ ذكر جمیل الشیخ محمد
 امین توقادی
 ۱۴۹ ذكر جمیل فعی زاده
 افندی

۱۵۱ ذكر جمیل ملك حافظ
 افندی
 ۱۵۳ فصل رابع جناب
 مهماندار خیر البشر كجامع
 شریفنده مؤذن اولان
 ذواتك بعض اعزته كنك بیان
 احوالی بیاننده در
 ۱۵۳ ذكر جمیل عبد الغنی
 افندی
 ۱۵۴ ذكر جمیل رضا افندی
 ۱۵۵ تاریخ ختم الكتاب
 ۱۵۷ مناجات بدر كاه قاضی
 الحاجات

(*) مأخذ رساله اولان كتب (*)

١. الاصابة في اسماء الصحابة ١١ رساله يحيى افندي
لابن حجر العسقلاني في مناقب توقادى امين
٢. انسان العمون في سيرة الامين افندي
المأمون اعلى الحلبي ١٢ روضة الاحباب
٣. ترجمة شرح سير كبير ١٣ سلسلة نامه
لمنيب افندي ١٤ سير كبير للامام محمد الشيباني
٤. تاريخ واصف افندي ١٥ شرح ديوان مرتضى
٥. خلاصة تفسير العرائس كرم الله وجهه لمستقيم زاده
٦. خلاصة الوفا في تاريخ ١٦ شرح طريقته محمدية
مدينة المصطفى صلى الله عليه وسلم
عليه وسلم للامام ١٧ شرعة الاسلام
السمهودى ١٨ شقايق نعمانيه
٧. خلاصة هدية الاخوان ١٩ صفة الصفوة لابن الجوزي
لمستقيم زاده ٢٠ مرشد الطلبة
٨. ذيل شقايق للشيخي ٢١ مشكوة المصابيح
٩. رساله عبدالرزاق افندي ٢٢ نفحات العبير السارى في
- ١٠ رساله مستقيم زاده احاديث ابى ايوب الانصارى



(الاثار المجيدية في المناقب الخالدية)

﴿ * * ﴾ بسم الله الرحمن الرحيم ﴿ * * ﴾

حمد بی پایان و شکر فراوان اول خلاق جهان و اول رزاق
کافه عالمیان جل ذکره حضرت تبارک ذات سرمدی صفاته
سزا و شایاندر که نوع بشری (خلق الانسان من علق)
نظم منبغی مصداقچه کجینه عدمدن قضاء وجوده ابراز
و بر منطوق (او جعلناکم شعوبا و قبائل لتعارفوا) بهرینی
بر شعبه دن منشعب و هر فردنی بر اصل اصیل منسوب اولمغله
دیگرندن ممتاز پیوردی مع هذا ابتداء آفرینشدن تا بروز قیام
هر قرن و عصرده سکنة زمین بیننده حکمته مطابق و مقتضای
وقته موافق اوله رفی حسن سیاسته مقتدر و مبان اسلامیانده
اجرای قوانین شریعت و ایفای اوازم خلافت ایدیه رک
تدابیر مقتضیه حسنه ایلده مدبر خلفاء ذوی النهی نصب و تعیین
پیوروب بونی مؤید فرقان حکمکنده (هو الذی جعلکم خلائف
فی الارض) پیوردی و درود صد هزار و تحیات بیشمار اول سرور

اندیا

انبیاء و رهبر اصفیاء پیشوای مرسلین و رهنمای متقین نور
دیده جمیع امم و پسندیده نوع بنی آدم بنی اعلم رسول افخم
حبیب مکرم شفیع پروفا ملجأ جمیع ضعیفا یعنی به حضرت ابی
القاسم محمد المصطفی علیه الصلوات الزکیات و التسلیم الاوفی
حضرت تبارک قبله کاه عاشقین و ضراعتکاه عامه متوسلین اولان
روضه طاهره و عقبه زاهره لرینه بلا انقطاع فیضان و توارد
ایتسولر که ذات رسالت تبارک لا یقبله توصیف طوق بشردن
خارج و حقیقت کنه محبوبیت تبارک درک و تعریف حضیض
امکاندن اوج عجز و انصاته عارج اولوب قصیده برده صاحبک
میت (فانساب الی ذاته ما شئت من شرف)
(وانساب الی قدره ما شئت من عظم)

قواننده بو حکم مندر جدر (وآل و اولاد و ازواج و اصحاب و اتباع
و انصار و اعوان و اشیاع حضرتانده دخی بالتبع تعاقب و تناثر
ایتسولر که انلرک ظواهری کمال اتباع امام الانبیاء الیه محلی و بواطنی
انوار تخلق خیر الوری ایلده محلی اولوب هر بری بو دین قومده
بر مقتدای پرتو کین و بهرینی اهل توحیددن بر طائفه نک ملجأ
و پناهی اولوب درگاه الهی بدن رجاء اسعاف حاجانده توسل کاه زوار
مخلصین اولمشلر در (غیب ذل خواص اصحاب رسول اکرم و قدماء
انصار حبیب محترم صلی و سلم علیه خالق الامم دن اولوب
فرقه بنی التجارک کزیده سی و زمرة انصارک پسندیده سی ذات
نبوت اب پیغمبرینک مهمانداری و شتر خیر البشرک موقف و مقری
اعنی به حضرت ابی ایوب الانصاری علیه اکمل رضوان رب
الباری حضرت تبارک نسبت ایلده کسب شرف و شان ایدن جامع

مانند گلزار جنان و معبد منیف مجمع مخلصانده من غیر حد خدمت
 امامتله واصل مزید شرف و افتخار و سرای کبیرهایون بهشت
 آساده خدمت جلیله شیخ القرائی ایلله نائل الطاف بیستمار
 و بین الخلان مرحوم الحاج عبدالله افندی زاده دینکله شهر تشهار
 اولان عبدیقمدار و عاجز باقصود بسیار محمد امین منحه الله بامداد
 حبیبه الامین اول جوار ساطع الانوارده نظم قرآن کریمی
 و وجوه سبعه بی اقرء و تعلیم و بعض طالبینه بعض علوم نافعه بی
 هزار عجز و اعتراف برله تدریس و تفهیم ایلله اشتغال و دعاء
 ازدیاد دوام عمر و دولت و اقبال پادشاه زمان باینده درگاه خدایه
 تضرع و ابتهال اوزره اولوب بوندن اقدم علم خط و املا دن تحفه
 الطلاب نام ارجوزه موجزه نک کشف النقاب اسمنده اولان
 شرح لطیف عربی سنی زبان ترکی اوزره ترجمه و بضاعة الکتاب
 اسمیله تسمیه ایدوب اول اوانده پادشاه جهان اولوب قریب
 العهد ده اجداد و اسلاف ذوی الفضائله لاحق اولان
 خداوند کار سابق جنتمکان خلد آشیان واصل رحمت یزدان
 مغفر تئشان المرحوم المبرور غازی سلطان محمود خان صبت
 علیه سبجال الرحمة والغفران حضرت تلبینک حضور ینبوع
 النور لینه عرض و تقدیم ایلک خصوصنده تردد اوزره ایکن
 اول پادشاه دل آگاهندای ارجعی به نگاه بیوروب روح پرفتوح لری
 عازم زهتگاه قرب اله اولدقده بو عبد بائس اول امنیه دن بر موجب
 شیوه قدر آیس اولوب شب و روز (عسی ربنا ان یند لنا خیرا منها)
 آیت کریمه سنی یاد و تذکار و همه آن (بیت) ایلله قطع امید فیض
 خداوند که انک * درین بوز سوزن البت ایریشور مقصده * بیتنی

تکرار

تکرار ایدر کن آثار مزید فضل و عنایت الهیه بر یوزدن دخی بروز
 ایلوب پادشاه زمان و شهید شاه معدلت عنوان سلطان سلاطین
 جهان و خاقان خواقین اوان شرف بخشای سریر خاقانی و نور
 افزای افتاب فلک عثمانی اختر نیر برج خلافت و کوهر کنجینه
 معدلت ولی نعمت کافه بندکان و مردمک چشم اسلامیان
 باعث امنیت سکنه بلاد و حامی و ناصر عامه عباد امام فرقه
 موحدین و سبب نظام احوال قطنه زمین الموفق من قبل الملک
 المعین و المؤید بالفتح المبین ظل ظلیل فاطر الثقلین خلیفه جناب شاه
 کونین المقتر بخدمة الحرمین الشریفین السلطان ابن السلطان
 ابن السلطان (السلطان عبد المجید خان) ابن السلطان الغازی
 محمود خان ابن السلطان الغازی عبد الحمید خان ادامه الله فی
 سریر سلطنته الی آخر الدوران و اقام ظله علی رعیتیه ماختلف
 الملوان افندیمن حضرت تلبی مسند و الای خلافت عظمایه بالعز
 و الاقبال صعود و منصبه منصب بالای سلطنت کبرایه بالین
 والبرکة والسعادة والاحلال قعود بیوروب اول سریر عدالت
 مصیر ذات خلافت سماء تلبیله مزین و مرصع و صحائف قلوب
 موحدینده منشور فرح و شادمانی مطبوع و موقع اولوب اول
 روز مسعودک اون برنجی یوم خجسته عامه سکنه در سعاده عرض
 دیدار و انفاق عطایای بسیار و دیدنه حسنه سلاطین عثمانیان
 اوزره تقلد سیف قانون محاسن مشحونتی اجرا ایلله اقتضای
 آثار اسلاف کرام و اختیاریت خیریه سیمله ساحل سرای همایون نرندن
 باشوکت و سلطنت اشرف بقاع بلاد روم اولان مشهد مبارک
 حضرت ابی ایوب الانصاری لازال محفوظا برضوان الباری

حضرت تریخی تشریف بیوروب بو بنده عاجز دخی بره مقتضای خدمت جلیله امامت اول جمع والاده حضور ایلله شرفیاب و خلیفه زمانک مرقد منور حضرت خالده اولان کمال تعظیم و توقیر لرخی دیده سر ایلله معاینه به رهیاب اولوب جانب روحانیت مهماندار پیغمبریه قلب شاهانه لرنده مرکوز و مستحکم اولان رشته محبت کامله نک آثار بی رأی العین بو بنده ناچیز مشاهده ایلد کده درون عاجزیده التماس ایدن شراره حزن و الم اوزرینه یناب مع زلال سرور و شادمانی متوارد و جناب شهنشاه نیکو خلعت و پادشاه والامنقبت علیه فیوضات ربیه دامت افندیمن حضرت تریینه ازل و جا متحتم اولان کمال محبت و عبودیت قات اندرقات مزاید اولوب (الهمدیه علی قدر مهدیه) فخر اسبجه عتبه فلك رتبه تاجدار بلرینه بو بنده ماند مور لرندن هر نه قدر تقدیمه شایان دکل ایسه ده عجز و قصور نامحصوره اعتراف و بساتین مناقب اصحاب جلیله المناقبیدن ثمرات متنوعه اجتناب و اقتطاف ایده رک عصاة رومک پناه و ملجاء و زوار اخلاص شعارک شفیع و منجائی جناب خالد کان رضوان ربیه علیه عائد افندیمن حضرت تریینک بعض مناقب حسنه لرخی حاوی و سلاطین کدشتکان علیهم الرحمة والغفران حضرت اندن اول بقعه مبارکه به کمال محبت و رعایتده قنخی ذوات عظامک خیرات احترام آیات لرخی تصحیح کرده روایت اولدیه انلرک بیاتی محتوی برقچ و رقندن عبارت بر رساله ترتیبی تنسب و رساله مذکورده بی جناب مقتضای انام علیه الصلوة والسلام افندیمن حضرت تریینک منزل مبارک جناب حضرت خالده مدت مکث و اقامت پیغمبر یاری اولان هفت ماهک عددینه اقتفاء

یدی باب اوزرینه تبویب و نام عالی جناب امام المسلمین افندیمن حضرت ترییه تبرک و تین اولندیغنه ابتداء اسم سامیسی (الاثار المجیدیه فی المناقب الخالديه) ایلله تسمیه اولمق تصمیم و تصویب اولندی (وما توفیق الا بالله علیه توکلت والیه انیب) باب اول جناب حضرت خالده نسب سعادت لرخی و جناب سرور انام علیه الصلوة والسلام افندیمن حضرت ترییه وجه قرابت لرخی و زمره انصار علیهم الرضوان المدرار افندیمن حضرت اتک جد اهل لرخی اولان اوس و خزرج نام دو برادرک تاجناب آدم علیه صلوات باری الامم حضرت تریینه وارنجه نسب لرخی و مدینه طاهره ده توطن لرینک مبادی و سبیل لرخی بیاننده اولوب بو باب اوج فصلی مشتملدر (باب ثانی بیعت عقبات ثلثه نک اجمالا کیفیتی و اول حضرتک مهماندار جناب خیر البشر اولوب اول منصب بالایی احراز بیوردقلری و هجرت با سعادت نیویه دن تا ذات رسالتک افندیمن حضرت تری روضه افضل الریاض لرنده اختیار انزوا بیوردقلرینه قدر حضور پر نور محمد سیدیه و معیت جناب احمد سیدیه حضرت مشار الیهک ظهور یافته اولان خدمات جلیله لرخی بیاننده اولوب بو باب دخی كذلك اوج فصلی شاملدر (باب ثالث جناب حضرت خالده زمان سعادت جناب فخر انبیا د نصکره و وقوع عیافته اولان بعض مناقب جلیله لرخی بیاننده اولوب بو باب انجق ایکی فصل اوزرینه اولمغه قابلدر (باب رابع حین فتح بلده عظیمه قسطنطنیه ده مشهد معطر حضرت خالده ظهورینک کبفیتی بیاننده اولوب ایکی فصل اوزرینه اوله رق باب ثالثه بمثلدر (باب خامس سلاطین ماضیه عثمانیه متعهم الله تعالی فی قبورهم بالنعم

الجنانية - حضرتان اول بقعة پراتوار ساطعه به کمال تعظیم
واحترام ایدہ رک قاج پادشاہ دل آکاکہ موفق اولدقلری خیرات
ومبرات قارعة سمع فقیر ومشاهد دیدہ عاجز پرتقصیر اولدی ایسه
انلرک بیانده اولوب بو بابده دخی ایکی فصل متخلصدر (باب
سادس اول حضرتک مشہد منورلرینک آداب زیارتی ولوازم
تعظیبات وتکریماتی بیانده اولوب بو باب دخی کذلک ایکی
فصل اوزره اولغہ متخلصدر (باب سابع اول بقعة مبارک
لامعه نک خدام وملازمیندن اولوب بعض مظاہر ومشاہیردن
اولان ذواتک ترجہ احوالی بیانده اولوب بو باب درت
فصل اوزرینہ اولهرق ابواب رسالہ بی متم ومخلصدر

(*) باب اول (*)

جناب حضرت خالدک نسب سعادتلری وجناب سرورانام علیہ
الصلوٰۃ والسلام افندیمن حضرتلریلہ وجہ قرابتلری وزمرہ انصار
علیہم الرضوان المدرار افندیملریمن حضرتک جد اعلالری
اولان اوس وخزرج نام دو برادرک تاجناب آدم علیہ صلوات باری
الامم حضرتلرینہ وارنجہ نسب لری ومدینہ طاهرہ دہ توطنلرینک
مبادی وسبیلری بیانده اولوب بو باب اوج فصلی مشتملدر

(*) فصل اول (*)

جناب حضرت خالدک نسب سعادتلری بیانده در مشار الیہ
حضرتلرینک نسب سعادتلرینی اجلہ ائمہ حدیثدن ابن حجر
عسقلانی وخلاصۃ الوفا فی تاریخ مدینہ المصطفی صلی وسلم
علی قاطنہا عالم السر والاخفی مؤانی امام سمهودی وائمه

حدیث وستیرک موثوق ومسنندی شول وجهله علی الوفاق
بیانده اتساق کلام ابتدا بلرکہ جناب مومی الیدام رضوان اللہ علیہ
حضرتلری ایوب اسمندہ اولان اکبر اولادلرینک اسمیلہ بر مقتضای
دأب قبائل عرب تکتی بیوروب ابوایوب کنیہ مبارک سبلہ کنیہ دار
واصل اسم عالیلری خالد اولوب لکن بین المحدثین کنیہ لریلہ
شہر تشہار اولشلردر ویدرلرینک اسمی زید اولوب انک دخی
پدری کلیب انک پدری دخی ثعلبہ انک پدری عبدعوف انک پدری
غنم وعلی روایہ چشم اولوب انک پدری مالک انک دخی پدری
نجارددر کہ فصل ثانیہ مفصلا سرد و بیان اولندیخی اوزره نسب
سلطان انبیاء علیہ اکمل التجایا الیہ نسب حضرت خالدک ملتقاسی
وخی خزر جدن اهالی مدینہ میانده بنی النجار دینکلمہ مشہور
اولنلرک جدا علا سیدر ودخی نجارک پدری ثعلبہ انک دخی پدری
عمرو اولوب انک دخی پدری سرقبیلہ انصار خزر جیین اولان
خزر جدر کہ انک و برادری اوسک بیان نسب لری ان شاء اللہ تعالی
فصل ثالثہ ذکر وتصریح اولنور ودخی بعض مورخین ثعلبہ الیہ
عبدعوف بیئندہ عمرو اسمندہ بر کچسہ اثبات وثعلبہ بن عمرو بن
عبدعوف دیو بیانده اظہار ثبات ایتشلردر بودخی خنی قالمیہ کہ
جناب حضرت خالدک مادرلرینک اسمی هند اولوب انک پدری
ربیعہ وانک پدری کعب وانک پدری عمرو اولوب انک دخی
پدری امری القیس نام کچسہ انک دخی پدری ثعلبہ کہ اول دخی
سابق الذکر خزر جک اولادندن کعب بن خزر جک اوغلیدر
بوصورتندہ جناب حضرت خالد علیہ رحمة الما جدد حضرتلری
پدر ومادرلری جهتندن خزر جی اولدقلری هویدادر ودخی

پوشیده دکلدر که صحابه کزین علیهم رضوان الملك المعین حضرت ائمه حدیث و سیر میانه من حیث الاعتبار صنوف متنوعه و طبقات منسبیه به منقسم اولدیلا رسیده مانحن فیهمه نظر ایکی صنف پسندیده به منحصر در دینلرک قوی التزام اولوب حضرت مشار الیه هم ایکی صنف اوزرینه در دیو فتح کلام اولندی (صنف اول کزین نسل قریشدن و کزین سلانه سائر دن نفس بلده مبارکه مکه ده و کزین قرب حرم الیه ده اولان بلاد و قرا و بوادیده استیطان اوزره ایکن بعثت جناب خاتم الانبیا بدید اولدقدده اتباع امام الانبیا به مسابقت ایله قدماء اهل ایمان اولوب هجرت با سعادت نبویه دن نص کره دخی ترک دیار و اموال و اوطان و وزیر جناح ملجأ انامده تحمیل بیوره رق نصرت و اعانت دین قویمده بذل مال و جان بیورن ذوات اعلامدر که انلره مهاجرین اطلاق اولنور (صنف ثانی ان شاء الله تعالی باب ثانی به بیان اشارت اولندیغی اوزره بیعت عقبه اولی و ثانی و ثالثه ده بولوب یا خود بعد الهجره کزین سلانه اوس و خزر جدن و کزین قبائل سائر دن اهالی مدینه منوره و سکان اطراف بلده مطهره دن اوله رق ذات نبوتسماته کمال محبتدن و زمره مهاجرین حضرتانه از دیار مودتدن کزین پیغمبر و الاشان و کزین مهاجرین خلوص کارانی بلده رینه دعوت و ابوا و نصرتلرنده بذل مقدرت و دیار و بساتین و اموال لرینی ایثار و فدا ایله کسب مزید سعادت بیورن حضرت کرامدر که انلره انصار دینلرک میان اسلامیانده علی الاتفاق قدر فعلی هذا مهاجریندن اولان اصحاب عظامه مهاجرین و زمره انصاردن اولان ذوات ذوی الاحترامه انصاری دینلرک تحقق ایدنجه جناب

عالمی نصاب

عالمی نصاب حضرت خالد رضی عنه ربه الواحد حضرت لرینه دخی انصاری دینلرک متحکم و انصاری اولان ذوات معالیماتدن نسبی اوسه پیوسته اولنره اوسی و نسل خزر جدن ظهور یافته اولان یاران سید السادات خزر جی دیه رک یاد و تذکار اولنقی معظم شانلرینی مستلزم اولدیغی شک و مراد نسیلم اولنجه حضرت مشار الیه ک اسم و نسب و قبیلله و کتبه و لقب و شهرت لری بردن ذکر و ایراد اولنقی مراد اولنقدده خالد بن زید ابو ایوب الانصاری الخزر جی ذکر و املا اولنقی مستنبط و منفهمدر

(*) فصل ثانی (*)

جناب سرور انام علیه الصلوة والسلام افندیمن حضرت لريله حضرت مشار الیه وجه قرابت لری بیاندهدر امام سمهودی و ائمه سائرین علیهم رحمة الملك المعین حضرت اقی شول وجهله بیان ایتشلردر که جناب ختم الانبیا علیه اکمل التحایا حضرت لرینک جد ثانی لری هاشم بن عبد مناف بردفعه لمصلحه جانب مدینه به عازم اولوب بالاده بیان اولنسان سر قبیله بنی النجار وجد عالی جناب خالد بن زید اولان نجلارک اولادندن عدی نام کچمه نک غنیم اسمنده اوغلینک غانم نام فرزندینک اوغلی اولوب خدش نام کچمه نک لید اسمنده اولان اوغلینک اوغلی زیدک فرزندى عموک کریمه سی سلما نام خاتونی سالف الذکر هاشم اول شده تزوج ایدوب اندن جد جناب پیغمبری اولوب شیده الحمد اسمیه نامدار و عبد المطلب و صفیه و صفدار اولان ذات ستوده صفات تولد ایتشدن موی الیه ک اسم سامعی اولان

شبهه الحمد اوزرینه عبدالمطلب وصفنك وجه غلبه سنی ائمه
سیر و حدیث شول وجهله املا و تحدیث ایتدیلرکه وجوه اهل
مکه دن اولوب نورانور محمدی به جینی محل اولغه سزایوریلان
هاشم سلمای نجار به بی حین تزوجنده اول وقتده معتبر اوله رق
طرفیندن قبولی حاوی شول شرطله تزوج ایتدیکه اگر بر ذریه
دید اولور ایسه اول مولود والده سیله مدینه ده ایقا اولنه پس
بو شرطله مناکحه تنظیم و قبل الزفاف هاشم جانب شامه کیدوب
بعده عودت ایتدکده امر زفاف دخی تمیم اولوب هاشم زوجه سی
سلمای کنینک وطن اصلبسی اولان مکه مکرمه به کتوروب
انده مقیم اولش ایدی چوق کچمدین سلمانک حلی هویدا
و بو تقدیرجه سلمانک مدینه به نقل اولنسی شرط سایقه بناء
لازم الایفا اولوب هاشم زوجه سی سلمای مدینه به وقوم و قبيله سنه
ایصال و کندوسی تجارت ضمتنده جانب شامه شد رحل ایدوب
انشاء راهده غزه نام بلده معروفده بکرمی و علی قول بکرمی
درت و قول دیگره نظرا بکرمی بش یا شنده ایکن ترک احباب
و اولاد و اموال و دار بقایه انتقال ایلدی بوروایت انسان
العیون نام سیرک مؤانی علی الحلبي حضرت تلرینک ترجیح کرده سیدر
بعده عبدالمطلب مادری یاننده و قبيله بنی النجار میاننده نشأت
ایدوب سنی بدی یا خود سکره و اصل اولدقده برکون عبدالمطلب
اطفال مدینه دن بر بلوک اقرانبله مسابقه و مناضله ایدر ایکن
اول اوانده حسب المصلحه اهالی مکه دن مدینه به ورود ایتش
بولنان کساندن برقاج کپسه میان اسواقده کشت و گذار ایده رک
اطفال من بورونک اولدقلری محله کلوب بونلری سیر و تماشا ایدرلر

ایکن کوردیلرکه میان اطفالده آثار فطانت و فراست و انوار
هبت و کیاست ناصیه سنده نمایان بر طفل بدیع الزمان همسنلریله
ملاعبه و مناضله و انشاء مسابقه ده تیری سبقت و اصابت ایتدکجه
بن زاده سید بطحایم و بن قبائل قریش ایچنده زبده و مستثنایم
دیومفاخره و مباحله ایده یور پس اول کساندن بریسی اول طفل
نورسته به خطاب وای نورانی لهجه سن قنغی شجره طیبه نک
خلاصه سی و قنغی سلاله طاهره نک خلاصه سی سن دیو
استجواب ایتدکده اول طفل ممتاز جوابه اغاز ایدوب بن رئیس
مجاوران بیت خدا و نفیس قبائل قطان بطحاز و ارحم اللهم
مضیاف هاشم بن عبد مناف نام مشهور عامه قبائل و مستجمع
کافه فضائل اولان ذات حمیده الخصالک فرزند نسبی و ولد
یحیی شبهه الحمد نام ارزاده ایم دیدی پس اول کسان مکه مکرمه به
قفول و وطن لرینه وصول ایله سرورنا محصوره موصول
اولدقلرنده سالف الذکر هاشمک برادری و صاحب مذهب
امام شافعی حضرت تلرینک نسب سعادتلری کندویه و اصل اولوب
حضرت مشار الیهک جد عالمبسی اولان مطلب بن عبد مناف
بو واقعه بی درون حرم مکه و بزمگاه سکینه بلده بکده نقل و بیان
ایتدکلرنده درون مطلبده برادر زاده سنه مستحکم اولان رحم
و شفقتی مقتضاسنجه شبهه الحمد کبی اقرباء و متعلقاتی کثیر اولان
نفس نفیسک دیار غربتده بلا نیس مکث و اقامتک المی چکرینی
سوزان ایدوب هم اندم مکه دن قافل و چند روز ظرفنده بلده
مطهره مدینه به و اصل اولوب برادر زاده سنک حالندن استفسار
و ملاقاتی ضمتنده اسواق مدینه ده کشت و گذار ایدر ایکن میان

اطفالده مصادفت و کمال فراست و پدرینه کمال مشابَهت سببیه
 برادر زاده سنی بیلده کده دو چشمی کریان اولوب برادر زاده سنی
 خفیه آلوب جانب مکّه یه روان اولدی روایت اخرا یه نظر امطلب
 مدینه یه کلوب برادر زاده سنی تجسس اثناسنده آنفایان اولندیغی
 اوزره بین الاطفال کوروب فراستله بیلده کده همراهی اولان
 صبیانه هاشمک اوغلی شبیه الحمد شو طغلیدر دیوسوال ایدوب
 انلردخی بلی بودردید کده مطلب شبیه الحمدک عمی اولدیغی
 صبیانه اشعار ایدنج صبیان مطلبه اگر سنک ضمیر کده بونی آلوب
 مکّه یه کتورمک مرکوزایسه والده سنه بوخبر واصل اولمزدن
 مقدم آلوب کتمک استحال ایله والابو شبیه بی والده سی سکا تسلیم
 ایتک امر محالدر دید کلرنده مطلب در عقب شبیه بی تزدینه
 استجلاب و عمی اولوب شبیه بی قوم قبیله سنه کتوره چکنی اشرا ب
 ایتد کده همان شبیه بورائی استصواب و دیار غریته یتله اولمقدن
 اعمام و احوال واقربا میانه اولغه شتاب ایدوب مطلب همان
 دوه سنی چو کروب شبیه بی ترکیسنه ارکاب و جانب مکّه یه مادرندن
 خنی اوله رقر هیاب اولدقلری و اول کیجه اخشام اولد قده مادر
 شبیه اولان سلمای نجاریه شبیه بی ارایوب خبر کیجه ظفر یاب
 اولد قده نور دیده سنک خبر صحت و عافیتی زلالله سیراب واقرباء
 پدرینک یانه کتدیکندن من وجه غمناک و من وجه فرحناک
 اولدیغی تصریح کرده نقال ذوی الالبادر (و روایت دیگرده
 مطلب برادر زاده سنی آلوب مکّه یه کتورمک مراد ایتد کده
 سلمان استبدان سلمادخی امتناعی اعلان ایدوب شبیه الحمد دخی
 مادرینک اذن و رخصتی اولد بجه کتمه چکنی بیان ایتد کده

مطلب سلمانک اولدیغی محله واروب بو طفل جان پاره بی
 آلمد بجه کتمک بنم ایچون امر محال و بو جگر پاره پدر سن
 غربته ده اولدن اشرف بلاد اولان بلده معظمه ده پدرینک
 اخلاف واقارباه نشأت ایتسی محض خیر اولدیغی غالب
 الاحتمالدر دیهرک سلمایی الزام سلمادخی لوازمات سفر یه نک
 تنظیم و ترتیبده اهتمام و نور دیده سی حقنده و صیای لازمده بی
 مطلبه افهام ایدوب مطلب دخی برادر زاده سنی دوه سی ارقده سنه
 ارکاب و جانب مکّه یه شتاب ایتدی اثناء راهده راست کلنلر
 مطلبک رد فنده شبیه بی تأثیر آفتاب ایله وجهی متغیر و البسه سی
 فرسوده و غبار ایله آوده کورد کلرنده کیمسی من غیر سوال بو غلام
 مطلبک بنده مشترا سیدر دیوب و کیمسی مطلبه بو غلام کچدر
 دید کده مطلب برادر زاده مدر دیمک استجیا ایدوب کوله مدر دیو
 جواب و یردیکندن حقیقت ماده تبیین ایدنجیه قدر مطلب کوله سی
 دیمک معنا سنک عریسی اولان عبد المطلب لفظی السنه اهالی
 مکّه ده انتشار و شبیه الحمد تا پرو قیام بو وصفله شهرت شعار اولمشدر

(*) فصل ثالث (*)

زمره انصار علیهم الرضوان المدرار افند یلریمز حضراتک
 جد اعلاری اولان اوس و خزرج نام دو برادرک تا جناب آدم
 علیه صلوات باری الامم حضر تلرینه وارنجیه نسبلی و مدینه
 طاهرده توطنلرینک مبادی و سبیلری بیانده در بالاده سردو بیان
 اولندیغی اوزره جناب مهماندار پیغمبری علیه رضوان ربه الباری
 حضر تلرینک جد اعلاری اولان خزرج و برادر اکبری اولوب
 انصار اوسبونک اصل بالاری اولان اوسک نسبلیرینک جناب

حضرت آدمه اتصالی مهره علم انساب شول وجهله بیانہ شتاب
ایتدیلر که مومی الیہما ایکی برادرک پدرلی حارث انک پدری
تعلیمه در که بین القبائل تعلیمه العنقاد بیکله مشهور انک دخی پدری
عمر و در که مزبورک دابی کل یوم ایکی حله جدیده کیوب اول
حله لری کنند نصره فرد دیگرک کید و کنه عدم رضاستند ن
ناشی انلری پاره پاره خرق و تمزیق ایتک اولدیغندن مزبور
بین قبائل الانصار من یقیا لفظی صفت شایعه اولشدر و مزبور
قریباً ذکر اولنه جق قصه سیاده ذکر آتی ظرفه نا
کاهنه نک زوجیدر مزبور عمر و دخی پدری عامر ماء السماء درم
ماء السماء وصفیلہ سبب اتصافی قوم و قبیلہ سنه و سائر بنه دائماً
اطعام طعام و انواع عطایا الیہ **کرام** ایتدیکیدر دیو بیانکرده
ارباب تواریخ اعلامدر انک دخی پدری حارثه القطریف انک
امری القیس نام بر کچمه اولوب انک دخی والدی تعلیمه انک پدری
مازن اولوب اولدخی ازدنام کچمه نک اوغلی اول دخی غوث نام
کچمه نک اوغلیدر انک پدری نبت انک پدری مالک انک پدری زید
انک دخی پدری **ک**هلاندر که انک پدری مأرب نام دبارده توطن
ایدوب مال حاللرینی زیده نقل و بیان اولنان اهالی سبک اصل
بالاری سباء در انک دخی پدری یثعب انک پدری یعرب اولوب
انک پدری قطان اول دخی محققان مورخینک تصریح و بیانلرینه
نظرا پیغمبران سا بقیندن عابر دینکله مشهور ارباب نسب اولان
هود نبی علیه السلام اوغلیدر مشار الیه حضرتلری بعض
مورخینک بیاننه بناء جناب خاتم الانبیا علیه اکمل التحایا افندیمن
حضرتلرینک اوتوز التخی جد عالیلری اولوب و جناب حضرت

خالدک

خالدک اوتوزنجی جد عالیلریدر انلرک دخی پدرلی صالح انک
والدی قینان اولوب انک دخی پدری ارشد در که اول سام بن
نوح علیه السلام اوغلیدر بوتقدیر چه جناب نوح علیه
السلام حضرت پیغمبر آخر زمانک قرق برنجی جدی اولدیغی
ظاهر و ابوالبشر ثانی اولدقلری نقول مورخیندن مستفاد
و باهر در حضرت مشار الیه نوح علیه السلام والدلی ملک
نام کچمه اولوب انک دخی پدری متوشلخ در که اول اخنوخ دینکله
ارباب فن نسب میاننده مشهور و هر مس دینکله حکماء یونان
پیننده متعارف و مذکور اولان موجد خیاطت و کتابت و ندریس
جناب حضرت ادریس علیه السلام در که انلر دخی جناب خواجه
عالم صلی الله علیه وسلم افندیمنک قرق در دنجی جد مکرملریدر انلرک
دخی پدری یبرد انک دخی پدری مهلائیل اولوب انک دخی پدری
قینان انک دخی پدری انوش در که اول حضرت شیت علیه
السلام اوغلی اولوب انلرک والد ماجدلی جناب صنی الله
آدم علیه السلام حضرتلری اولدیغی هویدادر بوصورنده
حضرت آدم علیه السلام جناب سرور انام علیه الصلا و السلام
حضرتلرینک النبی درجه ده جد اکرملری اولدیغی بدیدارد
ودخی زمره انصار دام علیهم رضوان الملك الغفار حضرتانک
اجداد لری مدینه مطهره ده نوجهله اسکان و توطن
پوردقلرینک بیانی قصه سبائی اطلاعه توقف ایتدیکنندن اول
قصه مزبوره کتب و ترقیم بعدم اجداد انصارک مدینه منوره ده
سبب توطنلرینک ذکر و املا سیله باب اول تجم اولندی و منه العون

(☀) تفصیل قصه سباء (☀)

اهل سبا که آنرا اهل ما رب دخی دینلور و آیه کریمه ده بلده
طیبه بیوریلان بلده سبا در که صنعا نام بلده معروفه به اوج مرحله
محلده اولوب اکا قریب برنهر عظیم و ارایدیکه بلاد یمندن یتش
قدر انهار کیره نک میاهی اکا جریان و آنده اجتماع ایتمکله
در یامثال برنهر جسم اولوب انک اسمنه عین مهمله نک قحی و رانک
کسر بله عرم دیرلایدی و اول بلده بی اولاسالف الذکر سبا بن
یشحب بنا و اعمار ایدوب کون بکون انک اولاد و احفاد و اخلافی
کمال مرتبه تکثر و توفرا یتدیکندن بلده مزبوره درجه غایتده کسب
جسامت یتدیکندن ماعدا حواله بسنده قرا و قصبهات دخی
متراید تا شام شریف قرا رینه قریب محله و ارنجه در تیک بیدیوز
قریه بنا و احداث اولوب طولا و عرضا یکی آبلق مسافه ایله
محدود بر اقلیم عظیم اوله رقی کمال حسن و بهاده زروه غایت
منصاعدا اولدی حتی اول قریه لک بهرنندن دیکری بدیدار و وقت
صبحا حده بوله روان اولان کسان اخشامه قدر قریه اخرا به مشی
منوسطله و اصل و اخشامدن عزم سفر ایدن مسافران وقت
صبحده قریه اخرا به متواصل اولوب هر ایکی قریه نک بینی کمال
امنیت و درجه غایتده سهوات اوزره برقرار ایدی و هر قریه نک
یمین و یساری باغ و بوستان ایله آراسته و کافه بلاد سبا پره و کهله
و بعوض امشالی انواع موزیات و حبه و عقرب امشالی حیوانات
و موجب مضرت اولان عامه حشراتدن وارسته اولوب بلاد
سارهدن و رودا بد نلرک اثواب و اشیا سنده بونلردن بریسی اولسه
دخی حدود بلاد سبا و صولنک عقبینده اول مثل و حیوانات عدده
پیوسته اولور ایدی و اول اقلیمک ایکی طرفنده اولان باغچه لاول رتبه

بر برینه متصل و الا ز شام ایله یمن یمنی شامل چول اولان بوادی
هریده ثمرات و شکوفه اول مرتبه میذول ایدیکه زنان بلده باشلرینه
سپت آلوب اللریله ایلاک اشلیه رک درون باغچه لوده کشت و کنار
و مشقه سزجه آزوقنده سپتری انواع فوا که نفیسه ایله لبریز
ایدوب یرلرینه رجعت و مزید صفا ایله آرام و قرار ایدر لرایدی
و بساتین مذکوره سالف الذکر نهر عرم ایله سنی اولنور ایسه ده
کثرت باران و وقوعنده شاید و فرت سیلاب اصابت ضرر ایدر
ملاحظه سیله بانی بلده سبا ککندوسی و علی قول لقمان
اکبر عادی نام بر ملک و بر روایتده لاعلی التعین اولاد سبا دن بریسی
اول خطری دخی دفع و ازاله و نهر مزبورک پیشگاهنه طولا و عرضا
بر رفر سطح اوله رقی بریند جسم بنا و حوالی ایدوب بعد زمان زمام
ملک بمالک سبائی در دست ایدوب بعده جناب سلیمان علیه
صلوات الملک المنان حضرت لرینه اطاعت و متابعت و شرف
ازدواجله کسب سعادت ایدن بلقبس نام ملکه اول سدی تعمیر
کلی ایله ترمیم و منخور و احجار ایله کمال رصانت و متانتی تبیم و عظیم
منفذ لایجاد و اعلا و اوسط و اسفل اوله رقی اوج باب کشاد و آنلری
دخی قوی و متین و رصین اوله رقی بنیاد ایلدی حین اقتضاده باب
بالا آچیلوب مراعی و بساتین مستوفاسقا اولنوب سنه ثانیده
باب اوسط و سنه ثالثه ده دخی باب اسفل کشاد اولنوب باغ
و بوستانلرینه داخل و اهلری اوزره آب القا اولنوب اوجنی سنه نک
ختمانده تسکرا رینه میاه انهار لایقوله توفرا ایدرک و راء بنده امتلا
وارتقا ایدوب هر اوج سنه ده دریای عنایات و الطاف ربانیه اول
اقلیمده اول وجهله جریان و استقا اوزره ایدی الحاصل بوسبا

دینکله مشهور اولان اقلیم مأربک سکنه سی پیننده اولان کمال
 موافقت اختلاف و منازعه دن بجانبت و عرض و مالارنده اولان
 کمال امنیت و بالجه تسلط اعدادن محفوظیت و امر معاشلارنده
 اولان وسعت و سهولت و رزق لرنده اولان وفرت و رخصت
 و صیف و شتاده علی الدوام جمیع اقلیمک هوا سنده مطرد اولان
 اعتماد و لطافت و اهالیکن وجود لرنده دوام صحت و عافیت
 و عمل و امراض ردیه و مد هشه کمال قدرت کمال قدرت الهیه به
 دلالت ایدن علامات باهره دن کمال وضوحه بر علامت و دور
 آمدن تا بروز قیام روی ارضده خلق اولغامش فضل و عنایت
 و لطف باریدن شکری اوجب و لازم بر نعمت اولوب آنک مقابله
 سنده اهل بلاد مأرب با جمعه هم شب و روز انواع عبادات و طاعات
 ایله اشتغال اعتنا و بواله الهیه نک شکر یله عمر لرینی افشا ایتک
 شرعا واجب و عقلا بر امر لازم ایکن اکثری عبادت
 آفتابه انک کباب و انواع کفر و شرکی ارتکاب و کفران
 نعمت جریمه سینه انهماک ایله ترک راه صواب ایدوب مظهر
 قهر الهی اولغله کسب استعداد شتاب ایتش لرایدی حتی جناب
 ارجم الراحمین انلره متعاقبا اون اوج پیغمبر هدایت رهبر بعث
 و ارسال پیوروب اول پیغمبران عظامک بهری بونلره (کلوا من
 رزق ربکم و اشکروا له بلده طیبه و رب غفور) کلام مواعظ انجام یله
 خطاب یعنی ای اهل مأرب جناب خالق کریمک سزله عطا
 پیوردیغی رزق اوسعدن بول بول بیک و اداه شکرده مبالغه ایلیک
 زیرا بلده کز بطبقه مانند جنسان بلده طیبه در ور بکن کمال
 هفران ایله موصوف اولان خالق لم یزل اولوب کثرت شکر بکن

ازدیاد نعم دارینی موجب در واکر سز اوامر الهیه به امتثال دن
 امتناع ایدر سکن عاقبه الامر سزک سبب هلاک کز اول سد عرمک
 انهدامی اولوب و راء سده اولان میاه کثیره جریان و بلاد و اوطان
 و اموال کز مستغرق بحر قهر یزدان اوله جخی بی اربابدر پیوره رق
 انلری دین حقه دعوت و کفر و طغیان ترک ایدوب دایره هدایت
 وصلت پانده اوامر الهیه بی تبلیغ شتاب و روز جزاده کفره
 و مشرکین ایچون مهیا پیوریلان عذاب نامتناهی بی تفهیم
 پیور مقده ایضاح راه صواب پیوردیغه انلر اتباع انبیادن امتناع
 اوزرینه اولد قلربی تصریح و شقاوت ابدیه بی سعادت سرمدیه
 اوزرینه ترجیح و دو جهانده موجب عتاب اولان افعال شنیعه بی
 ترک ایتیه جکرینی اظهار و تلمیح ایتد کز ندن فضله اول پیغمبران
 ذوی الشانی استهزا ایتک جریمه سینه دخی جرأت و کمال کبر
 و عناد لری موجب ججه درگاه الهیدن کندی لری حقنده موجب
 قهر و دمار اوله جحق حالاتی طلب ایتک که جسارت ایدوب نظم
 کریمده (فقالوا ربنا بعد بین اسفارنا) آیه کریمه سبیله منصوص
 اولدیغی وجه اوزره پیغمبران مشار الیه اول بدکاران بوتقارب
 بلاد بزم طبیعتزه ملائم اولیوب قصبات و قرا بر لرینه بعید
 پینلرنده بعد مسافه اوله رق یز لدخی نزول و کوب ایدره رک
 بلاد و اقطاره ذهاب و ایاب ایتک بزم مطلوب بزم دردیو پیغمبرانه
 بو گونه رد جواب غیر سدید ایدر لر ایدی حال بو که پیغمبران مشار
 الیه هم حضراتنک اخبار لرینه بناء سبب تخریب بلاد لری اولان
 سد عرمک اندر اسنه سبب کوسته یک دینلن جانور اولدیغی
 مجزوم لری اولغله حیوان مزبورک ضدی اوله رق وافر کدی

تدارك واول سدك پيشگاهنه سراپا اول كديلري ربط و بند ايله
 كويار علم نجه دفع اسباب مهالك ايتنلرايدى عاقبة الامر اول
 اقليم ماربك اهل ايسى حقننده قضاء جناب قهار جريانى بديد
 وانلرك جد وسعى ايتد كلى احتياط غير مفيد اولوب بر كچه
 ناكاه لايعد ولا يحمى كديدن بيوك كوسته بلكر آشكار واول باغلى
 اولان كديلر ايلري قيروب جله سى فرار ايدوب آز وقتنده اول
 كوسته بلكر زير سدى حفر ايتد كلرن دن سد عرم منهدم اولوب
 عامه بلاد سبأ مستغرق باس شديد واسم منتقم ايله انلره تجملى
 اولنهرق بلاد و باغ و بستانلري كليا هلاك و تدميره رسیده اولوب
 اول ثمرات نفيسه متنوعه به بدل باغ و باغچه لري جله تار مار انجق
 بعضي بنده جايجا كوكتار و ايلغين امثالى ثمره مره و نباتات
 غير ما كوله بيدار وانلرك اكثرى ذائق مقدمه عذاب اولوب نذر
 سعيه استعجال وصول ايدوب انجق ايتلرن دن برفرقه عاقله مائل
 احوال مر سومه بي تعقل و تفطن ايدو رك اول حواليدن رحلت
 وقفول و دائرة فوز و نجاته دخول ايدوب پدراوس و خزرج دخی
 اول طائفه ناجيه دن اولد قلري بيان كرده ارباب نقولدر
 چونكم انجام طائفه من بوره آنفا ذكر اولتسان حاله منهدم
 اوله جنى شرعا و عقلا بديهي اولديغندن بشقه بالاده تفصيل
 اولد بديهي اوزره اوس و خزرج نام و برادر ك جدلري ثعلبه
 العنقا نام كچسه نك باباسى عروم بقبيلك زوجة سى ظريفه نام
 كاهنه و مر سوم عروك برادري عمران نام كاهن تفصيلي موجب
 ملال اولان بعض رؤيا و علامت و مقتضاي كهانت ايله بلاد
 سبأك خرابه رسیده اوله جغه استدلال و من بوره عروم بقبيل دخی

متعاقبا كورد يكي رؤياى مدهشه لردن بلاد من بوره نك مظهر
 اسم جلال اوله جفى تيقن ايدوب جله اموال و اشيا و باغ
 و مواشيسنى آزه و چوغه باقيه رق صاتوب اولاد و احفاد و توابيله
 اول اقليم دن هجرت و ارتحال و اول عقوبات دن تخلصك سببى
 استحصا و اول امارات عذابى آحاد اهل بدن دخی كتم و اخفا
 داعيه سنه دوشوب بر كونه حيله ايله تخلص كرى بيان
 ايتنك چاره سنى كورمكه استعجال ايلدى شوبله كه عروم من بوره
 بسيار قيون و دوه ذبح ايلوب بر ضيافت عاليه ترتيب و جمع وجوه
 و اعيان بلده دن خلق كثير و آحاد اهل بدن جم غفير دعوت ايله
 اظهار محبت و ابراز سخاوت ايلدى اول دعوت وانلرك ايتچنده
 بر كچسه دخی و ارايديكه اول كچسه حال صغرنده يتيم قالوب عروك
 دائرة حياه سنده نشوونما اولوب آز وقتنده عروك اعانه سيله اموال
 و افره به مالك اولوب ينه عروك سايه سنده تناكج و تناسل ايدوب
 رفاه حال ايله كسب صفا و تحصيل انواع نعم ايتمش ايدى امدى
 ضيافتدن مقدم عرو اول شلخصى خفى اوله رق جلب ايدوب
 ترتيبى مصمم اولان مجلس ضيافتده حسب العاده بن سكاملا ناسده
 نه امر ايدر ايسم سن همسان بكا مخالفت و بن سكا عتاب
 آميز خطاب ايتد كچسه سن بكامقابله ده مبالغه ايدو رك قول و فعلا
 خصمانه عدم اطاعت مبادرت ايدو سن ديوتنبه ايكيد ايدوب
 اول كچسه دخی بوفعل ناسزا بى ايتمكه تهديد دن ابا ايتد كچسه سنك
 بوبيله ايتنك بنم و سنك بالجملة حقمزده خيرى مستلزم و الاجله مزه
 تحقيق خسران و اديار امر مختمدرد بواخافه و تهديد ايتمش ايدى
 وقتا كه يوم ضيافت حلول و مدعو اولنلر فوج فوج محل ضيافته

ایاب و نزول ایدوب هر کس علی مراتبهم افعاد اولنوب اگر املرنده
مبالغه اولنه رقی هر مجلس اهل بسی هم مجلسیله مصاحبت
وموانست ایدوبك آثار و دادمزداد و آیند كانك بهری کمال رعایتله
خندان و شادایکن اول ائشاده صاحب مجلس اولان عمرو من بقیا
شخص معهودی حضور مدعوینده یانه چاغروب علنا لوازمات
مجلسه دائر بر شیشه امر ایتدکده شخص مزبور عمروك تنبیهنه
بناء در عقب عنقله معامله و امر عمروه امثالده اظهار مساهله ایدوبجه
كان عمروك ناره غضبی اشتعال و شخص مزبوری هر قدر عتابانه
خطاب و تکذیرانه صحبتلر تفوهیله تقریع و اذلال ایتدی ایسه ده
شخص مزبور تنبیه سابق اوزره صورتده متنبه اولوبینه
منازعه و مناقشه بی حددن آشردقده کو یا عمروك غضب و تهوری
تزايد ایدوب شخص معهودی ضرب ورنجه سیده ایتك سودا سبله
النده کی عصای اول کیمسه به حواله ایتدکده شخص مزبور دخی
علی الفور رئیس بلده اولان عمرو مزبورك وجهنه برسله اوروب
ملا ناسده عمروك شان و رفعتنی هتك ایلدکده احوال مجلس
دیگر کون و اصدقاء عمروملول و محزون و اغیار مسرور و ممنون
اولدیلر هماندم عمرو بو اوضاعدن اظهار تأثر و اولاد و احفادینك
عدم اعانتلرندن ابراز تکدر ایدوب بو بلادده توطئیدن اموال
و اشیای دون و کران بهایه فرخت ایدوب دیار آخره هجرت
ایتك بکا اولی در دیونعلی متعسر یا خود متعذر اولان ماملکی
نه واریسه جله سنی صاتوب و صاوبوب هجرت اوزرینه اصرارنی
اطراف و اکنافه اعلان ایلدی اهالی بلدهنك دخی بعضی
پادیه نیل املندن و کیمی اموال عمروه کمال حسدندن بو ماده بی

سبب رفعت و بوفرستی غنیمت بیلوب عمروك اشیای اشترا و عمروك
هجرة اظهاری سر ایتدیلر پس عمرو بلاد سبادن قطع علائق
و اولاد و احفاد و ازواج و جمیع توابع و تعلقاتیه حدود سیای
نجاوزایله جای سلامتی بوله رقی امن و امانه لاحق اولدقده جمیع
اولاد و احفادینی تزدینه جلب ایدوب جله سنی خطا با دیدیکه
بن سزه جمیع بلادك خصایص و اوصافینی توصیف ایدیم بهر یکر
طبعنه موافق اولان جانبی اختیار ایدوب اول طرفه عزیمت ایلله
کسب صفا و عیش ارغذله دفع عوائق ایتسون پس عمرو قصر
عمان و بطن مروازدشنوه و بصری و عراق و همدان بوجهله
بلادی توصیف و سزدن قنغیکر درختانی و فرت اوزره میوه دار
و محلی کثرت طعام ایلله کسب لذته مدار اولان بلده بی استرایسه
خرما و فوا که سارّه سی بسیار و لطافت هوا ده بلاد هر يك سارینه
رجحانی در کار و یثرب اسمیله نامدار اولان بلده اظیفده اسکان
ایتسون دیواول ائشاده ذکر و تعریف ایتدکده احفاد عمرودن
اوس و خزرج نام ایکی برادر اول اوئنده یثرب اسمیله مشهور
بعد الاسلام اول لفظك اطلاق منع اولنوب الا آن مدینه و امام
سمهودینك بیاننه نظرا یوز قدر اسمیله بلاد سارّه اوزرینه ترجیحی
مأثور اولان بلده طیبه حسنه بی ایشار و قوم و قبیلله لر یله لدی
الموادعه جانب بلده مبارکه یه قفوللرینی همراهلرینه اظهار اول
وقتده مدینه سکینه ده اسکان ایتش اولان طائفه بنی اسرائیلله
همجوار اولدیلر بعده بونلرک نسلی تکثر و کون بکون اولادلری
توفر ایدوب طائفه یهود ایلله اخذ و اعطا و اظهار مصافات ایدوبك
اختلاط و موانست ایتدیلر ایسه ده حکومت بلده یته ایلدی

یهودده اولوب بونلرک اوزرینه یهودک غلبه سی درکار ایدی
 بوند نصکره رؤسای یهودک ظلم و تعدیلری آرتوب بربرینه دایما
 رنجیده ایتمکله اصرار اوزره ایسه لرده قبیله اوس و خزرجه
 کمال تود د اظهار ایدر ل ایدی بعد زمان طائفه
 یهود دن فطیون نام بر خیت بد کار طائفه مرسومونه
 سردار اولوب اهل بلده یه انواع ظلم واضرارندن بشقه برکار
 دشوار دخی احداث و اظهار ایتدیکه سکان بلده دن بریسی
 تأهل ایتسه اولو لعین مسفور اول خاتونه دخول ایتدیکه
 زوج ناخنک زفاغه رخصت و برلیوب هرکسک عرضینه
 بوجمله تسلطه ایتدار ایتدکده بوکار بدیشه هرکسه برمشکل
 اندیشه اولمش ایدی آخر الامر بوفعل فیجی قبائل اوس و خزرجده
 دخی اجرا سوداسنه دوشوب اول اناده اولان خزرجدن مالک
 ابن العجلان نام مرد غیورک همشیره سنی برکچسه تزوج ایدوب لیله
 زفاغه ملعون مسفور طرفندن امر مستکرمه معتادک اجراسی
 ضمننده خبر ورود ایتدکده سالف الذکر مالک بوماده یه تحمل
 ایده میوب لعین مرسومک نکبتخانه سنه عروسه من پوره یی ناچار
 ارسال و مالک کندوسی زی نسا ده همشیره سیله برابرکیدوب
 علی الغفله مسفور فطیونی باصدیروب رأس خبیثی جسد ملوشدن
 تفریق استعجال و خبیث مسفوری درک سعیره ایصال ایلوب
 اصح روایاته نظرا کندوسی اول وقتده عدالتله شهرت شعار
 واسعد اسمیله نامدار اولان شاه ممالک یمن تبع اصغر نام ملک
 کثیر الممالک و اروپ بلده مدینه نک حسن نظامی ملک من بوردن
 رجا کو یان اوله رق ماوقعی بیان ایتک ضمننده ترک وطن ایلدی

ملک تبع دخی بوماده فاسده یه مطلع اولدقده فوق الغایه غضبناک
 اولوب ایمان غلیظه ایله یمن ایتدیکه طائفه یهود اوزرینه
 سوق عسکر و بالنفس کندو واروب طائفه مرسومونی زبروزیر
 و بلده یی بالکلیه خاکله برابر ایلده وقتا که ملک تبع جنود کثیره ایله
 قرب مدینه یه کلوب جبل احده نصب خیام و درون بلده یه
 تهدیدانه خبرل ارسالیله ضمیرنده اولانی اعلام و در عقب وجوه
 یهوددن اوچوز کسان حضورنده اعدام ایله ابراز مقدمه
 اخذ انتقام ایتدکده بقیه یهودک قتلبرنده کمال خوف غلبه سیله
 بدیلرنده اختلال تام واقع اولدی اول اناده ایکوز الی باشند
 بریهودی موکب ملکه وصول ایدوب حضور ملکه کبرمه
 بریول بولوب دیدیکه ای ملک بالا قدرت سنک بوسعیک عبندن
 عبارت بر خصوصدر زرا بو بلده یی تخریب خلاف قدر و سترک
 کبی ذواتک بو مثالی فعل اوزرینه اقدامی ترک ایتک برامر
 معتبردر اول وقت ملک تبع حیره واروب بوسوزک منشانی یهودی
 من بوره سوال و تحقیق ماده ضمننده سردمقال ایتدکده یهودی
 من بوردیدیکه بزم کتب منزله ده مطالعه من سبقت ایتدیکه بنه
 بو بلده طیه مکّه مکرمه ده ادعاء نبوت و آخر الامر باو حی الهی
 و بروفق امر ربانی هجرت ایده جک حضرت اسمعیل علیه السلامک
 نسل طاهرندن احمد اسمیله نامدار و جمیع ادیانی نسخ ایله جمله انبیا
 اوزرینه رجائی درکار و دینی قیامته قدر برقرار اولان نبی
 آخر زمانک محل هجرت بدر هماندم بو گفتار ملک قلبیه تأثیر
 و جانب ختم الانبیایه قلبنده کمال محبت قرار کیر اولوب ترک محاربه
 اوزرینه عازم اولدیغی نشر و اعلان و سکان بلده یه تدابیر حسنیه ایله

حسن نظام و برهرك جله به بذل اموال فراوان و عدل و داد ايله
 جله اهالي بي خندان ايلدي بعده سالف الذكر يهودي
 و بروايتده اخبار يهوددن برقاج خبري دخی معينه آكوب جانب
 مكه به شد رحال و بيت مكرم به كسوه تعليقه همجوار حرم الله
 اوله لری دخی خوشحال ايدوب دار ملكي اولان بلادينه
 ارتحال ايلدي اول وقتة كلنجه بيت مكرم كسوه ايله مستورا ايدوب
 ابتداء تعلیق كسوه اثرأ ثور ملك من پوردن پس دار ملكينه
 وارد قد نصكره دائماً اوصاف حسنه شاه انبياي اول معبته
 اولان اخباره نقل ايتديروب اوصاف و نعوت خير البشر ايله
 تلذذ و تبرك ايدرايدى بو واقعه دن نصكره اولاد اوس و خزر ج طائفة
 يهود اوزرينه كسب غلبه و كونبكون درون بلده ده تصرف لری
 قوت بولوب هر بر بطن بر طرفه احداث بنا و بلده مباركده
 كسب اعتلا و هر بر بطنك محل سكنارينه بر محله اطلاق اولنه رق
 اولاد اوس و خزر جده غالبيت و طائفة يهود ده تشتت و مذلت
 روشنا اولغه باشلدى امدى بوروايت صحیحه دن مدینه
 منوره ده طائفة بنی اسرائيل اسكانی اوس و خزر جك قدومندن
 چوق زمان مقدم اولديغی مستفاد اولوب ابن اسحق نام مورخك
 نقل كرده سی اولان قولك عدم صحی و كال غرابی مسلم عرفاء
 نقاد در ابن اسحق شویله نقل و بیان ایدر كه بلده طيبة سكینه ده
 اصلا اثر بنا بوغیكن تیان نام ملك تبع برد فعه اول محله ورود ايدوب
 معبته بولنان علماء تور اتدن در تیز قدر كچمه اول محله
 اسكان اتمكي استیذان ايتديكلرنده ملك من بور حكمتی سؤال
 واستعلام حال ایدنجه انلر دیدلر كه توریة شریفدن استنباط مزمه

بناء بو محل پیغمبر آخر زمانك محل هجرتی اولوب بزر دخی بو محله
 استیطان و كنندیمز اول وقتة یثیمز ایسكده اولاد مزمه وصیت
 ایدوب سلاله مژدن اول پیغمبر والا شانه هر كیم ینشور ایسه انك
 دینه اتبع ایدوب اعانت و نصرتنده بذل مقدور ایدر
 نبل اجور فراوان ایدر ل اول وقت ملك من بورا و صافی بی ذیشانی
 انلره نقل ایتدیروب سمت نبوته قلبنده محبت و افره حصول پذیر
 اولدیغندن انلرك مسؤله مساعدده سنی اجرا و هر برینه برر دار
 خاصه ذات رسالت پناه ایچون دخی بر منزل دلجو بنا و هر برینه
 پر جاریه اعطا و جله سنك سر لوحه سی اولان عالمی ذات
 رسالتما به تخصیص ایتدیكي منزله اسكان ایدوب جانب خیر
 الرساله هر اسم تعظیم و تکریمی ایفا و بر لوحه اوزرینه (نظم
) شهدت علی احمد انه * رسول من الله باری النسم
 (فلو مد عمری الی عمره * لکننت وزیراله و ابن عم)
 قطعه سنی ڪتب و املا و التون ايله تحلیه سنه اعتنا ایدوب
 ذات محمدی به عن ظهر الغیب ایمانی اشعار و ایما ایدوب اول عالم
 کبیره دخی شو و ایدیه تنبیه و ایضا ایتدیكه سن و اولاد اولادك
 بو خانه ده ساکن اولوب سلاله کدن هر كیم اول پیغمبر ذیشانك
 زمانه ینشور سه بنم بولوحه می عتبه احمدیه به تقدیم و انما و بنم
 صدق عبودیتی عرض ايله بنده لکه قبوللری خاکی
 پیغمبرانه لرندن استرجا ایلیه پس اول منزل مبارك بطریق الارث
 حضرت خالد بن زید رضی الله عنه حضرت تلبینه منتقل و جناب
 حضرت خالدك نسلی اول عالم کبیره متصل اولوب لوحه مذکور بی
 حضور نبویه حضرت خالد بن زید تقدیم ايله مقتضای وصیتی

لا یقیله مکملدر و برر وایت شاذه ده جناب خالد بن زید اول ملک
تبعک سلاله سندن در ایمدی ابن اسحقک بونقلی مر جوح و عند
المحققین عدم صحی مبین و مشر و حدر زیر خلاصه الوفا مؤانی
امام سمهودی حضرت تری ابن اسحقک بوقوانی ذکر عقیقینده
بیورر که کتب توار بخ متقدمینده منقول اولان نقولک اصحی
بودر که اهل مدینه دن اولان انصار حضرتک بالجمله نسلی
اوس و خررجه متصل اولغله جله سی صحیح الانساب اولاد عرب
ونسلا رینه یهودک اختلاطی مستبعد و مستغیر بدر و تبع حقه ده
نقل اولان اخبرک خلاصه سی اسعد نام ملک تبعک ایماننده
اختلاف در کار و ثبوت ایمانی صورتنده دخی ایمانی جناب ابراهیم
علیه الصلوٰۃ والسلام حضرت تری رینه میدی یو خسه جناب خاتم الانبیا
علیه اکمل التحایا حضرت تری رینه میدی بونده دخی اختلاف ائمہ در کار
اولوب امام سہیلی عندنده ایمانی جناب شاه انبیا یه اولدیغی
(لا تسبوا تبعاً فانه کان مؤمناً) حدیث شریفله استدلال
و استظهار و آنفا ذکر اولان او حده یاد و تذکار اولندی و وهب
بن منبه نام ذات موثوق عندنده ملک تبعک ایمانی جناب خلیل الله
ایدی دیو بیان و اشعار اولوب بعض مورخین عندنده جناب
فخر نامه ایمان ابله مسند اولان تبع ابو کریب بن اسعد الحمیری
اولوب بعثت خیر الانامدن بدیوز سنه اقدم دولت ایمانله
اخلاص شعار اولوب بیت مکر مہیه کسوه تعلیق ایدن بونک باباسی
اسعد الحمیری نام تبع اولدیغی بیا نکرده ارباب اخبار در لکن
مورخیندن بعض محققین جناب حضرت خالدک ملک صریحی
اولوب حین هجرت نبویه ده جناب نبوتک نافه مبارک لری بروک



خوبست سید ملا محمد زین العابدین آخوندی
دامت برکاتهما

ایدن منزل مبروک ملک تبعك بناسی اولوب بعد زمان تداول ملاك
ایله جناب حضرت خالدك ملكنه منتقل اولوبده تحقق هجرت
شاه انبیاده بالاده بیان اولنان لوحه بی حضور پر نور احمدیه تقدیم
ایتمسنه مانع یوقدر دیو ختم کلام وبواختلافاتک بیننی توفیق
ایده رك قطع منازعه بی التزام ایتمشردر والله اعلم بحقایق
الاحوال ودخی نسب انصار بالاده متبیین وآشکارا ولدی ایسه ده
مطالعده به رغبت بیورن ذواته متبسر وآسان اولسون ملاحظه
سنه بنسب انجق جناب حضرت خالد رضی عنه ربه الواحد
حضرت تلمرینک پدر ومادرلری جهتندن آباء واجداد لرینی کتب
وترقیم وجناب فخر کونین علیه صلوات خالق الثقلین
حضرت تلمرینک جد امجد لری اولوب شیهة الحمد اسمیه بنام
وعبد المطلب وصفیه مشهور انام اولان ذات محاسن اتسامک
والده سی سلمای نجاریه تک نسبک نسب حضرت خالد ایله
جهت تلاقیسنی مبین بر شجره ترسیم اولوب باب اول تتیم
اولندی توکلنا علی من یسهل کل عسرانه علی ما یشاء قدیر

(رسم شجره نسب حضرت مشارالیه)

(رضی الله تعالی عنه)

(باب ثانی) یبعت عقبات ثلثه نك اجمالا کیفیتی واول حضرتک
مهماندار جناب خیرالبشر اولوب اول منصب بالایی احراز
بیوردقلری وهجرت باسعادت نبویه دن تا ذات رسالت اب افندیمر
حضرت لری روضه افضل الریاضلرنده اختیار انزوا بیوردقلرینه
قدر حضور پر نور محمدیده ومعبیت جناب احمدیده حضرت
مشارالیهک ظهور یافته اولان خدمات جلیله لری پیاننده

اولوب بوباب دخی اوج فصلی شاملدر

(*) فصل اول (*)

هجرت نبویهك مقدمه سی اولان بیعت عقبات ثلثهك علی وجه
الاجال بیانده در چونکه کتب سیرده مفعلا بیان اولندیغی
اوزره جناب ختم المرسلین علیه الصلاة والسلام فی کل وقت
وحین افندیمر حضرتلری مکة مکرمه ده اظهار بعثت وعامة
ثقلینی دین قویمه دعوت پیورمغه مبادرت پیوردقلرنده سابقون
الاوون اولان ذوات معالیمات دائرة اسلامه دخالت وآن بان
اهل توحید کسب کثرت ابتدیکه اشقیاء کفرهك جناب نبوتابه
عداوتلری قات اندر قات تقویبت بولوب کرک ذات رسالتناهییه
وکرک شرف اسلام ایله مظهر انوار نامتساهی اولنلره انواع
اذا وجفایه جسارتلرندن فضله دین محمدینک حقیقی وقرآن
کریمک کمال فصاحت و بلاغتی عندلرنده نمایان اولوب ایمان
وتصدیق حققلرنده موجب سعادت فراوان اولدیغی جرما
یلورلریکن ینه راده عصیانده قرار واطراف واکافدن موسم
محمد ورویددن کسانه حق بالای پیغمبرییه لایق اولمان کذب
وجنون و بهتان کونا کون ایله افک وافترا ایدرک قبائل شتادن
آیندکائی دخی دین محمدیدن تنغیره اجناسار ایله دین احدی یه
فوق الغایه اهانت ایتدکارندن اکثر اهل اسلام بلاد اطرافه باذن
پیغمبری هجرت ایدوب درون مکده ده انجیق ذات نبوتآب ایله برقاج
اصحاب معالینصاب قالمش ایدی وهر سینه موسم حج اولدوقده
سلطان انبیا بامر خدا اطراف واقطاردن اجتماع ایدن قبائل عربیه
فردا فردا عرض اسلام و دین قویمه نصرت واعانت موجب

سعادت

در بیان نبوت
عقبات ثلثه
بروجه اجال

سعادت اولدیغی تفهیم واعلام پیوررلایسه ده اکثری اغواء
صنادید قریش ایله اغترار وجانب سرور انامه موجب اغترار
اوله جق اجوبه نامنرا ایله رد جواب اوزرینه اصرار وشریعت
محمدیه ده عدم انقیاد لرخی اعلان واطهار ایدرلر ایدی قالدیکه
اول اوانده اهالی مدینه هر نه قدر زمام تصرفی دست طاقده
یهوددن تخلیص ایدوب بوجه استقلال حل وعقد اولان اوس
وخزرجده قرار کیرایسه ده بوایکی قبیله یننده دائما ناره عداوت
اشتعال وهمه آن ینده ماده نزاع وجدال وارانق اراق حرب
وقتل ظهور یله احدهما آخره کاه غلبه وکاه مساوانده قالوب
بواختلال انلری متشتت الاحوال ایتمش ایدی لکن ظاهرده
قبیله خزرجده کثرت وقبیلله اوسده قلت درکار اولمغه معظم
قبائل عرب اولان قریشدن استمداد ایتمک اوزرینه اولاد اوسک
رایلری منجر اولوب بو خصوصک استکمالی ایچون ایچلرندن
رأی حسن وشعر مستحسن ایله مستننا و بین القبائل کامل لقبیله
ذکری شناسویدن الصامت نام کپسه بی حج وعمره بهانه سیله
جانب مکیه ارساله اتفاقلری مقرر اولدی وقتا که جناب مسبب
الاسبابک اراده قدیمه سی انوار هدایت ایله درون و بیرون مدینه
منوره بی تنویه تعلق ایتمی زمانی تقرب ایتدکده جناب سرورانام
علیه الصلاة والسلام حضرتلری سابق الذکر سویده تصادف
ونور نبوتله عقل و حکم یاستنی تعرف واعلان رسالت و بیان
شریعت ایله شخص مزبوره ابراز کمال تعطف پیوردقلرنده
شخص مزبور هر قدر استعجال ایمان واطاعت ایتمدی ایه ده ردله
جواب ویرمبوب اظهار ملایمت وقریشدن استمداد ماده سندن

دخی صرف نظر ایدہ رک مدینہ عودت ایدوب کتب تواریخ مدینہ
مفصلاً ذکر اولان وقعت بغائده مقتولا انتقال آخرت ایلدی حتی
بعض انصار بوسویدک ایمانه ذاهب اولمشدر بعدہ ینہ اولاد
اوسدن اولوب بطن بنی عبدالاشہلدن انس بن رافع نام کچسہ
اولاد اوسدن ایاس بن معاذ و برقاج برار کچسہ بی استصحاب
وسابقہ بیان اولان قریشدن استمداد ماده سنک استحصالی
ضمینہ جانب مکہ ینہ شتاب ایدوب جناب مخیر انام علیہ صلوات
الملک العلام حضرت تری انلرہ دخی مصادفہ و عرض اسلام و انواع
فوازش ایلہ مؤافہ بیورد قلرندہ همان سابق الذکر ایاس بن معاذ
همراهی اولنلرہ واللہ بوذات عالیقدرہ اتباع ایدوب امر شریعتی
اجرا و انفاذ بزم استحصالہ سعی ابتدیکم خصوصاً دن خیرلو
اولوب بزنی داریندہ مستلزم انجا و انفاذ در دید کده سر کرده لری
اولان انس بن رافع ایاسک حدیث سنی اولمغلہ بوشلاو کلامی تفوہہ
ایاسک استعجالی استقباح و ایاسی ضربلہ رنجیدہ و عنقلہ صیاح
ایدوب ایاس خاموش و بی فائدہ هر کس ناخوش اولدی پس بونلر
دخی قریشلہ اتفاق ماده سنی استکمال ایدہ میوب بی نوا جانب
مدینہ ینہ شد رحال ابتد کلرندہ اثناء راہدہ سابق الذکر ایاس
ذوق مرارہ موت ایلہ کام دنیادن نائل ایاس اولوب علی قول
ایاسک ایمانی ایلہ حکم ملایم قیاسدر ایددی ابن رزین وائمه سائرین
بومقامدہ اولان وقایعی مفصلاً نقل و املا ایتدی لر ايسہ دہ اول
تفصیلات کتب سیرہ حوالہ و موجب ملال اولسون ایچون ترک
اطالہ اولنوب انجق عقبات ثلثہ نک اجمالاً کیفیتی بیان طرفہ
فکر قاصر امالہ و اول وجهلہ فصل اولی تہم بابندہ اشک قلم

اسالہ

اسالہ اولندی ابن اسحق و سائر ائمہ بالا اتفاق عقبہ اولی بیساندہ
شول وجهلہ اتفاق ایتدی لر کہ جناب رب العباد دین محمدینک کمال
ظہور نی مراد بیورد قدہ جناب شاہ انبیا علیہ اکمل التحایا
حضرت تری بیعت عقبہ اولی تحقق ایتدی کی سنہ دہ عادت مستحسنہ
مستمرہ لری اوزرہ موسم حجہ اجتماع ایدن قبائل عربہ عرض
اسلام نیت خیر ینہ سبلہ یاوحی الہی منا نام محل معروفی تشریفہ
ایتدار و بنی خزرجدن چند نفر ذوات ہدایتسماتہ حین مصادفہ دہ
انلرک اہالی مدینہ دن اولد قلربی نور نبولہ تفہم واستظہار
و ضمیر منیر لرنده انلری دین قومہ دعوت بیورمق مراد واضمار
وانلردن سز لر طائفہ یہود ایلہ ہمجوار اولان سکنتہ یثربدن بکسر
دیو بالبداهہ استخبار بیوروب انلردن سکان یثربدن اولد قلربی
اشعار ایتدی کلرندہ جناب پیغمبر ہدایت رہبر بر مقدار بخلہ مجالسہ
وموانسہ ایتمکز ممکنیدر دیوانلر حقندہ کمال لطف و عنایت
وشفق لر بی نثار بیورنچہ انلردن کمال ملائمت بدیدار اولد قدہ همان
اول موضعکہ الان حجاج ذوی الالبہ ساجک جبرہ عقبہ اول
دیورمی اجار ایتدی کلری محلدر کہ مکہ دن منایہ کیدیلور ایکن
جانب یسار دہ اولان عقبہ علیہ المرتبہ در اول محلدہ جناب
نور الہدی انلر ایلہ ہم نشین اولوب انلری دین متینہ دعوت
بیورد قلرندہ انلرک درونندہ جانب پیغمبری ینہ میل و رغبت
مستحکم و رصین اولوب انلر بر پرینہ دیدیلر کہ بوذات عالیصفات
طائفہ یہودک بزہ او صاف جیلہ سنی ہر بار بیان ایتدی کی پیغمبر
آخر زمان اولدیغی عیاندر بزہ اولی اولان طائفہ یہوددن اول
یونبی والا شانہ اتباعہ مبادرت وانلردن اقدام مسابقت ایتمک

اولوب بو تقدیرجه بزم یهوده غلبه مز پیوسته سهولتدر اول وقت
اول ذوات نیکصفت تاخیر اتباعدن محاسنت و در عقب شرف
ایمان ایله کسب سعادت و نصرت و اعانت محمدی بی ایضا اوزرینه
اخذ بیعت ایتدیلر زیر قبائل اوس و خزرج ایله طائفه یهود
یئینده جنک و جدال وقوع بولد یقه طائفه یهود بونلره
دیرلر دیکسه ای اولاد اوس و خزرج پیغمبر آخر زمانک وقت
ظهوری و بوبلده نک هجرت سعادتله اوان کسب سروری
کابلر یمزده بیان اولندیغی اوزره تقرب ایدوب یقینده بزلر بالجمله
اول پیغمبره اتباعه ایتدار و سزلی انک سایه سنده تار مار ایده رز
دیو شتم و تقریر یعلری ایدا و اظهار ایدرلر ایدی اول ذوات فحاح
النی تقریر اعلام کرام اولوب اسامی حسیه لری بونلردر اسعد بن
زراره ۱ عوف بن الحارث ۲ رافع بن مالک ۳ قطیبه بن عامر ۴
جابر بن عبد الله ۵ عقبه بن عامر ۶ رضی عنهم ربهم الغافر
حضرت ایدر و بعض روایتده عقبه اولاده بوانسان انصار ابرار
سکر نفر اختیار اولوب مشارالیه هم حضرت ائندن ماعدای ایکی ذات
هدایت سمات دخی شمار و روایات سارده ده دخی اقوال شتی بیان
وتذکار اولندی ایسه ده قول اول ترجیح کرده ائمه اخباردر
بعده سنه آتیه اولدقده جانب مدینه دن اون نفر خزرجی و ایکی
نفر اوسی جانب مکه یه رحلت و جناب فخر انام ایله انلر دخی
عقبه مز بوره ده مصادفت و شرف اتباع نبوی ایله لدی الشرف
بیعت نسبا وفقی اوزره اخذ بیعت پیوردیلر بیعت نسبا سوره
امتحانک اواخرنده اولان (یا ایها الذی اذ جاءک المؤمنات) آیت
کریمه سنک متضمنه اولدیغی مواد بیعتیه اطلاق اولنور که اول مواد

بوالنی خصال محموده در عبادات و طاعاته جناب قادر قیومسه
شریک اتخاذ ایتمک بر و سرقه ایتمک ایکی وزنایی ارتکاب ایتمک
اوج و فقر و فاقه خوفندن اولاد لرینی قتل ایتمک درت و بربرینه
افک و افترا ایتمک بش و اوامر پیغمبریه عصیان ایتمک الی پس
مشارالیه هم اون ایکی ذوات بوالنی خصال حسنه بی ادایه تکفلی
حاوی اوله رق ذات نبوت اب ایله معاهده و مبايعه ایتدیلر و دخی
بعض اهل سیر بیعت اولی بی عدا ایتوب بوان ایکی ذاتک بیعتیه
بیعت اولی در دیدیلر ایسه ده اصح اولان بو بیعت ثانیه در وقتا که
بو ذوات نیکصفت مدینه طیبه یه عودت ایتد کلرنده اوصاف
حسنه محمدیه بی تشهیره مبادرت و بین الاهالی انوار حوادث
احمدیه بی نشر و اعلانه مسارعت پیوروب اهالی مدینه میاننده
دائما اوصاف محمدی یه ذکر و بیان اولنوب بیوت مدینه نک بهرنده
اقلی بر کیمسه اولسون اهل ایمان بولمغه باشلدی اول زمان طرف
انصار ابراردن بالاثماس قدماء مهاجریندن مصعب بن عمیر
و ابن ام مکتوم علیهما رضوان الحی القیوم تعلیم کلام مبین و تفهیم
اوازم دین ایتمک ضمنتده بالامر حضرت پیغمبری مدینه طاهره یه
ارسال اولنوب زمره انصار فوج فوج مصعب بن عمیرک واسطه سبله
دین محمدی یه دخول و توارد و کون بکون مدینه منوره ده اهل
اسلام تکرر و تزیید ایدر ایدی وقتا که ابرنسی سنه اولوب موسیم
حج تقرب ایتد کرده سکان مدینه پرسکینه دن جانب حرم الهی یه
عازم اولنلر ایله بالمعیه انصار ذوی الانواردن یتش نفر ذوات هدایت
رهبر دخی و صلت سید الانام سودا سیله و اصل حرم و مسجد
عقبه ده ملاقات خیر البشر ایله شاد اولدیلر اهل سیر بو بیعت

ثالثه به بیعت عقبه کبریا تسمیه و اطلاق ایدر لر و دخی مناقب
 حسنه سنی بیان صد دنده اولاد یغمر حضرت خالد بن زید
 الانصاری علیه رضوان الباری افندیغمر حضرت تری بو بیعت
 عقبه کبراده حاضر اولان یمش ذواتدن معدود اولد قلری اهل
 سیر پیننده متفق علیه اولوب کتب سیر صحائفنده مظالمینه بدید
 و مشهور در امدی بو بیعت عقبه کبریاک بر وجه اکمل
 استکمالی مقرر اولد قدده عادت مستحسنه پیغمبران گذشتگان اوزره
 جانب پیغمبریدن انصار حضرتانه اصدار فرمان و یدنلرنده
 اون ایکی نفر نقیبا نصب و تعیین ایله امر نبوی بیان اولند قدده انلر
 دخی سمعا و طاعة دییه رک نقیبا اثنی عشری نصب و تعیین ایله
 اطاعتلرنی اعلان ایدوب نقیبا مشار الیه همه سائر لر ایله حسن
 معاشرت و سائرینه دخی انلرک رأیلرینه رضا و انلره رعایت
 و اطاعتله تنبیه و توصیه بی مبین اوامر پیغمبریه واجب الاذعان
 اسماع و تبیان یورلدی اول نقباء ادبا سعد بن زراره ۱ عبد الله
 بن عمرو بن حرام ۲ سعد بن عباد ۳ منذر بن عمرو ۴ رافع بن مالک
 ۵ عبد الله بن رواحه ۶ سعد بن الربیع ۷ عباد بن الصامت ۸
 اسید بن حضیر ۹ ابوالهثیم بن الیهان ۱۰ سعد بن خیمه ۱۱
 براء بن معرور ۱۲ علیهم رضوان الغفور الشکور حضرت ایدر
 نفعنا الله تعالی ببرکاتهم فی الدنیا و الاخرة

(*) فصل ثانی (*)

جناب حضرت خالد رضی عنه الفرد الواحد حضرت تری نک
 مهماندار جناب خیر البشر اولوب اول منصب بالایی احراز
 یورد قلری بیاننده درودخی تفصیل قصه هجرت با سعادت

محمدیه کتب سیر معتبره و تواریخ موحدین برره ده بالتفصیل
 مشروح و مذکور اولوب قصه مزبور بی تمامایان تحصیل
 حاصل و تحتسده عدم طائل اولدیغی بدیهیاتدن اولغله
 بو مختصرده انجق مقصود اصلی اولان جناب حضرت خالد
 واصل شرف مهماندار سید الانام اولد قلری قصه سنک
 بیانله اکتفا اولنده رق بیان نقول ائمه اوائل اولندی وقتا که
 قصه پر حصه هجرت نبویه وقوع بولوب جناب فخرانام
 علیه الصلوة والسلام افندیغمر حضرت تری حوالی مدینه منوره بی
 تشریف و امام مسلم روایتنه بناء یکر می کون مقداری قبا نام
 محل مبارکده مکث و اقامتله قلوب انصاری تلطف یوروب
 بعده بر وفق وحی الهی بالسعادة و الاجلال درون نفس بلده
 طیبه به د خوله رغبت و اقبال یورد قلرنده قصوا نام ناقه
 مبارکه لرینه رکوب یوروب بالجمله وجوه انصار خاصه دلاوران
 بنی النجار مسلح اوله رق رکاب پیغمبریده اظهار سرور و فرح
 و یهود و منافقینک قلوبنه القاء غموم و ترح ایده رک و قصوا دخی
 سرکوب خیر الانام اولدیغندن ایکی طرفنه آهسته آهسته میل
 و نگاه ایله ابراز مزید مرح ایده رک اسواق مدینه دن هر بر محله به
 سرور اولند بجه اول محله ده ساکن اولان انصارک سر کرده لر
 گذرگاه رسول الله جی قوب یار رسول الله کرم و عنایت یوروب
 بزری تشریف ایله قبیله مرزی اقراننه فائقیتله ممتاز و مزید شرف
 و شان ایله موصول امتیاز یورک دییه رک بهری قبیله سنک کثرت
 و فرتندن و کمال قوت و شجاعتندن بجه تشریف پیغمبری به
 رجا کویان و اکثریسی ناقه رسول الله عرض علف ایدوب

مشار الیه
 جناب خیر البشر
 مهمانداراخی بیانی

بروك ناقة به وفرت رغبتی اعلان و کشید عنان ایدم ترك خاك
پای پیغمبریدن متضرعان اولد بجه جناب واقف سرما او حی
علیه اكل التحایا حضرت تلی انلره امر ربانی بی بیان بیوروب
بنم ناقة مك سبیلنی تخلیه ایدك زیرا مترقب فرمان یزدان اولوب
اول قنخی محله بروك ایدر ایسه بنم اول محله نزول ایله ما مور بنم
نمایان اولور بیوردر ایدی زیرا زمام ناقة سید البشر دست
جبریل امینده مقرر اولوب ناقة بی محل ما مور یته جناب پیک
وحی خدا سوق واسرا ایدر ایدی وقتا که اول سرقافله موکب
نبوت و سر او حقه بزم رسالت صدر صفة شفاعت بدرقه سعادت
علیه ازکی صلوات ربه دامت افندیمر حضرت تلی قبائل انصارك
محلتنی اول آلائی والا ایله کشت و گذار و آخر الامر احوال سید
الابرار اولان قبیله بنی التجارك محله سنده استقرار بیور دقلرنده
ناقه رسول خدا الان مسجد شریف نبوی اولان محله بروك
ایلّه امر باری بی ابد و در عقب قیام و پیشگاه منزل حضرت
خالدده بروکه اقدام وینه تکرار قالقوب محل اولده بروك و آرام
ایدوب باشنی زمینه وضع و یولار بی باشند اخراج و نزع ایلده کده
جناب سرور انبیافك دهان وان شاء الله تعالی منزل بو محله در
بیوره رفی اول حوالیده مکث و اقامت بیوره جقلربنی بیان بیوردیلر
اول زمان خانه لری اول محله قریب اولان نجار یوندن بهری
درونلرنده تشریف پیغمبری ایله کنند و خانه سنك تشریفی امل
و فرمان پیغمبری به انتظار ایله ترك جدل ایتدیله رایسه ده مظهر
مزید توفیق باری حضرت ابویوب الانصاری علیه ینوع
الرضوان بجری حضرت تلی دوش شتر پیغمبریده اولان اشیاء

واجالی

واجالی راحله ایلّه معاخانه سنه ادخال و بالکن ناقة رسول خدایی
اسعد بن زراره حضرت تلینك خانه سنه ایصال بیوروب اخشام
تقرب ایتد کده بنی التجار دن کچك خانه سنده استراحت بیور یله جخی
خاکیای نبویدن سؤال اولند قدده (ان الرجل مع رحله) یعنی
هر کس اشیایسه برابردر حدیث باصوابی ورود و خانه جناب بی
ایوبی تشریفه رغبت بیوره جقلری منصوص و مشهود اولدی
اول کیجه جناب فخر انام علیه افضل السلام حضرت تلی مغبوط
انصار اولان جناب حضرت خالدك سعادت خانه لرنده آرام
و استراحت اقبال و زمینه قریب اولان حجره منوره ده زید بن حارثه
رضی الله عنه حضرت تلیله بالمعیه بیتوتت بیوروب علی وجه
الاکمال استراحت ایلّه منشرح البال اولدیله بعده الان مسجد
نبوی اولان موضعك تملک کنی اراده و اول محله مسجد و حجرات
بنایور مقمراد شریفلری اولدیغنی افاده بیورب خواص انصار
طرفندن دخی اول موضعك بعضیسی یهودك مقبره سی
و بعضیسی نقباء اثنی عشر دن اسعد بن زراره حضرت تلینك
تحت تکفلنده اولان سهل و سهیل نام دو برادرك حال صغر لرنده
پدرلرندن منتقل ملاك مور و تلی و خرما قروده جق محله لری
اولوب تشریف سرور انامدن اقدام اسعد بن زراره حضرت تلینك
تسبیله صلوة جمعه و صلوات سائر ده مصعب بن عمیر امامت
و اول محله مدینه ده بولمان صحابه کرام اداء صلواته اقدام
ایتد کلری حضور پر نور پیغمبری به اعلام اولند قدده صاحب
عرصه سهل و سهیل جناب حضرت خالدك و ساطیله نزد
پیغمبری به احضار و مراد عالیلری اظهار اولند قدده سهل و سهیل

هر نه قدر عرصه مزبوره بی ذات رسالتسماته بلا ثمن اهدا ایتکی
مراد ایتدیلار ایسه ده پیغمبر پر کرم صلی الله علیه وسلم حضرت تلمری
بوصورتدن ابا و ثمنیه اشترا اوزرینه ثبات پیورد قلنده سهل
وسهیل امر رسول خدایه اطاعت و جناب صدیق اکبر رضی عنه
خالق البحر و البر حضرت تلمری طرفندن عرصه مزبوره نیک اتفاق آرا
و بالخصوص جناب خالدک رأی عالیله قرار کیر اولان ثمنی اون
عدد دنیار کامل العیار سهل و سهیله تسلیم اولوب انلردخی
عرصه مملوک لری ذات رسالت پناهی به طوعا فرغت ایدوب مقبره
یهودک حفرینه وزیر زمینده اولان عظامک محل آخره نقلنه
مباشرت اولوب کتب سیرده مفصلا مذکور اولدیغی وجهله
مسجد شریف و حجرات جنان ردیف اتمام اولنجیه قدر اصح
اقوال ائمه سیر اوزره جناب فخر ام علیه صلوات ربه الاکرم
حضرت تلمری یدی ماه منزل مبارک حضرت ابی ایوبده آرام
واقامت پیوروب مدت مزبوره ده جناب حضرت ابی ایوب و زوجه
محترمه لری ام ایوب علیهما رضوان علام الغیوب حضرت ائی
خدمات جلیله پیغمبریده حسن استقامت و شب و روز استجلاب
رضاء حبیب محترمه بذل مقدرت پیوروب انواع نوازش رسالتابه
منظهریت و بالخاصه منصب بالای مهمانداری ایله بین الانصار
کسب امتیازه نائلت دوز آدمدن روز قیامتده قدر اصلا کچسده
نصیب اولوب انجق ذات جناب حضرت خالدده مقررده اولان
بر عنایت عظمای رب العزت اولدیغی ائمه سیر و حدیث بیننده
متفق و مثبتدر و دخی خفی دکلدر که حضرت مشار الیهک
مهمانداری رسول الله اولدقلری بیان سابق اوزره متفق علیه

اولوب السنه ناسده حضرت مشار الیهک اطلاق منشیر اولدیغی
اوزره سنجقدار رسول الله اطلاق کتب معتبرده مشهور اولوب
غزوات رسول اللهک جمله سنده حضرت مشار الیهک حاضر
اولدقلری محقق ایسه ده اول غزواتده لواء سعادت احتوای
رسول اللهی حامل اولان ذواتک بالجملة اسملری مضبوط و منقول
و حضرت موسی الیهک انلردن معدود اولدقلری بیانکرده
ارباب نقولدر زیر افتح مکة مکرمه دنصکره وقوع بولان غزوات
وسر ایانک بعضیسنده حامل رایة رسول کبریا اولان خالد
حضرت تلمری الان مشهد منور لری بلده حصده مشهود و راد
اولان خالد بن الولید المهاجری رضی عنه الخالق الباری
حضرت تلمری اولوب مناقب حسنه لری نقل و املا صد دنده
اولدیغمن خالد بن زید الانصاری دام فی رضوان الباری
حضرت تلمری نک حمل رایة رسول خدا پیوردقلری هر تقدیر نفحات
العبیر الساری فی حدیث ابی ایوب الانصاری نام کایده ذکر اولندی
ایسه ده اول روایت حذاق محدثینک روایتیه مغایر و حدیثک
مضطرب اولدیغی ظاهر در لکن جامع الحروف قلت بضاعتله
موصوف عبد قاصرک خاطر فاترینه بو باید توجیه آتی دایما
خطور ایدر شویله که مشکوة مصابیح و سایر کتب حدیثده نقل
و روایت اولدیغی اوزره جمله ارباب تخریجدن امام ترمذی
و تخریجین سائرینک تخریج کردلری اولوب امام ترمذی عادت اوزره
حسن غریب عنوانیه ابرادیده رک کبراء اصحاب کرامدن ابو موسی
الاشعری علیه رضوان الباری حضرت تلمرینه متصل سندله تخریج
و روایت پیوردقلری حدیث شریفکه جناب رحمة للعالمین

عليه صلوات الملك المعين حضر تلري فضائل اصحاب
كرام لرني عامه اهل توحيد تبين صدقنده بيورديلركه (مامن
احد من اصحابي يموت بارض الابعث قائدا ونورا لهم يوم
القيامة) معنای منيفي شراح ذوی الانشراحك بيانلرينه نظرا
بنم اصحاب ويارانمدن براحد بر بلده ده بر مقتضای بشریت
ذوق كاس ممات ايدوب اول خاکده وديعه اولد قده اول ذات
بر حالده دكادر الا روز رستخير ده اول بلده اهاالبسندن
اهل ايمان اولوب اول خاکده دفين اولان مؤمنين راه جسته
قائد وحقارنده نور پرضياء متزايد اوله رق مشهدين بعث
اولور ديمكدر ايمدی بو حديث شريف نبوينك مفهومه
جناب حضرت خالد عليه رضوان ربه متوارد افند يمز
حضر تلري ماصدق اولوب اول وعد كرمك اثارى ذات
عاليلرنده دخی محقق اولديغي شك و مرادن قاصي وبعيد
اولوب آثار اخرا ده وارد اولان احاديث نبويه دن دخی استنباط
اولان حكمكه روز حسابده اصحاب رسول كبريانك بهرينك يديته
پر لوا احسان بيوريلوب بهري بندكان و متعلقاتي زير اواسته
الوب بارخصت ربانيه انلر حقنده شفاعت لايقه سني اجرا
وانلري عذاب دوزخدن انقاذ و تبعيد ضمننده درگاه الهيدن
تضرع ورجايوره جقلري تبشيرات پيغاياتي مفهوم حديث
سابقدن مستنبط اولان حكمي تأييد ايتديكي اصحاب رشد
وانصاف اولان ذوات اشراف عنده عقلا و نقلا مستقيم
وسديد ومن حيث الاستدلال پديد اولنجه جناب شقيق روم عليه
رضوان القادر القيوم حضر تلري دخی جوار مخزن اسرار

وحوالی

وحوالی بلده مباركه ساطعه الانوار لرنده و بلكه كافة بلده
محروسة در سعادته منتظر روز جزا اولان عامه اهل توحيدى
يوم لقاده زير جناح حياه لرنده حفظ و حراست و باامر الهى
قبل شفيع محشردن كندولر بنه احسان بيوريلان لواء شفاعت
احتوالري تحتنده بو بلاد محروسة نك اهل توحيدنى احوال
روز قيامتدن تخلص باينده همت و عنايت وجهله سني سنجاغى
التسده بلاسؤال ادخال دار نعيم بيوريلق ايچون نزد الوهيتده
ردا اولميان شفاعت خاصة عظيمة سيله درگاه ارحم الراحميندن
رجا و ضراعت بيورملري ذات ستوده صفا تلرندن مأمول عاجزان
عصاة امتدر فعلى هذا افواه ناسده حضرت مشا راليه
سنجاقدار رسول الله وصفك اطلاق اولمسنك شيوعى قبل
رب العالميندن انطاق حق و بيان سابقدن مستفاد اولديغي
اوزره جناب عالينصاف حضرت خالد انجق عصاة رومه
شفاعت ضمننده يوم ميعادده حامل لواء منبع شفاعت ديمك
معناسنه سنجاقدار رسول الله اطلاقى سزا و احق و تنبيه الانام
نام كتاب جميل الانتظامده ايمما اولان حديث شريفك مدلولى
اوزره اشارت پر بشارت پيغمبرى به مطلع اولنلر عننده داردنياده
حل لواء نبوت بيورمديلر ايسده حامل لواء معنوى صاحب
شفاعت اولدقلري مجزوم و محققدر حشرنا الله تحت لوائه
يوم الحساب و انقذنا بشفاعته من جميع الاهوال والعذاب

(*) فصل ثالث (*)

هجرت باسعادت نبويه دن تا ذات رسالت تاب افنديمر حضر تلري
روضة افضل الرياض لرنده اختيار ازوا بيورد قلرينه قدر

عصر نبويه
ظهور باقدا راي
مناقب جباري

حضور پر نور حضرت محمدی و معیت جناب احمدیه حضرت
 مشارالیهک ظهور یافته اولان خدمات جلیله لری بیاننده در
 مشارالیه حضرتلری بیعت عقبه کبراده بوانسان یتش عدد
 انصار ابراردن معدود و حین هجرتده جناب فخر امم علیه صلی
 ربه وسلم حضرتلری نی خانه سعادتده دعوت و ابوا ویدی ماه
 خدمات سید انام ایله بین الانصار احراز رتبه بالا بیورمغله
 مشرف و مسعود و محل مسجد نبویک بمایعه سنده دلالت
 و وساطتله تا روز قیام اول مسجد افضل المساجدده ادا اولنان
 عبادات و طاعاتک اجور جزیه سنده شرکتله مبشر و موعود
 بیورلدقلری شک و مرادن سالم و مبعود او اوب مناقب حسنه
 سائرلندن ظفر یاب اولنان بعض تراجم جلیله لری بیان ایله
 روحانیت علیه لینه انتساب مأمول و مقصود قلندی حضرت
 مشارالیه دام رضوان الله علیه حضرتلری غزوه بدر کبری
 واحد و غزوات سائرک جله سنده جناب سید المجاهدین ایله
 همراه و سرایای کثیرده حضور ایله مجاهد فی سبیل الله و دین
 محمدی به انواع اعداد و نصرت ایله سالک راه الله اولدقلری
 بین العلماء متفق علیه اولدیغی بی اشتباه اولدیغندن فضله
 اون اوج سنده متمادی کفره قریشک انواع اذا و جفا سبیل متأذی
 اولان ذات حبیب الله مدینه منوره بی اشرف بیورلدقلرنده
 اول باول کمال استراحت ذات محمدی و مزید انبساط
 و سرور جناب احمدی حضرت مشارالیهک خانه سنده
 حصو پذیر اولمغله بو خدمت جلیله به ذات جناب حضرت
 خاندک موفق بیورلدقلری ذات عالیله مخصوص اولان برفضل

و عنایت

و عنایت کبرا و برتبه سی رفیع و بالا جاهدر مرویدر که بالاده اشعار
 اولندیغی اوزره جناب رحمه العالمین افندیمن حضرتلری منزل
 مبارک حضرت خالدده زمینه اقرب اولان حجرده مکث و آرام
 و حجره بالاده جناب حضرت خالد رضی عنه الرب الواحد
 حضرتلری شک حرملریله اقامتلری باینده امر پیغمبریلری بی
 اصدار و اعلام بیوروب اول ائشاده بر کیمجه درون جناب ابی ایوبده
 بزم جناب مبداء عالمک اولدیغی حجرهک فوقنده یتوت و وحی
 الهی به حیلوات و حجره فوقانیه ده مشی و حرکتی سببیه
 استراحت محبوب آلهه مانع اولوب لوازمات ادبه عدم رعایت
 ایتمز بوضع نامعقولدر دیو عظیم تلاش و خشیت پیدا اولوب
 کندولری و اهالی یتلری اول کیمجه تابصباح ترک خواب و راحت
 و اوطه نک برکارنده انتظار قدوم نهار اوزره دوچار حیرت اولدیلر
 روایت انخراده طبقه علمیده دستی قیریلوب صود و کلد کده جناب
 حضرت ابویوب حرم محترمه لری ام ایوب ایله پیچ و تاب و اول
 صوبی اشاغی به جریاندن منعه شتاب ایدوب اثوابلریله اول صوبی
 طو پلیده رق ترک راحت و خواب ایتدیلر ایهده اشرف مخلوقاتک
 اولدقلری حجرهک فوقنده یتوتی کندولره قصور عدایده رک
 صباحه قدر حزن و غم ایله بی تاب اولدیلر وقتا که صباح اولدقده
 جناب حضرت خالد حضور نبوی به واروب ماوقعی سرد و انها
 و ذات رسالتسماتک طبقه علمایه صعودلری بی رجاید نجه جناب
 رسول پروفا مقتضای کمال تواضعلری بی اجرا و ایفا بیوروب یا با ایوب
 سن بو خصوص ایچون المناک اولمه زیرانم بو حجره بی اختیاریمه
 بادی انجق آینه و رونده به سهولت و آسودن ایچوندر بو تقدیرجه

سنگ بوتلاشك لازم دكلدر بيوره رق درون حضرت خالده اتهاب
ايدن آتش اضطرابي اطفای بيورديلر ايسده جناب حضرت
خالدينه منسلي اوله ميوب خاكي شاه امدن طبقه عليه
استصعاد بيورلسني رجاو كنديك فيما بعد جناب نبوتك فوقنده
مكث واقامته جسارت ايدمه جگني عرض وانها ايلدي اول وقت
جناب پيغمبر پركرم رجا جناب حضرت خالده مساعده سنيه ايله
خاطر بني شاد و خرم بيوروب حجره عاليه ارتقا و صعود و جناب
ابو ابوبى حجره سفلايه انتقال ايله مظهر سرورنا معدود بيورديلر
وينه حضرت مشار اليك مناقب جليله لرندندر كه ابن عم خير الناس
عبدالله بن عباس عليهمما رضوان من تنزه عن النوم والنعاس
حضرت تلى وذوات سائر بن نقل و روايت بيوررلر وقتا كه غزوه
خيرده امر برطرف اولوب غانما و سالما عودت اولند قدده اهالى
خيرك سردارى اولوب معر كده واصل بئس القرار اولان حبي بن
احطبك قزى اول غزاده يادى اهل ايمانه گرفتار اولان سبايا ايله معا
حضور رسول الله اراءه و تسيار اولند قدده ذات رسالتسمات اول
نكارك حضرت انسك والده سى حضرت ام سليم رضى الله عنها
حجر تربيه سنه تسليم اولمسي بابتده فرمان حضرت پيغمبر يلر بني
اصدار بيور مشرايدى ايمدى صفيه ام سليمك ياننده استبراسنى
اكال و شرف اسلام ايله وصلت نعم المأل ابتدا كد نصكره جناب منبع
حكيمك صفيه بنى انتخاب و اعتناق و نكا حيله شرفياب بيوره جقلى
تبين ايتش ايدى صهبى نام محله نزول اولوب مكث اولنديغى
اثنا ده مراد پيغمبر يلر صفيه زفاف اولمق اولديغى جناب
فخر ايم خواص يارانلرينه اعلان و تعريف و موى اليها صفيه
رضى عنها رب البريه حضرت تلىك اولديغى خيمه بنى تشریف

بيورد قلرنده

بيورد قلرنده حضرت ابو ايوب الانصارى دام فى رضوان البارى
حضرت تلى سيف صارم لر بني تقلد و در خيمه ده وضع سرايده رك
تاب صباح حفظ و حراست و اطراف خيمه بنى طواف ايدرك حمايه
ذات محمد يده كال رتبه تقيد بيورديلر وقتا كه صباح اولوب سمع
رسول الله اثر حر كت واصل اولند قدده در فسطاطده كيم اولديغى
طرف شاه امدن استخيار اولنجه جناب حضرت خالد يار رسول الله
تاب صباح عتبه كه يوز سوزن ابو ايوب بنده كدر ديو اخبار ايدوب
ينده طرف پيغمبر يدن سبب ييتوتقى استظهار بيورلد قدده جناب
مهماندار معدن العلوم بيورديلر كنه يار رسول الله شرف
ازدواجكز ايله شرف ياب اولان صفيه حضرت تلى هر نه قدر
ظاهر و باطنى دنس شقاوتدن تصفيه ايتدى ايسده ده
حسن ختمى ميسر اولوب عودت اولنان غزوه خيرك ظهورنده
چند روز مقدم زوجى كندويه زفاف ايدوب عن قريب الزمان
بو غزوه خير نمايان و صفيه ك زوجى اولان ابن ابى الحقيق نام
كافر بنى ايمانه قبل مسلميندن نه رتبه حقارت اولوب آخر الامر
ايصال نيران اولنديغى معلوم منبع عرفاندر بلكه بحسب البشرى
اخذ انتقلم سودا سيله ذات نبوتسمات كره بر سوء قصد ايدر ايسه
جمله دن اقدم نصرت رسول الله بن مبادرت ايدم ملاحظه سبله
خيمه سعادت زنده تاب صباح مكث واقامت ايتدم اول وقت
جناب فخر عالم صلى الله عليه وسلم حضرت تلى حضرت ابى ابوبك
بو وضعندن دلشاد اولوب ايكي دفعه رحك الله يا ابا ايوب بيوره رق
درون ابى ابوبى تلطيف و دعاء خيره مظهر يتله مسرور بيورديلر
روايت آخراده (اللهم احفظ ابا ايوب كما بات بحفظى) حفظ ميني

ایزاد اولوب روایت دیگرده اللهم احفظ ابایوب کما حفظتک لفظی
یاد اولندی وینه حضرت مشارالیهک مناقب مستحسنه لرندن
اوله رق مر ویدر که بردفعه صفایله مر وه یلنده حلیه سعادت حلیه
سرورانه هبوب ریج ایله بر ریشه یعنی بر قوش تویی واقع اولوب
جناب حضرت خالد در عقب شتاب واول ریشه بی محاسن
رسول الله اوزرنده روا کور مبوب جله دن اول التقاط ایله کسب
ثواب بحساب ایتدکه جناب رجه للعالمین کمال رضالریخی
انبا و حضرت مشارالیه خطابا ابن السنی نام نخرجک تخریجی
اوزره (مسبح الله عنک یا ابایوب) مانکره وینه ابن السنی وطبرانی
و حاکم مستدرکنده تخریج لرینه نظرا (لایکن یک سوء یا ابایوب)
بیور بلوب و بالکز طبرانی وایتنه بناء (نزع الله عنک ماتکرهه)
مضمونیه مظهر عنایت بی همتا بیور مشلدر احادیث ثلثه نک
مألاری متحد وجه سنک معنای یا ابایوب سنک منفورک اولان
شیلری جناب قادر مطلق سندن مسح و نزع و دفع و ازاله ایتسون
دیمک اولدیغی بر بریخی مؤکددر اما بوقضیه حجه الوداعده میدی
یوخسه عمره لک برنده میدی ائمه حدیث بیانه قصدی ایتبوب
نفس قصه بی بیان ایله اکتفا ایتلدر وینه بوباید در مشورده
ذکر اولنان احادیثدن اولوب ابن ابی حاتم حضرتلری حضرت
مشار الیه متصل سند ایله تخریج و روایت ایتدیکی حدیث
شریفدر جناب حضرت خالد علیه رضوان ربه متوارد
حضرتلری بیورلر که جناب سرور انبیا علیه اتم التحایا
حضرتلری بنم منزلی تشریفه رغبت بیوروب رقود و استراحت
بیورمغه اقبال بیورد قلرنده نومه شروعدن مقدم برقاج کلمات

قرأت

مطلب
خواه نیت اولدقد
وارد اولان دعا

قرأت بعد استراحت نیت بیور دبلر لکن بن اول کلماتی فهم
ایده مبوب صباح اولدقد سؤاله جسارت ایتدیگمه جناب
منبع علوم اول کلماتی بکا بیان ایله عنایت بیور دبلر اول کلمات
ذکری اتی دعوات مستجمعة المبراتدر (اللهم انت تتوفی الانفس
حین موتها والی لم تمت فی منامها فتمسک الی قضی علیها الموت
ورسل الاخری الی اجل مسمى انت خلقتنی وانت تتوفانی فان انت
توفیتی فاغفر لی وان انت اخرتنی فا حفظنی) یعنی ای بنم معبودم
سن نفسلک موتی مراد بیورد قد اول نفسلری توفی ایدر سن
اول نفسکه نومی حالنده موتنه اراده قدیمهک تعلق ایتز
انی سن انجیق نومله توفی بیور رسن وشول نفسکه انک اوزرینه
موتله قضاء الهی جریان اولمش اوله اول نفسی بدنه ارسال
بیور مبوب امساك بیور رسن وحقننده موتله حکم الهی تحقق
ایتمن نفسی ینه ارسال بیور رسن ای قادر لم یزل بنی انجیق سن
خلق وایجاد بیوردک و بوند نصکره بنی ینه سن توفی بیور رسن
اگر بونومده بنم نفسی ارسال بیورمق مراد عالیک ایسه بنی
مغفرتکه مظهر قیل واکرا جلم تأخیر اولمشنه اراده قدیمهک
تعلق ایتدی ایسه بنی سن جمیع آفادن حفظ و حایه بیور وینه
حضرت مشارالیه دام رضوان الله علیه حضرتلرینک حضور
بر نور احیدیه خدمات جلیله لری درکار اولدیغنی مؤید اولوب
امام مسلم و سائر مخرجینک تخریج ایلدکلری آثار دندر که جناب
امام انبیا علیه اکل التحایا حضرتلری حضرت ابی ابوب رضی
عنه غفار الذنوبک خانه سعادت لرنده آرام بیور دقلری مدته
جناب مهماندار خیر انام هر بار حجره زبرده احضار طعام

مطلب
میر مساعف
حلی وکرا هی

بیوروب حجره بالایہ حضور سید انامہ تقدیم و جناب رسالت
افندیمن حضرتلری تناول بیورد قد نصکره بقیه طعامی
کتوروب اثر انامل رسول الله اولان محمدن تبرکات
تناول بیوروب مراسم تبرکی تیمم بیورومق عادت مستمره مستحسنه لری
ایدی بنابرین بر دفعه بنه بر معتاد طبخ طعام و طعامک لذتی
توفیر غرضنه مبنی بر مقدار صرمساق وضع ایدیه رک لذت ظاهره
طعامی تمام ایتشلر ایدی وقتاکه اول طعامی نصابنده طبخ واکمال
وحضور پر سرور محمدی به ارسال بعده عادت مستمره لری اوزره
آثار اصابع رسول اللهی تتبع بیوروب اول طعامدن تناول
بیورلدیغنی تفهیم بیورد قلرنده واله و حیران و اول طعام مغایر
طبع پاکیزه پیغمبری اولدیغنی محقق او اوب ایا عدم تناوله
بادی بالطبع تنافر می یوخسه صرمساق امثالی حضرت وائده
حرمت شرعیه اولدیغندمی دیوتلاش عظیم بیوروب در عقب
مجلس رسول الله مسارعت و تحقیق ماده ضمانده سؤاله
جسارت بیوردیلر اول وقت فخر جهان حقیقت حالی بیان
بیوروب یا ابا ایوب بو مثللو خضروات حرام دکلدر لکن بن
استکراه ایدیه رم بیورد قلرنده جناب ابی ایوب طبع رسول الله
موافق اولیان طعام بنم دخی مستکرهمدر دیو کمال اتباعلری
اظهار و ذات نبوتسمات حقنده کراهنک وجهنی استظهار بیوردیلر
اول وقت جناب خیرالام بیوردیلر که بکاملانکه مأمورینک تواردی
جمله کزه معلوم و صوغان و صرمساق امثالی رایحه کریمه سی
اولان خضرواتک چیکینک رایحه سندن ملانکه نک متأذی
اولسی مجزوم اولغله اول خضرواتی عدم تناول خصایص

نبوتدن

نبوتدن معدود و ستر حقنده مباح اولدیغنی ظاهر و مشهور در
پس بو بیاندن اباحت منصوص اولدی ایسه ده جناب شفیع روم
علیه رضوان الحی القیوم حضرتلری عبادات و عاداتدن سیرت
محمدیه کمالیه اتباعه اقدام و بعد ازین اول مثللو خضرواتی فم
سعادتلرینه ادخال ایتیمک اوزرینه اهتمام بیوردقلری وفاق کرده
انمه اعلامدربو بایده حضرت مشارالیه حقنده آثار بسیار روایت
اولمش ایسه ده انجق بو قدر بیان اولنه رق ترک اطاله و جانب
اختصاره اماله واسنیقای روایت عبدالله انصاری حضرتلرینک
نفحات العبر الساری فی احادیث ابی ایوب الانصاری نام مؤلفرینه
حواله قلندی وینه حضرت مشار الیهک مظهر توجهات
سنیه سید کائنات اولدقلرینی تأیید ایدن مناقب جلیله دندر که
ارباب تخریجدن ابن حبان و ابن مردویه و طبرانی حضرتانی جناب
ابن عباس علیهما رضوان رب الناس حضرتلرینه متصل سند الیه
تخریج و روایت ایدرلر برکون جناب صدیق اکبر علیه رضوان
رب البحر والبر حضرتلری وسط نه سارده شمسک شدت حراری
وقتنده خلاف معتاد مسجد نبوی تشریفه شتاب و انلرک
تشریفلرینی خلیفه ثانی شاه امم جناب فاروق اعظم حضرتلری
حس بیوروب انلردخی نزد صدیق کلوب بی وقت مسجد شریفه
کلرینه بادی نه اولدیغنی استجواب بیوردقده جناب صدیق سبب
خروجلری غلبه شدت جوع اولدیغنی بیان بیوروب جناب فاروق
دخی یا صدیق روح قبضه قدرتنده اولان رب العالمینیه قسم
ایدرمکه بنم دخی خروجیه بادی انجق غلبه مرض جوع دردیو
سبب خروجی اعلان بیورلرایکن جناب سید الزهاد علیه صلوات

رب العباد حضرت تری افق حجره منوره لرندن مانند آفتاب درون
مسجد شریفی تنویر و اول ایکی سرورک یانی تشریف ایله
تلطیف و توقیر و معتادک خلاقی کلمهینه باعث نه اولدیغنی
سؤال ایله استظهار مافی الضمیر بیوردیلر ایلدی اول ایکی یاروفادار
سبب اتیانلری غلبه مشغله جوع اولدیغنی انبا و اخبار ایتدکلرنده
جناب پیغمبر و الانصاب بیوردیلر که بنی دین حق ایله بعث و ارسال
بیورن جناب مسبب الاسبابه عین ایدرمکه بنم دخی بی وقت خروج
بادی سزک سبب اتیانکر اولان غلبه ثقلت جوعدر اولو وقت جناب
پیغمبر هدایت رهبر شیخین حضرتاته قیام ایله امرعایلرینی
اصدار و بالمعبه منزل حضرت خالدک پیشکاهنده قرار بیوردیلر
مکر حضرت مضیف پیغمبری ابویوب الانصاری حضرت تری
بهر کون حضور پر نور سرور انامه بر مقدار شیرصافی یا خود
اطعمه سائر دن مقدار وافی تقدیم ایتمکی معتاد ایدوب اول کون
عیالارینک اطعام و مصالحیه اشتغاللری سببیه طعام رسول
خدایی بر مقدار تأخیر ایله ترک اعتیاد ایتمش لرایدی پس جناب فخرانام
دو یار وفادار لر یله منزل حضرت خالدک پیشکاهنده آرام
بیوردقلرنده ام ایوب رضی عنها علام الغیوب حضرت تری استقبال
و یانی الله بی وقت تشریفکز بر نعمت غیر مترقیه در لکن سبب
تشریفکرنه اوله دیو سؤال ایتدکده جناب نبی ذیشان ام ایوبه
واقع حالی بیان بیورم یوب ابویوب زده دیو سردمقال بیوررلر ایکن
جناب حضرت خالد صوت رسول خدایی وراء منزله باچچه دن
ایشتدکده استعجال و بو وقت مأمو لک خلاقی بن بی چاره نک خانه سنی
تشریفدر رغبت بیورمکز بر نعمت پر کالدر دیو تعظیم رسول کبریایی

ایفا و اکمال ایلدی اول وقت جناب رسالتاب صدقت لفظ
شریفیه حضرت خالیدی تلطیف و درون خانه بی باران باصفالریله
برابر تشریف بیوردقلرنده جناب ابی ایوب تکرار باچچه به عودت
واورزنده بسر و رطب و تمر اوله رق بردال کسوب حضور نبوی به
تقدیمه مسارعت ایتدکده جناب سیدانام یا ابا ایوب قورق و چاغله
اولمش خورمالی دالی نیچون کسکدک یا لکز کاله پیوسته اولمش
خرما کتورسک کفایت ایدردی بیوردقلرنده جناب ابویوب
یا رسول الله بودالی حضور سعادتیه تقدیمدن مرادم یا لکز
اولمش خرما بی تناول موجب فتور اولوب طبع عالیکنز قنغسنه
اقبال بیورر ایسه انکله **ک**رک ذات نبوتسماتکر و کرک
دو یار وفادار یکز بر مقدار تفکله بیورمکز در زیر ابن ذات رسالت
آیاتکر ایچون بردیشی کچی یا خود براوغ غلاق ذبح ایدوب آنی طبخ
ایتدکدنصکره حضور مستجمع النور کز تقدیم ایتم مقرر اولوب
انک تهیینه قدر بو اوج نوع خرما ایله بر مقدار وقت کچوب
انتظار ایله متأذی اولتماز اول زمان پیغمبر و الانصاب حضرت خالده
توجیه خطاب بیوروب یا ابا ایوب سودلی حیوانی ذبح ایتمکدن
اجتناب ایله دیو بیان راه صواب بیوردقلرنده جناب حضرت
خالد بروفق امر رسالت پناهی براوغلاق ذبح ایدوب ذاتلرینک
طبخ طعامده کمال مهارت لری جهتنیدن بالنفس طبخه مبادرت
واول جدیدک نصفنی پر بان و نصف آخر نی نوع دیگر تسویه
ایتمکه مسارعت و طائفه نسوانک تنظیم ناند تفتلری اولدیغندن
ام ایوب حضرت لرندن دخی در عقب اتمک تهیینه سبب طلب
معاونت بیوروب آثار همت پیغمبر یله آز وقتنده نان و طعام لایق بیه

احضار اولاد ابویوب و ام ایوب ازدل و جان ابراز غیبت
بیوردیلر وقتا که اول طعام حضور فخر انامه تقدیم واحضار
وتناول بیورملرینه انتظار اولند قدده جناب سرلوحه بزم انبیاء
علیه اکل التحایا حضرت تلی اول پر باندن بر قطعه بی بر مقدار
اتمک اراسته دست مبارک لایله ادخال بیوروب حضرت ابویوبه
خطابا بونی کریمه فاطمه نک خانه سنه ایصال ایله زیرا انلر بر قاج
کونک ظرفده بونک مانند طعام تناول ایتیمش لدر بیوردقلرنده
جناب حضرت خالد با امر نبوی اول نان ایله پر بانی منزل مبارک
جناب زهرایه ایصال بیوردیلر پس جناب مقتدای انام علیه
الصلاة والسلام حضرت تلی اول طعامدن جناب شیخین ایله
بالعبه تناول و خاطرانی ابویوب تطیب ایله تفضل بیوردقلرنده نصره
مجلسده اولان صحابه کزینه توجیه خطاب و بزم تناول
ایتدیکم زواج نوع خرما و لحم و نان و آب اطیف بر مقتضای نظم
کریم (ثم تسئلن یومئذ عن النعم) روز سؤالده سؤال اولانه جغی
منصوص اولان نعم جلیله دن اولدیغی بی اربابدر بیوروب
مشاهده جمال الله ایله تخصص ایدن دو چشم مبارک لردن
در مشورکی دموعک جریاننی اصحاب کزین معاینه ایتدکده جمله
بو کلام مواعظ انجامدن متأثر و دهشت سؤالی متأمل و متفکر
اولوب دیده لری کریان و جگر لری آتش خشتله سوزان اولدی
اول وقت جناب رحمة للعالمین احوال باراننه ترجم و تسلیمت آمیز
کلمات عنایات آیات تکلم بیوروب ای اصحاب سزدن بر یکز طعامه
شروع ایتدکده (بسم الله دیوب بعد الشبع) الحمد لله الذی
اشبعنا رانعم علینا و افضل) یعنی محامد غیر متناهی اول کریم

مطاب
ختم دعای طعام

ورجیم اولان ذات سرمدی الصفاته لایق و سزادرکه
بزی انجیق اول طیوردی و بزم اوزریمزه انعام فراواتی
مبذول بیوروب کمال فضلنی بزه احسان بیوردی دیرسکر
سزه کافی و سزی شدت سؤالدن منجی و معافیدر بیوردقلرنده
اصحاب کرام تسلیه دار اولدیلر بعده جناب خاتم نبوت
عودت مراد بیوردقلرنده حضرت ابویوبه یارین بزه کل
دیواهی و فرمان بیوردیلر ایشه ده حضرت ابی ایوب کمال شوق
و فرخندن امر رسول باصفای ایشیده میوب حضرت عمر الفاروق
رضی الله تعالی عنه حضرت تلی مضمون امر رسولی حضرت خالد
اشعار و بهر حال یارین کلک امر پیغمبریدر دیو تفهیمه ابتدار
ایتدیلر پس فرداسی حضرت خالد امر رسول الله امتثال
و حضور نبوی به استعجال ایتدکده جناب فخر کائنات حضرت
خالد ک اکرامنه مجازات اوله زق جناب حضرت خالد دایره
پیغمبریه لرنده تریه کرده لری اولان بر صغیره جاریه عنایت و بزم
بوجاریه دن انجیق بمن و برکت و نیک سیرت مشاهده ایتدکده سنده
بو کرام و رعایت ایت دیو توصیه و نصیحت بیوردیلر
وقتا که حضرت خالد هدیه بهیه نور الهدای آلوب سرور
کونا کون ایله منزلته کلدکده امر رسول اللهی تذکر ایدوب
بوجاریه حقنده کمال رعایت بونی اعتناق و وقتی کلدکده جهاز
و لوازماته مال فراوان اتفاق ایتدکدر دیو اجتهاد و در حال
اول جاریه بی ازاد بیوردیلر * وینه حضرت مشارالیهک مناقب
حسنه لرنندز که امام ترمذی و طبرانی و حاکم حضرتانی تخریج
ایدلر جناب حضرت خالد زاد قربا الی جناب ربه الواحد

حضرت تری بیورر که جناب فخر عالم صلی الله تعالی علیه وسلم
 حضرت تریبک منزل عاجز آمده مکث و اقامت بیورر ملریله نائل
 کال مفخرت اولدیغم ایامده سهوه تعبیر اولسان محل که ترکیده
 اکا تخنه پوش تعبیر اولنور انک اوستنده سیت اچننده خرما
 ادخار و حین حاجتده بدل و نثار ایدر ایدم لکن بهر کون اول
 خرما به نقصان ترتی نمایان اولدجه اندیشه دروغ و وله و حیرتم
 مرداد اولوب یوما من الایام بوقصه عجیبه بی ذات سید الانامه
 نقل وافاده و ذات معجزات آیاتدن کیفیت حالی استفاده ایتدم
 جناب خواجه عالم علیه صلوات من الرّب الاعلم حضرت تری
 بیورر دیلر که یارین اول موضع و ارد قدده انده برهره بولور سن
 همان اکا سن حضور رسول الله کل دیو ابرام ایله جناب
 حضرت خالد بیورر که ایتسی کون اول محله وارد یغمده
 مخبر صادق خبری وفقی اوزره برهره بولوب بلا توقف حضور
 رسول خدایه کل دیو ابرام ایتدیگمده اول کدی شکننده اولان
 هیکل بر کریمه المنظر عجوزه بد لقا شکننه تحول و بنخله رو برو
 نقول ایدوب جناب علام الغیوب شاهد اولسونکه بردخی بن
 بو محله کلم الامان بنی آزاد ایت دیو تظلم واسترحام ایتدکده بن
 انی ارسال ایله ترک انتقام ایلدم وقتا که حضور نبی اعلمه وارد یغمده
 قنی اسیرک دیو بکا خطاب بیورر دقلرنده بندخی موقوفی بیان ایدوب
 منتظر جواب اولدم اول وقت بیورر دیلر که اول شکل غریبه
 کن مخلوق سوزنده کاذب و بو کیجه بنه اول محله آیدر فی الواقع
 بن بنه اول محله واروب کافی السابق اول کدی شکننده اولان
 بری بی کوروب حضور رسول الله کلمکی تکلیف ایتدیگمده

اول کدی بنه در عقب بر مجوزه شکننه تشکل و بکاینه آند
 ویره رک یا الواروب بردخی کلامکه تعهد و تکفل ایتدکده بنی بنه
 تغلیط و اغرار ایدوب بن دخی انی صالی و یروب خانه مده استقرار
 ایلدم چون صباح اولوب مجلس نبوی به لاحق اولدیغمده جناب
 خیر الامم بنم قصه می سؤال بیوروب بندخی نقل و بیان حال
 ایتدیگمده بکایورر دیلر که اول خبیث بدکار غایتله کذاب و مکار اولوب
 بنه انک قصه می تکریر ایاب اولدیغمی در کاردر بود فعه انی بنه
 بولدیگمده امر می افاده و کلام اولی اعاده ایله پس دفعه ثالثه
 بنه اول هر بی بولوب با امر پیغمبری حضور سعادت دعوت ایدوب
 اولدخی مجوزه شکننه تشکله مسارعت و ایمان غلیظه ایله قسمه
 مبادرت ایتدکده بن انی تصدیقدن ابا و حضور رسول الله
 دعوتده اثبات پائیتدیگمده اول مجوز دیدیکه بزکه معاشر شیاطین
 فی الحقیقه بزم پیغمبره اعتماد اولنمز لکن اگر سنک مرادک منزلکی
 بندن و سائر شیاطیندن محافظه ایسه سکا برشی تعلیم ایده یم خانه کی
 و نفسکی شرور شیاطیندن انکله وقایه ایله زیرانی استماع ایدن
 پر یلر فرار ایدوب اول منزله تقرب ایده منزل اول وقت بن سبب
 محافظه اولان ندر دیو پریدن سؤال ایتدیگمده اول مستلزم
 حفظ و حراست اولان آیت الکرسی در دیو قطع مقال و کلدیکی
 جانبه ارتحال ایلدی ایلدی صباح اولوب مجلس با سعادت اجدی به
 وارد یغمده جناب پیغمبر و الاشان بنم قصه می سؤال واستعلام
 بیوروب بندخی حقیقت حالی بیان ایتدیگمده جناب مجمع العلوم
 بیورر دیلر که یا ابا ایوب طائفه شیاطین دائماً کذب و بدراکن فضائل
 آیت الکرسی باینده اولان سوزنده صادق قدر

(*) ودخی بوقصه یه شبیه بردفعه دخی حضرت (*)
مشار الیهه واقع اولمشدر شویله که حضرت مشار الیهک خانه
سعادتنده برمرید یعنی خرما قوریده جق بر محل اولوب موسمی
اولد قده انده خرما رینی سروپ قوریدرلر ایدی بردفعه ینه
اول محله خرما سروپ آرهلقده یوقلمغه وارد قجه باقدیلرکه
خرمایه نقصان ترتبی ظاهر وسرقتدن غیری برمعناسی اولدیغی
باهر اولغله سارق در دست ایتمک ملاحظه سیله برکیجه علی
الغفله اول محله واروب کوردیلرکه بر بی کانه کیمسه متمادی خرما دن
التقاط ایدوب سارق اولدیغی هیئتندن استنباط اولنیور اول وقت
جناب حضرت خالد اول شخصه خطاب و بنم اذم بوغبکن
بورادن خرما المق نه جسا رتدر دیو عتاب وسن کچسن ونه
دیاردن سن دیو حقیقتندن استجواب بیوردقلرنده اول شخص
شول وجهله جوابه شتاب ایتدیکه بن طائفه جندن برکیمسه اولوب
بوکیجه هم جنسمدن بر طائفه ایله کفاف طلبی ایچون کشت
و کذار ایدر ایکن بو محله خرما اولدیغی حس ایتدکده بر مقدار
خرما سرقت ایدوب کیمده جکر لکن بزم الیدیغی خرما
مورث نقصان اولوب بر کات الهیه نک آثاری ایله ینه
سزک خرما کزک تمامیتی در کار در پس جناب حضرت خالد
اول شخصدن بو کلامی ایشیدوب و نام خدایی ذکر ایتدیکنندن
متحیر اولوب شخص مرقومه بیوردیلرکه اگر سن فی الحقیقه
بری ایسک الکی بکاوزاد سنک صدقک نمایان اوله اول زمان
شخص مرقوم الی اوزادوب جناب ابی ایوب بیلکنی قبض بیوروب
باقدیلرکه مرقومک بیلکی کانه کلب قوی کبی قلی و بنی آدم

بیلکنه

بیلکنه اصلا مشابهی یوق اول وقت جناب حضرت خالد اول
شخصک جنی اولدیغی لدی التحقیق بیوردیلرکه بو آنه قدر
هر نه مقدار خرما سرقت ایتدیکز ایسه سزه حلال اولسون
لکن نوع بنی آدم سزک شر و ضرر کزدن نفسنی و مالی محافظه
ایتدیکی تعویذاتک قنغیسی افضلدر انی بکایان ایتمک شرطیله
دیدکده اول وقت اول شخص جنی فک دهان و افضل تعویذات
سوره حشرک اواخریدر دیو بیان ایدوب کلدیکی جانبه روان اولدی
* و ینه حضرت مشار الیهک مناقب جلیله لرندن اولوب ذات
کرامت آیاتلری بیوردرلر که بردفعه انجق ذات رسالتسمات ایله
حضرت صدیق اکبر علیه رضوان ربه البر حضرتاته کفایت
ایده جک مقدار طعام تنظیم و حضور نبوی به تقدیم ایلدیگیمده
همان جناب ابهر المعجزات علیه افضل الصلوات حضرت تلی
یا ابا ایوب اشرف انصار دن اوتوز کیمسه بی دعوت ایله بیوردیلر
ایسه ده بن طعامک آزا اولدیغی تأمل و بلکه رسول اکرم بو طعامی
چوق ظن بیوردقلرندن بو امر لری اصدار بیوردیلر ملاحظه سنه
مبنی کویا تغافل ایتدم تکرار ینه فرمان پیغمبری صادر
یا ابا ایوب و اراشراف قریشدن اوتوز کیمسه بی دعوت ایله دیو
امر رسول الله متکرر اولدقده هزار اندیشه ایله اوتوز
نفر مردان قریشی دعوت واستغراق بحر حیرت اولدم پس
اول کسان کلوب اول طعامدن تناول و بعد الشبع اثر معجزه پیغمبر
اولدیغی تأمل ایدوب کمال تبقلرینک تحقیقنی حاوی بیعت و هر کس
محلنه عودت ایتدیلر تکرار امر پیغمبری صدور و آخر التمس ذواتک
دعوتی باینده فرمان عالی ظهور ایدوب لکن بن والله اثر معجزه باهره

اوله رق طعامك تكثرتي مشاهده ابتدايكمدن اوليكيدن زياده
مسرور اوله رق آلتش نفرذواتي نزد رسول الله دعوت ايتدم
انلردخي مجلس فخرايمه داخل وبالجمله اول طعامدن متناول
وجله سي معجزه رسول خدايي تصديق ايدرك راجع اولدقده
تكرارينه طرف شاه امدن فرمان عالي صادر و طقسان نفر اشرف
انصارك دعوتيله جناب منبع المعجزات آمر اولديلر بنينه والله
العظيم دفعه ثانيه دن ازيد اوله رق داشاد و آمر پيغمبري انفاذ ايله
سالك راه سداد اولدم پس اول طقسان ذوات دخي ورود وبامر
پيغمبري اوز اوز اول سفره عاليه قعود ايدوب لذي التناول
جمله سي معجزه خاتم الانبيائي از دل وجان تصديق ايدرك رجعت
ايدوب اول طعام بنم تقديم ابتدايكم وقتنه مقدار ايسه بنه قابك
ايچنده اوليله جه موجود ايدى * ودخي حضرت مشار اليه
مدح وثنا صدندنه جناب ام المؤمنين عائشه صديقته رضى الله عنها
حضرتلرينه متصل سندله ائمه حديثدن ابن مردويه نام مخرج تخرج
وروايت ايدوب وينه مشار اليه ابن مردويه وابن عساكر وابن
اسحق وابن جرير نام مخرجلر حضرت مشار اليهك حليمه
محترمه لري ام ايوب عليها وعلى زوجها رضوان علام الغيوب
حضرتلرينه متصل سندله روايت ابتداكلى مضمونلري متقارب
اثر كه كتب سيرده تفصيلي داخل صحائف اولان قصه پر غصه
افك كه جناب صديقك پاك دامن حقنده بعض منافقين بدكار
انك اشاعه سنه جرأت ايدوب اول حوادث كاذبه اهل مدينه بيننده
شايعه اولوب اهل نفاق مقتضاي نفاقلري اوزره بينلرنده صدقه
جل ايدرك اشاعه واصدقاء اهل ايمان حيرته قالب ملا حظه

نطق مشار اليه
مطابق نزول آيت
كريمه بك بيانى

توجهات

توجهات متنوعه اوزره هنوز جناب صد يقهك براءتى مابين وحى
الهي وآيات قرآنيه نزول ايتزدن مقدم بر كيجه حضرت ابو ايوب
الانصارى حفي برضوان الباري حضرتلري حرم محترمه لري
ام ايوب دامت في رضوان فائق النوى والحبوب حضرتلريله
مكالمه ايدرلر ايكن اول ائشاده ام ايوب حضرتلري بابا ايوب حرم
رسول الله حقنده بو خلق ايچنده شيوع بولان حوادث دهيشه
نصل شئ سزده ايشتيديكمى ديوتفوهه باشلدقده جناب
حضرت خالد فك دهان وام ايوب حضرتلرينه نصايح امير
صحبته ايله طرق حق تفهيم و بيان بيوروب بيورديلر كه يام ايوب
اول حوادث دهيشه بيننده استماع ايتدم لكن عندهمده كذب
صرف اولديغى مجزوم و يقينده حقك تبينى قضيه يئنه اللزومدر
زيرا يام ايوب سن آحاد صحابيادن ايكن بومثللو كار ناسزا بي
ارتكابه جرأت وعرضكي هتك ايله نيل رذالت ايدر ميسن اول وقت
ام ايوب حضرتلري معاذ الله تعالى بنم بو كونه فعل شنيعى ارتكابه
محال و شريعت محمديه انقياد ايتدكد نصكره حرام ايشليك
عديم الاحتمالدر بيوردقده جناب ابى ايوب ام ايوب حضرتلرينه
خطاب و حكيمانه رد جواب صدندنه يام ايوب عائشه صديقتهك
سكار بخاني دركار و كال طهارت وتقواسى آشكارا ونجه سنك تنزه
ابتديكك كارك اندن صدورى نيجه تجويز اولنه بيلور بيوروب ذات
حضرت خالده كال دهشت وخشيت پيدا اولوب (مايكون لانا
ان نكلم بهذا سبحانك هذا بهتان عظيم) كلام معجزه انجامي لسان
شريفلردن سانح وهو يدا اولدى يعنى بوموجب وبال اولان
كلامى تكلم بزم ايچون جائز اولوب اي بنم پروردكارم سنى جمله

نقایصدن تنزیه و تقدیس ایدرم بولاف و کذاب بهتان عظیمدر
بعده جناب ارحم الراحمین حضرت صدیقه نك کمال براءتی اعلان
و اول باید اونه قدر آیات قرآنیہ انزال بیورد مغله اهل نفاقك كذب
و افترا ایتدکری بیان بیورد قلرند اول آیات بینات اثنا سنده لسان
حضرت خالددن صدور ایدن کلام نفیسك وفقی اوزره (واولا
اذ سمعتموه قلتم ما یكون لنا ان نتكلم بهذا سبحانك هذا بهتان
عظیم) آیت کریمه سنی حبیبنه ایحا و جناب حضرت مهماندارینك
كمال قوت ایمانی و رفیع شأنی تا بروز قیام معاشر
موحدینه ایما و انبیا بیوردی * حتی نفحات العیر الساری
فی احادیث ابی ایوب الانصاری نام كتابده امام طبرانینك
تخریجكرده سی اوله رق مذکور و مسطور در كه جناب حضرت
خالد رضی عنه الماجد حضرتلری بردفعه حسب البشریه
حلیله محترمه لری ام ایوبه انفعال ایدوب تطبیقی مراد بیورد قلری
واصل سمع پیغمبری اولدقده زبان پیغمبریدن ام ایوبی تطبیق
اتم عظیمدر حدیث باصوابی و رود ایدوب حضرات مشا الیهما نك
جناب صدیقه نك کمال براءت اولان ربط قلبلرینه مكافات و اول
وضع پسندیده به مقابل ام ایوبی نك كاحنده ایقا بابتده ظهور
ایدن امر الهی بی بیان ایله ایفاء مجازات بیوردی رضی الله
تعالی عنه وعن زوجته وعن سائر الانصار و المهاجرین اجمعین

(*) باب ثالث (*)

جناب حضرت خالدك زمان سعادت جناب فخر انبیا در نصكره
وقوعیافته اولان بعض مناقب جلیله لری بیاننده اولوب
بواب انجق ایکی فصل اوزرینه اولغه قابلدن

فصل

(*) فصل اول (*)

جناب فخر انبیا علیه اكل النحایا آفندیمن حضرتلری بر مقتضای
بشریت ظاهره روضه طاهرارنده اختیار ازوا بیورد قلرند نصكره
خلفاء راشدین رضی الله عنهم اجمعین حضرت ائتك زمان خلافتلرند
و اول ملوك امت مرحومه اولان حضرت معاویه رضی الله عنهك
استقلال خلافتلرند نصكره زمان سلطنتلرند جناب حضرت
خالدك ظهور یافته اولان بعض قصص بر حصص لری بیاننده در
حضرت مشارالیه دام رضوان الله تعالی علیه حضرتلری زمان
پرامان محمدید نصكره خلفاء ثلاثه یعنی جناب صدیق و جناب فاروق
و جناب ذی النورین رضی الله عنهم حضرت ائتك ازمنه خلافتلرند
هر نه قدر غزوات ظهور ایتدی ایسه جله سنده جنود موحدینه
همراه و غزا اولدقده مدینه پرسكینه ده مجاور حرم رسول الله
اولورلر ایدی وقتا كه مسند خلافت كبراده جناب مر تضى
علیه اكل رضوان ربه الاعلی حضرتلری مر بع نشین اولدقلرند
جناب مهماندارى ینه همراه مجاهدین و جل و نهروان و صفین
و قایعنده حضور ایله جانب مرتضایه ازدل و جان ناصر و معین
اولوب جناب شیر خدا جانب عراقده تقرر مراد بیورد قلرند
حضرت مومى البهی مدینه سكینه ده قائم مقام نصب و تعیین
بیور مشلرایدی اول آوانده دخی جناب اسد اللهك خوارج اوزرینه
غزایه عزیمت بیورد قلرینك خبری سمع جناب شفیع رومه واصل
اولدقده امارت مدینه دن استعفا و اول غزوه ده دخی معیت
مرتضاده رفا قتله كسب مزید صفایا بیور مشلردر بعد قرن
خلافت منقضى اولوب نور دیده شاه انبیا حضرت امام حسن

مشار اليك بعض
مناقب حسنلری

رضا علیه اکل رضوان الملک المولی حضرت تلی حسب المصلحه
حضرت معاویه ایله صلحه رغبت و امر خلافتی عهده معاویه به
فراغت پیور دقلند نصره ینه جناب حضرت خالد هرنه طرفه
غراظهور ایدر ایسه اول طرفه عزیمت و غزا اولد قه کاه مدینه
منوره ده اقامت و کاه جانب شامه و بلاد سائر به سفر و سیاحت
پیوروب جهاد اکبر ایله انواع عبادات و طاعات ادا سنده التزام
کلفت و ذاتلرینی همه آن اخلاق ذمی و افعال نامرضیه به میل
ور کوندن حراست و اتباع سن سنیه به کمال اوزره دوام و مواظبت
و امر معروف و نهی منکر خصوص سنده اصلا لائیک لومندن خوف
و حذر ایتموب هر یکم اولور ایسه اولسون او امر الهیه ایله امر
و نصیحتده ابراز متانت و صلابت پیورر لایدی حتی بر دفعه امامته
یکوب بعد الصلوة یاران باصفار ینه توجیه خطاب و بوقومک
میانده امامته احق سندن غیر بر فرد بولیموب سن شمدی
بوقومک جمله سندن افضل اولمقلنگ ظاهر در دیو شیطان لعین
قلعه القاء و سوسه به بو امامتله بول بولوب خاطر می اتعاب ایتدی
پیوروب بعد ازین منحصر اولد قه امامته تقدم ایتمک اوزر ینه
عزیمت ایله قلمی مقدمات عجب و ریادن محافظه به تقیده شتاب
ایتدم پیور مشلدر و ینه ابن عساکر و سائر مخرجین بکار تابعیندن
محمد بن کعب القرظیدن روایت پیورر که مروان بن الحکم مدینه
منوره ده والی ایکن صلاة جمعه و صلوات سائر به ادا ده وقت
مختاردن زیاده جه تأخیر ایتمک عادت نامرضیه سی اولوب جناب
حضرت خالد کندی به غضبتک اولد قلی و ایام جمعه ده وقت
مختارده صلاة ظهیری خانه سعادت لرنده ادا ایدوب مسجد شریفه

جاعتله هرنه قدر بولور لر ایسه ده مروانک بو وضعنه راضی
اولد قلی مروانک سمعنه و اصل اولد قده جناب حضرت خالد
مغیر اولوب یا ابایوب سن کبار صحابه دن ایکن نیچون بکا مخالفت
ایدر سن دیو عتابانه معامله به جرأت ایتد کده حضرت مشار الیه
بی مهلبا مروانه عدم مماشاتلرینی اظهار و بن مقتدای انام اولان
پیغمبر ذی شانی دائما فرائض صلاتی اوقات مستحبه سنده
ادا پیورر کوردم اگر سنده پیشوای اسلامیان اولان نبی و الاثانه
متابعیت ایدر ایسک بزرده سکاموافق ایدر و واکر سن اثر نبوی به
مخالفت ایدر ایسک بز سنک خاطر فارتک ایچون سنت رسول الله
اتباعی ترک ایتموب لابد سکامخالفت زدر کاردر پیور دیلر و ینه حضرت
مشار الیهک صلابت دینه لری و قوت اتباع سیرت محمدیه لرینی
مبین اولان اخباردن اولوب ابن عساکر نام مخرج سالم بن عبدالله
بن عمر علیهم رضوان خالق الشمس و القمر حضرت تلی ینه مقبول
سنده روایت ایدر سالم حضرت تلی پیورر که پدر اجددم عبدالله
ابن عمر رضی الله عنهما حضرت تلینک حال حیات لرنده بن تأهل
ایدوب اجرای سنت نبویه نیت خیریه سیله طعام و ایجه ترتیب
واجله صحابه کرام و سائر دعوت اولمق تنسب اولوب حضرت
مهماندار سیدالابرار دخی دعوت اولنان ذواتدن معدود اولوب
لکن بیت عرو سده بقیه اموال غنائمدن بریشل پرده آویخته قلمقله
طاائفه نسانک قلوبی تطیب قلمش ایدی وقتا که مدعو اولنلر
واحد بعد واحد ورود و جناب و رعاب ابی ایوب دخی کمال
تواضع لرندن سر مبارک لرینی جانب زمینه ار خایره رفق تشریف
پیوروب جمله مره بخش سرور نام معدود پیور دقلرنده حضار

مجلس ايله مكالمه و ملاطفه بيوررل ايكن ديدة مباركلرينه اول
يشل پرده مصادفه ايتد كده پدرم عبدالله بن عمر حضرت تليزينه
خطاب وسز كه معاشر صحابه سكر ديوارلري سترله وقت
پيغمبرده اولميان بدعتلري احداث ايتكله پيغمبر والاشانك
خلافتنه حركت وزينت دنيايه ميل ورغبتني ايد يورسكز ديوعتاب
بيورمغه باشلد يلاول وقت پدرارشدم جانب اجتهاده عطف
عنان وجناب حضرت خالد بن شرمنده اوله رق يا ابا ايوب بن
بومادهيه هر تقدري رضا كوسترمدم ايسه ده طائفة نسوان بو پرده يني
تعليق اوزرينه اصرار ايدوب مباحاتده نسوانه مماشات موجب
تطبيب اولديغندن جائز وعادته بدعت اولان موادك حقتده
رخصت شرعيه نك ورودي بو مثللو اوضاعي مجوز اولديغنه بناء
رخصت ويردم ديواعتذار ايتديلر ايسه ده جناب ابو ايوب
بو عذري قبولدن ابا و پدرمه اي ولد ارشد فاروق نسوانه كيم
مغلوب اولور ايسه اولور اما سنكه عمر بن الخطابك ولد نجيب سن
سنك زمره زنانه مغلوبيتك اولماز انجق بوسنك تجويزكله اولديغي
هو يدادر بيوره رق اثبات پايوروب همان مجلسدن نهضت و طعام
تناول ايتيوب منكر اولان خانه ده مكث ايتيم بيوره رق رجعت
بيورديلر وينه بوبابده ابن عساكر و يعقوب بن سفيان نام
مخرجلر تخريج و روايت ايدرلر كه حضرت مشاراليه شام شريفه
هجرت واول ملوك امت اولان حضرت معاويه نك مجلسنه
دخوله رغبت بيوروب عقيب دخوللرنده صدق رسول الله
دييه رك فك دهان و بونك وجهني اول وجهله بيان ايتديلر كه بركه
معاشر انصارز جناب رسالتاب بزره خطاب واي معاشر انصار

سزل بنم عصر نبوتد نصكره كثر اموال دنيا و وفرت شوكت
امراي كورمكز بي اريباب اولوب اول وقت سزلره صبره ملازمت
واعتصام جبل شريعت لازم اولديغي راه صوابدر بيورمغه شمدى
بو مجلسده ماصدق حديث نبويي مشاهده ايتديكمده صدق
رسول الله كلامي لسانه جريان ايتدى اول وقت حضرت معاويه
حالات ملوكانه سنده سالك راه اجتهاد اوله رق حضرت خالده
خطاب و صدر حديثي بن تصديق ايدوب ذيل حديثه دخي سنك
تشبثك لازم اولديغي ظاهر در ديورد جواب ايتد كده بومعامله
حضرت خالد رضى عنه الما جدك طبع شريفلرينه ناموافق اولوب
يامعاويه جناب حي و قيومه و پيغمبر منبع علومه جرأئمي ايدرسن
بيوره رق صلابت ديديه لرنده ثبات قدم و بردخي سنك مجلسنه
كلمه ديوقسم بيوروب اول مجلسدن نهضت و بعد ازين
حضرت معاويه ايله ترك الفت و موافقت بيورديلر بعده بومعامله
طبع حضرت خالده گران كلاريكندن بصره جاننده عازم واول وقتده
بصره ده بوانان ترجمان قرآن ابن عم پيغمبر آخر زمان عبدالله
بن عباس عليهمما رضوان رب الناس حضرت تليزينه قادم اولديلر
اول زمان ابن عباس حضرت تليز اولاد و عياللريني منزللرندن
محل آخره نقل بيوروب منزللريني كافه مفروشات واثاث و ايچنده
يكرمي نفر غلمان و جواريله همان خانه نك قپوسي حلقه سندن
امسالك ويا ابا ايوب سنك حين هجرتده رسول اكرمه ايتديكلك
خدمات جليله يه مكافات ممكن دكل ايسه ده بنم وسعم بو قدردر
بيوروب جمله سني جناب ابى ايوبه تملك بيوز دقلرندن فضله
قرق بيك درهم دخي حضور حضرت خالده تقديم و رسم مراعاتي

بو گونه تميم بيورديلر جناب حضرت خالد دخی اول مملوكلرك
جمله سنی لوجه الله اعتناق و اول اموال و نقودی انلره اعطا و اتفاق
بيوروب سیرت محمدیه به کمال اتباع لرینی اجرا بیور دقلری مرویدر
ودخی حضرت مشار الیهک بصره یه قدوملری ایکی دفعه اولدیغنی
اهل سیر بیان ایدوب بردفعه سی آنفا ذکر اولنان قصه ده واقع
اولدیغنی ظاهر و دفعه اخراسی شول وجهله منقول و متراددر که
فصل آتیده ذکر اولنان قضیه دن مقدم بردفعه دخی جانب
قسطه طینیه یه سوق عسکر اولنوب جناب حضرت مشار الیه
اول عساکرله برابر ایدی وقتا که قرب حصن قسطه طینیه یه
کلیوب محاربه یه شروع اولنق اوزره ایکن عساکر اسلامده کثرت
موت وقوع بولغله بر مقتضای قدر آکمی اول دفعه محاربه دن
صرف نظر و بقیه جیوش موحدین ابله اراضی رومدن بلاد
شامه سفر اولنوب بوغزاده حاضر اولان اهل اسلامدن بصره یه
هر کیم قدوم ایدر ایسه ابن عباس رضی الله تعالی عنهما حضرت لری
بهر اهل توحیده دردر بیک درهم اعطا و بهرینه بو یوزدن کمال
رعایت لرینی ایفا بیور لر ایدی جناب حضرت خالد دخی اول غزاده
حاضر و بعد العوده بصره یه راحل و مسافر اولوب جناب ابن عباس
ایله ملاقات بیور دقلرنده حضرت ابویوب علیه رضوان مقلب
القلوبک اسلامده سبقتی و حضور فخر انامده کثرت خدمتی درکار
اولدیغندن جناب حبر امت حضرت مشار الیه سائر لرندن
ازید اوله رق رعایت بیوروب سکن لرینی حضرت مشار الیه
تملیک ایله تطییبلرنده مبالغه بیور دقلرندن فضله غزاة سائرینه
بذل و اتفاق بیور دقلری درت بیک درهمک بش ضعیفی اوله رق

یکرمی

مطلب
ولا تلقوا بایدیکم
الی التهلكة آیت
که در عه سنک
تفسیرنده مشار
الیهدن روایت
اولنان تفسیر

یکرمی بیک درهم تقدیمایله تلطیف لرینه صرف مقدرت بیوردیلر
بونی مؤید اسلم بن ابی عمران نام ذات تابینه دن روایت اولنوب
مومی الیه اسلم حضرت لری بیور لر که حضرت معاویه نک
اواسط ایام سلطنتنده بردفعه خالد بن الولید حضرت لرینک مخدوم
مکرملری عبدالرحمن حضرت لری سر عسکر نصب اولنوب مدینه
منوره دن جانب قسطه طینیه یه عظیم اورد و تسیارا اولنوب مهماندار
رسول کبری یا خالد بن زید حضرت لری و بکار اصحاب کرامدن جم غفیر
اول عساکر ظفر مأثر ایله همراه اولغله رغبت بیوروب بندخی اول
زمره اخیر ایلله بالمعیه جهاده نیت ایتیش ایدم وقتا که حوالی
قسطه طینیه یه وار یلوب کفره نک کثرتی و ازهر جهت قونی اولدیغنی
تصحیح اولنوب امر محاربه ده تردد اوزره ایکن برکون علی الغفله
درون قلعه دن بر طاپور جسیم پیدا وارقه لرینی جدار حصنه
الصاق ایدوب کفر و عناد لری اوزره استقرار لری هویدا اولوب
برزدخی مقابله اعداده اصطفا فافه اقدام و محاربه یه اقدامی
و شب ساعت و صلابت می اعلان و اعلام ایدوب مقاتله یه شروع
اولنق اوزره ایکن ناکاه صف اسلامدن بر ذات شجاعت آیات
بیدار اولوب صف کفاره طوغری سرعت ایله واروب جمعیت
کفاری تارمار و کفار لئامدن وافرینی ایصال دارالبوار و کندیسی
دخی الحاق شهداء ابرار ایتد کده زمره غزاة بکر بان سبحان الله
دیهمر لئول نفس نیک مایه نک وضع پسندیده سنی انکار و ذات واجب
الوجودک (ولا تلقوا بایدیکم الی التهلكة) قول منیفنک خلافتنه
حرکت ایتدی دیو طمن و تشنیع طرفنی اختیار ایتد کلرنده
حضرت خالد رضی الله تعالی عنه الما جددک دهان و تفسیر

طایفه
نایب
ایضا

آیت کریمه بی اول وجهله بیان بیوردیلرکه بونظم جلیلاک تاوبلی
سزک ظاهر افهم ابتدیککککک خلاقی اولوب بوآیت کریمه بزکه
معاشر انصارز بزم حقمرده نزول ایدوب تهلاکه دن مراد کفره ایلله
ترک جهاد در زیر اجناب خیرالناصر بن حبیب محترمنه فوزوظفر
ونصرت وکمال غالیبت عنایت بیوروب دین محمدی بی کمال قوت
وشوکت ایلله تأدیب و بلاد اسلامیه تک توسیعیه آیین اسلامی
بلاد واقطارده بدید بیورد قدده بزل بدینمرده بعض کلامه جسارت
وبوند نصکره برمدت وطنلریمزده تمکن ایدرک اولاد وعبالمز ایلله
مکث واقامت و باغ و بستانلریمز رؤیت ایدوب برمدت کفره ایلله
محاربه دن فراغت ایتسک دیو نمنی به جرأت و بوی خصوص
عبیه علیه رسالتینا هی به عرض وانها به قصد و نیت ابتدیکمزده
بوآیت کریمه نزول و جهاد ک ترکی تهلاکه عظیمه اولدیغی
درجه ظهوره موصول ایلدی فعلی هذا بو کیمسه تک فعلی تهلاکه
اولوب تهلاکه انجق جهاد اصغرک و جهاد اکبرک ترکندن عبارت
اولمغه بو کیمسه راه صوابه سالک و نفسنی حامی من المها لکدر
راوی قصه اسلم حضرت تلی بیوررلرکه فی الواقع جناب ابویوب
ترک جهاد دن تباعد و آخر الامر دیار غیرتده ارتحال ایلله
درجه شهدایه تصاعد بیوردیلر رضی الله تعالی عنهم وارضاه

(*) فصل ثانی (*)

اول حضرت نیک منقبتک روح قدسیلرینک عالم علوی به طیرانک
قصه پرغصه سی بیاننده در حضرت مشارالیه دام رضوان الله
علیه حضرت تلی سابقده اشعار و بیان اولندیغی اوزره زمان
پرامان شاه پیغمبرانده وازمنه خلفاء اربعه ذوی الشانده

وایام

وایام اول ملوک اسلامیه هرنه قدر غزوات و سرایا اولدی
ایسه اجله سنده همراه غزاة اهل ایمان اولوب تخلف ایدرک
هیچ التزام اوطان بیورمشرایدی حتی وجود محترملرینه ضعف
کلی طریان ایتدکده برسنه ترک غزایه نیت و وطنلرنده مکث
واقامت بیوروب اول اثناده قرآن کریم تلاوت بیوررلر ایکن حین
تلاوته سوره توبه ده (انفروا خفافا وثقالا) آیت کریمه سنه
دیده پسندیده لری مصادفت ایدوب بوآیت کریمه ده ترک غزایه
رخصت بولامدم دیو اظهار انواع ندامت وینه اول سنه
قنخی طرفه سوق عسکر اولندی ایسه اول جانبیه عزیمت
بیوردقلری نقل وروایت اولنور و دخی امام محمد شیبانی علیه
رحمة منزل المثنی حضرت تلینک سیرکیر نام مؤلف جلیلری
اوزرینه امام سرخسی حضرت تلینک شر حنک ابوابندن
باب الشهید و ما یصنع به دیو تبویب ایتدکلی مباحثده اجله
تابعیندن محمد بن سیرین علیه رحمة الملائکة البین حضرت تلیندن
نقل و بیان ایدرلرکه حضرت معاویه بردفعه اوغلی یزیدی
جیوش مسلمینه سردار نصب ایدوب بعث و تسیمار ایده جکلی
حضرت ابویوب الانصاری رضی عنه الباری حضرت تلینک
مسموعلری اولدقدده اصلا برغزادن تخلف اتیمایا مشر ایکن یزیدک
فسقله شهرتی مناسبتیه انک زیرلوا سنده کتمکی استکراه ایدوب
اول غزادن تخلف و اول سنه اولدقلری مجلده اقامت و توقف
بیوردیلر ایسه ده بعده ندامت شدید ایلله نادم و امیرک فسقندن بکا
نه زیان ترتب ایدر دیو اول دفعه تخلفلرینی خطابه جل ایلله بعد ازین
هرکیم امیر اولور ایسه اولسون غزادن عدم تخلفه عازم اولوب

مشار الیه
از حاله لایبی بیان
ایدر

دفعه اخیره ده یزید سر عسکر اولدقده ابویوب حضرت تلی
دخی برابر سفر بر اولدیله بوندن مستباند که بعض علمانک جانب
قسطنطنیه به سوق اولانان عسکرک سرداری یزید بن معاویه
اولیوب یزید بن اشتر یا خود یزید اسمنده بر ذات معتبرایدی دیونقل
ایتدکاری قول مرجوح و جمهور محدثینک خلافتیه اولدیغی
بین الوضوح در زراعه حدیث و سیرک معتبرانی علی الوفاق
بوقضیه بی پیانده اول وجهله اتفاق ایدرلر که حضرت
معاویه نك او اخیایام سلطنتلرنده اصح اقواله بناء هجرت نبویه نك
النجی سنه سی یزید بن معاویه امیر حبش نصب اولنوب جانب رومه
عسکر سوق اولن-ه جغنگ خبری مدینه منوره به واصل و اهل
اسلامک عزم غزاه روم ایده جکلی سمع حضرت خالده متواصل
اولدقده وجود محترمتری ز حیر علمتیه مبتلا ایکن (وجاهدوا
مع کل امیر) حدیث باصوابی تذکر و تنبیه الا نام نام کتاب جلیله
اشارت اولندیغی اوزره جانب پیغمبر یدن ارتحال با سعادتتری
اراضی رومده وقوع بوله جغی تلخیص وایما پیورلدیغی تأمل
وتفکر پیوروب هر نه قدر احباب و یارانلری وجود شریفکرنده
ضعف کلی بدیدار و مرض شدید برقرار ایکن حقکرنده ترك
جهاده رخصت شرعیه در کاردردیدیلر ایسه ده انلرک
قولنه اصلا اصغایور میوب اول عساا کر ایله معیته رأیلری
استقرار ایتمش اولمغله طی مراحل و قطع منازل اولنه رق
بلاد رومه قغول وحوالی قسطنطنیه به موصول اولنوب طریقت
محمدیه نام کتاب جلیلک بعض شروحنده بوفقییر بر تقصیرک
منظوری اولدیغنه بناء کاغد خانه صحراننده نصب خیام واول

محلده استراحت و آرام اولندی بعده ایکی سنه علی التوالی کفره ایله
محرار بهیه اقدام اولنوب داخل سورده اولان کفسار دوزخ قرارک
محاصره و تضییقه اهتمام اولنور ایکن جناب حضرت خالده
کون بکون ضعیفی مزداد و عزیمت دارالخلود پیورملرینک اماره سی
مستزاد اولدقده مشارالیه دام رضوان الله علیه حضرت تلی
سر عسکر بولنان یزید ایله خواص یارانلری نین زدعالیلرینه احضار
و بعض وصایا و احادیث کیمیا آسا بیانشد نصره اول وجهله
سرد گفتار پیوردیلر که مقتضای ضعفیم یار نکلی کون قبل باریه
عزیمتم تحقق ایتمک اولوب بالجمله سیزه وصیتیم اولد که بن
ذائق کأس ممات و وارسته قید حیات اولدیغنده داخل سورده
اولان کفره ایله محاربه اولورکن صفوف اسلام قنغی محلده قیام
ایده جکی تخمین اولنوب بنم جسمی انده دفین و قبرمک اوستنی
فرسلر بکرنک ایاقلریله تسویه ایدوب قبری دیدن ناسدن کین
ایده سیز که کرک کفره و کک سائر اعداء فخریه بنم جسمی
اخراج ممکن اولیه زیرا بو بلده عظیمه نك فتحیه موفق
اولان زمره نعم الجیشدن اوله مدیغم محقق اولمغله انلرک
باری انلرینک ایاغی التهنیده اولسون بولنوب انلرک اجرینه
نائل اولیم دیو ختم کلام و درگاه احدیه توجیه اقدام پیوردیلر
سن مبارکتری حقنده بر اثره ظفر یاب اولنه میوب لکن یتش ایله
سکسان یینی اولمق غالب الاحتمالدر وقتا که ایرته سی کون اولدقده
هجرت نبویه نك الی ایکنجی سنه سی خلاانده روح پرفتوحلری
عالم قدسه طیران ایتد کده اتفاق آرا ایله تکفور جانینه شومضمونده
خبر ارسال ایتدیلر که پیغمبریمک اصحاب کرامندن ومن جهة
الاسلام اهل توحیدک قدما سندن بر ذات ارتحال پیوروب

مطلب
ارتحال مشارالیه
الی دار البقا

وصبتی اوزره شومقامده نعشی دفن واخفا ایتمز مقرر اولوب
 اکبر بعد بعد انک قبرینه یاخود جسدینه بر سوء قصد
 ایتدی ککر مسموم و اوزر ایه فیمابعد اراضی عربده اصلا نافوس
 صدایی استماع اولمیه جغنی محقق بیلوب اکاکوره حرکت ایده سز
 دیدی پس بو خبر تکفوره واصل اولدوقده ایش ارلریله لدی
 المشاوره اذن دفنی مشعر خبر ورود ایتدکده لوازمات تجهیز
 وتکفیلرینه مباشرت ونعش عالیترینی مدفونری قبرینه نقله
 مبادرت و بعض روایاته نظر الان مواجعه سعادت پیشگاهنده
 اطراف شبکه ایله محاط اولان چنار اغاجلرینک محملده غسلرینه
 مسارعت اولوب صلاوة جنازه لرنده امیرجهش بولنان یزید امامت
 ایدوب مقتضای وصیتلری اوزره الان زیارتگاه عامه زوار اولان
 محملده جسد مبارک لری و دیعه خاکنمانند کلزار قلندی ودخی امام
 محمد علیه رجه الفرد الا حد حضرت تلرینک سیر کیرلری اوزرینه
 امام سرخسی حضرت تلرینک شرحنده مسطور و منیب افندی
 مرحومک شرح مزبوری ترجمه سنک دارالطباعة العامره ده
 طبع اولان نسخته نک طقسان سکر زنجی صحیفه سنده
 مطبوع و مذکور اولوب عبارته ترجمه تغییر یسیر ایله بو محملده
 کتب و تحریر و باب ثانی ختامه قدر مضمون ترجمه
 مزبوره نقل و تذکر قلندی حضرت مشار الیهک وقت
 احتضارنده یزید عیاده لرینه حاضر و بکامتعلق حاجتک وارمیدر
 دیوتطیب خاطر ایتدکده حضرت مشار الیه بلی واردرد دیوبدا
 کلام و بن فوت اولدیغنده بنی غسل وتکفیل ایدوب اگر مسلمینه
 زجت اولماز ایه نعشی بلاد کفاره کنوروب انده دفن ایده سز

دیو افاده مرام پیور دیلر حکم مزبور برامرواجب اولوب حضرت
 مشار الیهک بلاد کفاره نقل و دفنله وصیتلری صف اعدایه قرینت
 جهتیله مرابط ایکن فوت اولنلرک ثوابنه نائل یاخود کثرت زیارت
 مؤمنین ایله شهرتدن ابعد اولوب رضای حق واصل و زیارت
 قبورده یهود و نصارا عادت قیجدر یله زیارت ایدنلره و عید اوله رق
 وارد اولان احادیث شریفه یه ماصدق اولنلرک زیارتندن تباعده
 راغب و مائل اولق ایچوندر و مغازیده مذکوردر که حضرت مشار
 الیهک وصیت مشروحه سیله عمل و کیجه خفیه نعش مبارک لرینه
 تعیین مدفن و محل اولوب ناکاه اول کیجه قبرلندن سوی سمایه
 بر نور ساطع اعتلا و صعود و داخل سورده اول طرفه ناظر اولنلره
 منظور و مشهود اولوب فرداسی طرف تکفوردن الچی ورود و سبب
 نوری سؤال و ایچکردن فوت اولان کیم ایدی دیو استظهار حال
 ایتدکده اهل اسلامک سرکرده لری دیو سردمقال و اول فوت اولان
 پیغمبریمزک یارانندن و اهل توحیدک معتبرانندن بر ذات حمیده
 الصفات ایدی دیو حضرت مشار الیهک اوصاف پسندیده سنی
 سفیر مسفور و معیننده کلان کسان پرفتوره بیانده اکمال ایتدکلرنده
 داخل سوردن مشاهده اولنان نور کرامت و باعث هدایت اولوب
 مرسوم سفیر و همراهی اولان جم غفیر باجمهم شرف اسلام ایله
 ظاهر و باطنلرینی تنویر ایتدی لر نور الله تعالی ضریح مضیف حبیبه
 بالانوار السنییه وزاده قربا الی الحضرة القدسیه و دام علیه الرضوان
 الا کبر من قبل خالق البریه و نفعنا الله فی الدارین بشفاعته العلیه

(*) باب رابع (*)

قبر حضرت مشار الیهک فتح بلده در سعادت قدر نه کیفیت اوزره

اولدینگی و حین فتح بلده عظیمه قسطنطنیه ده مشهد معطر
حضرت خالدك ظهورینك كیفیتی بیاننده اولوب ایکی
فصل اوزرینه اوله رق باب ثالثه مماثلدر

(*) فصل اول (*)

اول حضرت کزیده خصلتک ارتحال قرب اله بیوردقلری وقتدن
تابلده معظمه در علیه منتخب سلاطین عثمانیه و ماصدق حدیث
لتفحقن القسطنطنیه ابو الفتح والمغازی سلطان محمد خان غازی
حضرت تلیک همت علیه لری وزمان سلطنتلرنده بولنان اولیاء
گرام حضرتاتک توجهات سنیه لریله ملوک آل عثمان ابقاهم الله
تعالی الی یوم المیزان حضرتاتک ایادی عالیله لرینه و دیعه آلهیه
اولنجیه قدر مشهد عالیلری حقنده زوایت اولنان بعض معتمد
علیهیم ذواتک نقول و روایاتی بیاننده در اجله اهل حدیثدن
ابوالفرج بن الجوزی حضرتلری صفوة الصفوة نام مؤلف
جلیلنده حضرت مشار الیهک ترجمه جلیله لرینی بیان
اثناسیاسنده قدماء محدثندن امام واقدی حضرتلرندن نقل
وروایت ایده رک اول وجهله سرد کلام ایدر لکه
ابوایوب الانصاری علیه رضوان الباری حضرتلری حضرت
معاویهک ایام سلطنتنده جانب رومه ارسال اولنان ایکی سریبهک
ثانیه سنده که امیر سریبه حضرت معاویهک اوغلی یزید ایدی
سنه هجریهک الی ایکنجی سنه سی عازم دارالسرور اولوب
صلاة جنازه لرینی سردار عسکر اولان یزید بعد الادا سور
قسطنطنیه یه قریب محمله جسد منورلری دفن اولوب طائفة
روم الا نمرقد حضرت مشار الیهی زیارتگاه و کندیلره بر مضایقه

عروض

عروض ایتد کده درگاه رب العالمینه توسلگاه اتخا ایدوب مستحفظلر
تعیینیه تعظیم واحترام وقبر شریف لرینی خار و خاشاکدن
تطهیر باینده کمال دقت و اهتمام اوزره اولوب بر مضایقه وقوعنده
تریه حضرت مشار الیهه تجمع و درگاه الهی یه حضرت مشار الیه
ایله توسل ایده رک عرض حاجات وتضرع ایدوب رجاء مطر
واندفاع انواع ضرر ایدر لریتمش چونکه سابق الذکر ابن جوزی
حضرتلری بشیور سکز سنه سی تولد و بشیور طقسان یدی
سنه سی عزیمت دار بقا ایتمش اولوب امام واقدی حضرتلری ایسه
سنین وفیره انلردن اقدام اولمغله اول اوانده هنوز قلعه قسطنطنیه
ایادی کفارده مقرر اولدینندن مومی الیهما حضرتاتی سما عا
نه مقدار تحیحینه ظفر یاب اوله بلدیله ایسه انک بیانیه اکتفا ایتشلردر
ائمه حدیثک متأخرینندن اولوب امام سیوطی حضرتلرندن
اخذ حدیثه موفق اولنلردن عبدالله شافعی انصاری حضرتلری
نفحات العیر الساری فی احادیث ابی ایوب الانصاری نام مؤلفنده
آنفاذک را اولنان قضیه بی نقلد نصرکه مختصر جامع نام کابیدن
نقل اوله رق بیان ایدر که قبر حضرت خالدك اوزرینه
تکفور طرفندن برقه بنا و درت عدد قنا دیل آویخته و تعیین
مستحفظ اولمغله امر تعظیبه اعتنا اولوب قحط وغلا و مصائب
سائر وقوعنده مشهد حضرت مشار الیهه درگاه رب العالمیندن
دفع مضراتی تضرع و رجایدر لری ایدی بعض روایتده حضرت
مشار الیه قادم جوار یزدان اولدقد نصرکه سکز سنه مقداری
دخی اهل اسلام اول حوالیده نصب خیام وآرهلوق آرهلق کفره
ایام ایله محاربه یه اقدام ایدوب هجرت نبویهک القش سنه سی

رجب شریفنده اول ملوک امویه اولوب اصحاب جناب رسالتیناهی
و کتبه وحی آلهیدن حضرت معاویه علیه رضوان ولی العافیہ
حضرت تلمی شام شریفده ترک دنیای دنیہ و قدوم جوار رب البریہ
بیوردقلرینک خبری جانب رومده بولنان اوردویہ واصل اولدقدہ
امیر سریه بولنان یزید پدیری مقامنه تصدی سوداسیله زیرواسنده
بولنان اهل اسلامی آلوب جانب شامه قافل اولنجه حوالی
قسطنطینیہ عساکر اسلامدن خالی قالمش ایدی اول اثناده
کفار غدر معتاد مرقد حضرت خالده سوء قصد ایتکی مراد
و اول نیت فاسده ایله برقاج اتمامی ارسال ایدوب انلر تعرضه مبادرت
ایتد کده بهری بر بلیه یه دو چار والری قوریوب مظهر
ادبار اولدقلری آشکار اولدقدہ داخل سورده بولنان کفره نک
عندنده دخی علوشان جناب حضرت خالد بدیدار اولوب ناچار
مشهد حضرت مشارالیهک تعظیم و احترامنه سعی بسیار ایتشلر
ایدی و دخی ظاهر بودر که فصل آتیده ذکر و بیان اولندیغی اوزره
حین فتح بلده معظمده مکاشفه جناب آق شمس الدین ایله
هویدا اولان سنک سفید تکفورک نصب ورکزی اولدیغی احتمالدن
غیر بعیددز روایت اخراده الا آن جانب قدم سعادتده فوران
ایدن آب زمزم نصاب اول وقت بدیدار اولوب اول آب مبارک ایله
خسته لرینه استشفاء اطراف و اکنافده اولان دیندا شلرینه شبشه
و ققمه لر ایله صندوقلره وضع ایدوب انخاف و اهدا ایدر لر ایدی
حضرت مشارالیهک قبر منور لرینک قبل الفتح اولان پیامندن بو
مقداره ظفر یاب اولمغله انک کتب و املاسیله اکتفا اولنوب تفصیل
احوالنه مطلع اولان محققیندن استعفا اولندی و العلم عند الله تعالی

(*) فصل ثانی (*)

حضرت خالد رضی عنه الفرد الواحد حضرت تلمی نک مشهد
منور لرینک حین فتح بلده معظمده کیفیت ظهوری بیاندده در
خفی دکلدر که مرور ایام و تداول شهور و اعوام ایله تربیه حضرت
مشارالیهک اوزرنده بنا کرده تکفور اولان قبه رسیدانهدام و حین
فتحده ظهوره کلان محاربه عظیمه و معرکه جسیمه ملاسده سیله
تراکم انقاض و احجاردن کلیا منتج انهدام اولوب سابقده ذکر اولنان
و صبتلری بو صورتله بودفعه اکیال و اتمام اولمش ایدی وقتا که
بلده معظمه در سعادت ابو الفتح و المغازی سلطان محمد خان غازی
حضرت تلمی نک همت و اقداملری و جنود موحدینک کمال غیرت
و اهتداملری و خاصه روحانیت علیه جناب سرور انام علیه الصلوة
و السلامک مزید اثار نصرت انجاملریله فتح مبین بلده طیبه هجرت
نبویه نک سکن یوز الی یدنجی سنه سی تفصیلی کتب توارینجده
مسطور اولدیغی و جمهله و من جهة الباطن دخی جانب شاه امردن
اعانه باطنیه ایله مأمور بیور بلان الشیخ محمد بن حزه آق شمس الدین
الپیرامی قدس سره السامی نک بالماکشفه اخبارلری وفقی اوزره
بعنایه الملائک العلام رسیدده حسن ختام و حصن مزبور ملحق
قلاع اهل اسلام اولدیغندن اوج کون مرورنده فاتح حضرت تلمی
جناب شیخ حضرت تلمیله بالخباره کیجه نک ثلث اخیرنده الا آن
اوق میدانی دیکله بنام اولان صحرای واسعه ده شیخ مومی الیهک
خیمه سنی تشریف نیتله حرکت و نزد خیمه شیخه وصلت بیوروب
شدت سواد لیل اولمغله کلن کیم اولدیغی معاینه اولمق عذیم
الامکان ایکن جناب شیخ کرامت رصین انوار قدسیه و معارفه

مطلب
حضرت مشار
الیهک قبر منور لرینک
ظهوری

روحانیه ایلہ امام المسلمین حضرت تلیزینک تشریف لری نی بالمکاشفه
تعرف و در عقب پیشگاه خیمه چیقوب پادشاه مشارالیهی انواع
نوازش و تطیب و معانقه ایدرک ابراز تألف و تعطف پیوروب
ذات جناب پادشاهی در آغوش ایدوب صدر مبارک لری نه ضم
والصاق ایلہ درون فاتحه اول رتبه تصرف پیوردیلر که فاتح
حضرت تلیزینک وجود لری لرزه ناک و قلب شریف لری تابناک اولوب
اول هیئت ذات فاتحن کلپا زائل اولینجه ذات فاتحی ارسال
پیورمبوب فاتح حضرت لری استفاضه انوار قدسیه ایلہ تنور
و تشریف پیوردیلر حتی فاتح حضرت تلیزینک قلمیده اشیک مزبوره
بر مقصد ارثا رسوء ظن اوله رق بر عقد اولوب شیخ نی صدق جبه
اول حال بندن کلپا ذاهب و اول عقده کمال استخیا و حسن
عقیده به منقلب اولدی پیوردق لری مرویدر بعده فاتح حضرت لری
حضرت شیخ ایلہ بالمعیه درون خیمه به دخول پیوروب معیت
پادشاهیده بولمان امر اباجهم دست شیخی تقبیل ایدوب بالجله
همه سنبه لری نه وصول بولدیلر بعده ابوالفتح حضرت لری وقت
فجره قدر جناب شیخله همنشین اولوب در رکعات قدسیه شیخ ایلہ
قلب شریف لری ترصیع و تزین پیوردیلر وقتا که افق سماءه فجر
صادق طالع و آثار انوار قدوم آفتاب جهانتاب لامع اولدقده
مربدان شیخن خدمت تأذینه مأمورا ولان بر ذات خوب صدا
تقرب وقت صلاتی ایدان و ندا و اذان محمدی فی تلاوته آغازه
تکبیر شهادتین ایلہ ابتدا و ترغبات حی علی الصلاة ایلہ شعار
اسلامیهی اعلان و نوای حی علی الفلاح ایلہ قلوب غافلیندن
حک و از اله صدا و ترجیع بند الصلاة خیر من النوم ایلہ دیده

بصائر

بصائر دل عشاقی واله دار انوار هدا و در کاه تکبیر یزدان ایلہ
تکر بر ذکر خدا ایتد کده درون و بیرون خیمه ده صفوف تشید
وسنت فجر لدی الادا اقامه فریضه به ترقب و ترصد اولوب اقامت
سنت جلیله سی اجرا اولندقدده شیخ کرامت آیات امام المسلمین
وسائر جماعات موحدینه بالنفس امامت و کمال خشوع و خضوع
ایلہ اداء فریضه پیورد قد نصکره بر مقتضای سنت نبویه جانب
جماعته اقبال و مقتضای طریقت لری اوزره اوراد شریف لری نی تلاوته
اشتغال پیوروب اول اثناده فاتح حضرت لری دخی رکبه لری نی شیخک
دیزلرینه الصاق پیوروب استفاضه توجهات سنیه به استعجال
پیوردیلر وقتا که اوراد شریفه رسیده حسن ختام و اعلان فاتحه
شریفه ایلہ مجلس واصل انبیا اولدقده فاتح حضرت لری بدأ کلام
و جناب شیخه شول وجهله افاده مرام پیوردیلر که اجله صحابه
کزیندن مهماندار رسول خدا اولان ابویوب انصاری رضی
عنه الخالق الباری حضرت تلیزینک مرقد منور لری نک سور
قسطنطنینیه به قریب محلیه اولدیغی کتب توار بخنده منظوم
اولغله اول ذات سمنی الصفاتک مشهد معطر لری نک محلی تعیین
و اعلام اولمنشی خاصه التماس واستعلام ایده رم اول وقت
شیخ پرمکین جناب آق شمس الدین حضرت لری بلا توقف فک
دهان و شوقار شویقاده طاع اتکنده بر نور مشاهده ایده یورم
اول مقامده اولسی نمایاندر دیو جناب فاتحک التماسنه مساعد لری نی
بیان و در حال پادشاه مشارالیه ایلہ بالمعیه اول موضعه وار لغه نیت
ایتد کلر نی اعلان پیوردیلر وقتا که مشاهده نور پیوردق لری
محله وارلدقده الان زیر قبسه والاده زیارتگاه خواص و عوام

اولان موضع مقر انوار اوامعه قیام ویدارنده اولان عصا
باش پاره سنی جبهه لرینه وضع ایدوب اتکاید رک مدت مدیده
انسلاخ ایله آرام وتوجه و مر اقبه به اقدام بیوروب بعده جناب
فاتحه بیوردیلر که روح حضرت خالد ایله روح ملاقی اولوب
اولا فتح بلده معظمه بی تهنیه ایله اظهار مسار و ثنیا سببیکر
عند الله مشکور اولسون بنی ظلمت کفر کافر اندن تخایض ایتدیکر
دیو پادشاه اسلامه و جیوش موحدینه دعاء خیر لرینی نثار بیوروب
قبر مبارک لری دخی شو موضع اولسی درکار در دیواییکی چنار
دالی الوب دست مبارک لریله برینی جانب رأسه و دیگرنی جانب
قدمه رکز و نصبله قبر جناب مهماندار رسول کبریای سعادته
تعیین و آشکار بیوروب بالجمله قرار کده اهلرینه عودته ابتدار
بیورلدی وقتا که اخشام اولوب پوشیده ظلام عالمی اختفایه
ابرام ایتد کده جناب فاتح شیخ مشار الیهک بیان و تعیینه
هر نقدر ربط قلب ایتدیلر ایتدیه اثار شکک کلیالاله سنی قصد
واضمار و اول کیجه خفی اوله رق سلحدارلق خدمتله شرفیاب
اولان بنده لرینی بعث و تسبیح و جناب شیخک نصب ایتدیکر
چناردالارینک وسطنه کندو پر مقلنده اولان خاتمی دفن ایدوب
اول دللری یکر می خطوه مقداری جانب قبله به نقل ایلمک
باننده فرمان عالی لرینی اصدار بیوروب اغای مومی الیه دخی
مقتضای امر منبئی ادایه ازل و جان ابتدار ایلدی پس
سوادلیل منجلی و عالم اسم نور ایله متجلی اولدقده جانب فاتحندن
حضور شیخه تکریر تعیین قبر حضرت خالد ضمیمه خبر واصل
اولوب حضرت فاتح بالجمله خدمه و توابعلریله وقت معینده قرب

ترتبه حضرت خالده غریمت بیوروب جناب آق شمس الدین
حضرت لری دخی امر پادشاهی به امثالا اول محلی تشریف
بیوردقندن سلحدار اغانک نصب ایتدیکر چناردالارینک اولدیغی
جانبه اصلانکاه بیورمیوب طوغری محل قبره نقل اقدام و دللر
مخلندن نقل و تحویل اولمش اشته قبر جناب حضرت خالد
بو محله در دیو بالبداهه فتح کلام و خدمه جناب فاتحه خطابا
سلطان حضرت لرینک مهرنی اخراج ایدوب ذاتلرینه تسلیم
ایلمک دیو سلحدار اغانک خفیه دفن ایتدیکر خاتم پادشاهی بی
دخی مکاشفه ایله لدی التعریف ملا ناسده حقیقت حالی اظهار
و اعلام بیوردیلر اول وقت جناب حضرت فاتح تکرار کلامه آغاز
و جناب شیخه شول وجهله عرض نیاز بیوردیلر که الان
قلبدن شک و شبهه کلیا زائل و کشف کرم صحت و اصابتی عنده
حدیقینه متواصل اودای ایتدیه ده کمال اطمینان حصول چون
بر علامت ظاهره دخی اظهار واره بیورسکر که علم مرتبه
علم البقیندن درجه عین البقینه متحول اوله اول زمان حضرت
جناب شیخ کرامت آب جانب رأس قبر سعادتدن ایکی ذراع
مقداری حفر اولند قد ه اوزرنده خط عبرتیه (هذا قبر
خالد بن زید) دیو منقوش بر سنک سفید ظاهر و بنم کشفی مؤید
و مستظهر در بیوروب فی الواقع محل مزبور ایکی ذراع مقداری
قازلدقده جناب شیخک تعریفنه مطابق اوله رق بر رخام ایض
بدیدار و اول خطی یلور بر کپسه بولدیروب نقش بحری خبر
شیخه موافق اوله رق قرائت ایتد کده مکاشفه حضرت شیخ
من کل الوجوه آشکار و جسد جناب حضرت خالد ک

محل مزبورده او لدیغی ازهر جهت کالشمس فی وسط النهار ظاهر
اولد قده سلطان محمد خان غازی حضرت تلی و اله و حیران
وجسد مبارک لری لرزان اولوب اول مرتبه حال غلبه ایتدیکه اگر
معیت علیه لرنده بولنان مقربان طوتمسه لر زمینه قعود درجه سته
پیوسته اولملری درکار ایدی بعده ذات درایت آیات فاتحدن اول حال
زائل اولد قده بیوردیلر که زمان سعادتدن بو آنه قدر بر پادشاهه
نصیب اولماش اولان فتح بلده قسطنطنیه دن زیاده زمان
سلطنتده ایکی ارشون زیر زمینده اولان حجری مکاشفه ایدن برولی
بر کرامتک وجودی و بنم انکله مقارنتم متن نامعدودی حقیده
باعث افتخار اولمشدر اول وقت سالف الذکر سلحدار اغا خاکپای
حضرت شیخدن لدی الاستعفا اکر امر یکز اولورسه چنار شاخ لری
ینه قبر سعادتک سرو پای جانب لری نه نقلله امر شریف کزه اقتفایده یم
دید کده جناب شیخ شفقتآب اول دالیر دخی سالتک اول محلمده
تبرکک اولسون دیو قلب محزوننی تطیب و بویوزدن اول محلی
ناسک کشت و کذارندن محافظه بی تنسب بیوردیلر چونکه بالاده
داخل صحایف رساله اولدیغی اوزره محل مزبورده حضرت خالد
علیه رضوان ربه متوارد حضرت تلینک جسد منور لری غسل
اولمغله جناب قادر و قیوم اوبله بر ذات مکر مک جسد مکر مند
تقاطر ایدن آبک محانی دخی بو وجهله پای ناسدن حراست و اسباب
کونا کون ایله نیجه حکم خفیه سنی ارباب تدقیقه اعلان ایله
اظهار کمال قدرت بیوروب ادعاء دقت و عرفان ایدن ساده دلانی
مظهر عبرت و حیرت بیورر الا آن جامع شریف حواله سنده
مواجهه پنجره سی پیشکاهنده اطراف فی شب که ایله محاط

اولوب ذروه لری بری برینه کسب ارتباط ایدن جسیم
چنار اغا جلری آنلردر دیو روایت اولمغله اول محله وضع قدم ایتوب
تعظیم و احترام ایتک لازمه احتیاطدر نفعا لله تعالی بانفاس
اولیاته الکرام و جمعا وایاهم فی دار السلام بحرمة حبیبه سید الا نام

(*) باب خامس (*)

سلاطین ماضیه عثمانیه متهم تعالی فی قبورهم بالنعم الجنانیه
حضراتدن اول بقعه پرانوار ساطعه به کمال تعظیم و احترام
ایدرك قاج پادشاه دل آگاهک موفق اولدقلری خیرات و مبرات
قارعه سمع فقیر و مشاهد دیده عاجز بر تقصیر اولدی ایسه
انلرک بیاننده اولوب بو بابده دخی ایکی فصل حاصلدر

(*) فصل اول (*)

جناب فاتح در علیه و ناصر شریعت محمدیه غازی سلطان
محمد خان ثانی علیه رحمة منزل السبع المثانی حضرت تلینک
زمان معدلت عنوانلرندن تاجناب مؤسس قوانین اولان غازی
حضرت سلطان محمود خان ثانی علیه مزید المغفرة من ربه العلی
حضرت تلینک زمان امانلرینه قدر سلاطین عثمانیه ان علیهم
رحمة الملك الدیان حضرت اتندن قاج پادشاه دل آگاهک مشهد
جناب حضرت خالد علیه رضوان من الله متوارد حضرت تلینک
کمال تعظیم و احترام بیوره رق موفق بیورندقلری خیرات و مبرات
و ارایسه انلرک بیاننده در (اولا فاتح سلطان محمد خان علیه الرحمة
والغفران حضرت تلی بعنایة الملك الدیان بلده معظمه در سعادت
فتح و تسخیر و قلعه در سعادت قلایع اسلامیه به الحاق ایله
ما صدق فلانعم الامیر بیور لدقلرنده بالاده بیان اولدیغی وجهله

مطلب
زمان فاتحدن
عصر محمود خان
ثانی به کنبه
سلاطین عظامک
اول محله خیراتی
پیان ایدر

مرقد منور حضرت خالیدی مرشد پرمکین الشیخ آق شمس الدین
 حضرت تلیزینک علی طریق المکاشفه تعیین و اخبار لر یله تیقن
 و قرار کیر بیوردقلرندن الی سنه هرورنده حضرت مشارالیهک
 قبرانورلری اوزرینه اطراف صوم طاش دیوارلی برقبه عالیله
 بناسی خصوصنه امر جناب فاتح تعلق ایتدکده الان مبنی
 اولان قبه بالانک بناسی باینده اول وقتده بولان معمارانک رایلری
 اولوجهله قرار کیر اولدیکه محل قبر شریفک ارضی مقتضاسیجه
 اولاقبر شریفک فوقه تخمینا اوج ذراع ارتفاعنده برقبه صغیره
 رصبنه بنا و بوجه بالامکاشفه جناب آق شمس الدین ایله بدیدار
 اولان سنک سفید داخل قبه ده یته جانب رأس شریفه نصب
 وارسا و باب سابقده بیان اولنان آب مانند تسنیم دخی یته فوران
 ایتکله انک جمعی دخی بر حسن صورتده تحت الارض بر کار کیر
 محل علاوه سیله دیوار اراسنده آنه رق متانت و رصانته اعتنا
 بعده قبه کبیره مرتفعه تشید و انشا اولنه پس منوال مشروح
 اوزره تأسیسینه اهتمام و درون و بیرون طاش اوله رق مثن الشکل
 تأسیس حیطان و ذروه سنه قبه عالیله تدویر یله علی وجه الاکمال
 اتمام اولنوب قبه صغیرهک فوقه دخی اطراف اربعه سی سنک
 هر مردن مصنوع و اوستی اخشاب ایله مسنم و مطبوع صندوقه
 سعادت انشا و اوزرینه پوشیده اورتیلوب اطرافنه در سعادت
 و غیریده الان جمله نک معلومی و مشاهدی اولان سلاطین
 عظام تربه شریفه لری مثلاً و بر ذراعدن زیاده جه ارتفاعده
 مصنع پر معلق وضع اولنوب و تعلیق قنادیل موجهه التیجیل
 و اطراف صندوقه ده محل زیارت اولان امکته یه فرش حالی

و حصیر

و حصیر ایله لوازمات بنا تکمیل اولوب وظیفه معینه ایله برقاج
 مستحفظ دخی تعیین بیورلمغله ایفاء مراسم تعظیم و احترام
 کاله توصیل قلندی بوندن باشقه تربه شریفهک جانب قبله سنه
 بهری بر شرفه لی ایکی مناره لو بر جامع عالی و معبد شریف
 ایله تربه شریفه یکنده اولان حولینک یمن و یسارینه بهری
 ایکشر طبقه اولمق اوزره حجرات نادیده و قرب جامع مشارالیهده
 بر عمارت پسندیده وینه اول جوارده بر جام و بیوت و دکا کین
 عیدیه بنا و انشا اولمق باینده امر و فرمان جناب فاتح
 صدور ایدوب اوقات جلیله تنظیمیله خدمه جامع انور
 و چار و بکش مشهد منور و بلده حضرت مشارالیهک
 اها لیسندن فقرا و ضعیفا بنده لری عمارت عامره ده طنج اولنان
 نان و طعام ایله خندان و مسرور بیورلدی حجرات مذکوره ده
 جناب شیخ آق شمس الدین حضرت تلیزینک مریدان مخلصان لر یله
 اسکان و جامع مشارالیه دخی ذاتلرینه منسوب اوله رق زاویه
 اعتبار اولنوب شب و روز اشتغال ذکر یزدان بیورلمرینی جناب فاتح
 جانب شیخدن رجا کویان اولدیله ایسه ده جناب شیخ اراضی
 قسطنطنیه ده الحاله هذه رایحه کفرک بقیه سی استشمام اولمغله
 حضور قلمه نقصان ترتب ایتدی دیو فتح اسان و وطن اصلیلرینه
 رجعت باینده جناب امام المسلمیندن استیذان بیوروب وطنلرینی
 تشریف و انده استیطان بیوره شلردر روایت اخرا ده جامع شریف
 و تربه لطیفهک بنالری تکمیل و مراسم تجیل درجه غایبه توصیل
 اولندقد برجهه کیجه سی جناب فاتح کافه وزرا و مقر بانلر یله
 تشریفه همت و شیخ آق شمس الدین قدس سره الملک المعین

حضرت تلمی دخی مریدان لریله بالمعیه قدومه رغبت بیوروب صلاة
عشایی جامع شریفده جماعتله بعد الاداتر به شریفده لاجل
الزیارة انواع تعظیمات و تکریمات ایله تشریفه مبادرت اولوب
بامری پادشاهی اول وقتده جامع شریفک امامی بولنان ایکی
نفر داعیلر تر به شریفه نک جانب رأسنه قعود و بر سوره ملک
تلاوتیله حضار مجلسی مظهر انس و سعود ایدوب عقببنده امام
اول بولنان کیمسه برقاج فقره عربی دعا بعده جناب شیخ آق شمس
الدین فارسی العبارة قبول دعا واسترضاء جناب خدا و روح پاک
جناب محمد مصطفی علیه صلوات ربه المولی و سلامت پادشاه اسلام
و توسل روح مهماندار سیدانام و سلامت حاضرین و حجاج مسلمین
رجاسنی حاوی و سائر دعوات خیریه بی محتوی بر مختصر دعا ایله
تضرع درگاه قاضی الحاجات و ختامنده اعلان فاتحه شریفه ایله
بخش صفایی غایات بیوروب الآن اول هیئت مستحسنة اوزره
رسم زیارت بهر لیله جمعه ادا و جناب شیخک دعاسی ادا سنده
اوله رقی دعا جلیق خدمته متصرف اولان کیمسه خدمت دعایی
اجرا ایتکده در بعده یک یوزیکرمی سنه سی حدودنده صدر
اعظم اسبق بولنان چور لیلی علی پاشا مرحوم بر جمعه کیمه سی
زیارت کلوب اول مجلس پراننده حاضر اولدقده کمال محظوظیندن
بهر لیله اتین دخی تر به شریفه نک کشاد اولسنی مراد ایدوب
سلطان احمد خان ثالث علیه رحمة ربه الباعث حضرت تلمندن
لدى الاستیذان کندو وقفندن لازم کلن خدمهیه وظائف تعیین
و بهر بازار ارته سی کیمه لری تر به جناب حضرت خالدک کشاد ایله
قلوب زوارانی تنشیط و تزین ایدوب الآن اول رسم مستحسن

دخی ادا و اجرا اولمقده در ودخی سلطان بایزید خان ولی علیه
رحمة ربه العلی حضرت تلمی عالم منامده بر رؤیای عجیبه مشاهده
واول وقتده بولنان مشایخ و علمایه اول رؤیای تعبیر باینده امر و اراده
بیوروب مقتضای رؤیا قریباً بر عظیم غزا وقوع بوله جق
اولوب اول غزاده صحابه کزین بیننده ممتاز و مهماندار پیغمبر یلک
مظهر امتیاز بیوریلان ابوابوب الانصاری دام فی رضوان الباری
حضرت تلمینک امداد روحانیت علیه لری و اعانت اسرار سنیه لری
مستفاد در دیو بر حسن ظن بیوردق لری ذات ستوده صفات
طرفندن افاده اولندقده پادشاه مشارالیه تواردت رحمة الله علیه
حضرت تلمی بوباید بر حسن تدبیر همت و بالجملة علما و مشایخ
و کافه قرنار لیه تر به جناب حضرت خالده عزیمت و خزینه
همایونده و دیعه جناب خیر الفاتحین اولان سیوف مبا که دن بر یسنی
تقلید ایله روحانیت جناب حضرت خالد ایله توسل درگاه احدیت
واول مقام زیارتگاه ملائکه عظامده جناب ارحم الراحمیندن طلب
نصرت و استرجاء فوز و ظفر و اعانت بیوردیلر فی الواقع چوق
کیموب در سعادت و اطرافنده قبول جزیه ایدن کفره طغیان
واهل اسلام ایله حربی اعلان ایدوب بعنایة الملك الرحمن در عقب
طرف سلطنتدن سوق عساکری پایان اولوب مرسومونک اکثری
ایضال قهرنیران و بقیة السیوفی جانب سلطنت سینه دن استیمان
ایتدکده آثار امداد روحانیت شفیع روم نمایان و روح جناب زبده
انصاره انتساب پادشاه مشارالیهک تحقیق مستبان اولوب الآن
پادشاه مشارالیهک در سعادتده موفق بیوردق لری جامع شریفده
خطبامنیره سیفله ترقی ایتدکلری بوقصه یه دلیل و برهان و سلاطین

آل عثمان ابقاهم الله الى يوم الميزان حضرتك سرير سلطنت
 سنيه جلوس همايونلری عقيدنده مشهد منور حضرت ابا ايوبده
 تقلد سيف بيورمق قاتون محاسن مشكوفى عادت موروثه جناب
 بازید خان ولی اولديغی بوقصه دن مبرهن وعياندر سلاطين
 عظام عثمانیه دن سلطان مرادخان ثالث عليه رحمة به الباعث
 حضرتلری روحانيت حضرت خالد رضى عنه ربه الواحد
 ازدیاد انتساب نیت خیریه سیله حضرت مشارالیه نسبت ايله
 اثر جلیل جناب فاتح اولان وقف شریفك وقفیه سی تجدید اولوب
 ایراد ومصارف وقف شریف یکیدن تنظیم وتشیید وظائف
 خدمه حضرت مشارالیه نوجهله اولديغی تأسیس وتأكید
 اولنديغی ضح وبالاتی پادشاه مشارالیهك طغراسیله متوشح عربی
 العبارة برقطعه وقفیه الان تربیه شریفه در وننده دلاب ایچنده
 مانددرمکنون محفوظ ومخزوندر وقتا که یک بش سنه سی خلانده
 سلطان محمدخان ثالث عليه رحمة الباقی الوارث حضرتلری
 اگری قلعه سنی فتح وتسخیر وکفار خاکساری بعناية القوی
 الغالب پریشان وتدمیر بیوروب اول غزاه اکبرده اعلاء شریعه محمدیه
 واعتلاء دولت علیه عثمانیه لایقیله حصوایدیر اولدقدن صکره همراه
 غزاه موحدین اولان علما ومشایخ وسائر خدمه دولت ابدیه ايله
 در علیه ومقر خلافت سنيه بی تشریف سعادت ردیفلری آثار
 حسن توجهات سرسرورانام وبرکات انفاس اولیاء اولديغی مالا
 کلام اولدقدن پادشاه مشارالیه دامت رحمة الله علیه حضرتلری
 اول غزاه اکبرده مستحیلری اولوب کفار خاکسارک تشنت
 وادبارلرینک سبب اعظمی اولان لواء سعادت احتوای سرور

کائناتی

کائناتی اشرف بقاع روم اولان تربیه جناب حضرت خاندن تبرکا
 وتیمنا کمال تعظیم وتوقیر ايله وضع بیورمق روحانیت مهماندار
 رسول کبریایه درکار اولان انتسابلریخی استزاده وعلم لواء شریفه

نظم (واقف این علم شمس نهاد)

(عبد داعی محمد بن مراد)

بیتی حک وترسیم اولمغی فرمان بیورمغله ذات ممتاز انصاره ربط
 فؤاد بیورمغله ایکی قطعه لواء شریف بیک یوز قرق اوج
 تاریخنه قدر جانب رأس مشهد حضرت خاندن منصوب وموجود
 اولوب زمره زوار زیارتلریله مشرف ومسعود اولورلر ایکن تاریخ
 مزبورده ناره فتنه اهل طغیان اشتعال ایتدکده طائفه عامیه
 طرفندن اول رایه واجب الرعایه تصدی اولمغی احتمالیه مبنی
 تربیه دار بولمان کسان درایتکاران اول لواء بی همتاری رسنلرندن
 اخراج وبربوچیه در وننه ادراج وبعد المغرب بحراسرای معلایه
 واروب افاده سی لازم کلنلره تسلیم ايله مضایقه دروندن تخلص
 وانغراج ایدوب الان ایکی قطعه رسن متمین وغلاف لواء شاه
 بطحاء وعین تربیه حضرت خالدک جانب رأس سعادت زوار تکاء
 زوار ذوی الایته اجدر بعده سلطان احمد خان اول علیه رحمة
 ربه الاجل حضرتلری قطب العارفین ملاذ السالکین الشیخ هداپی
 محمود افندی قدس سره العالی حضرتلرینک سوق ودلاتلریله
 جانب مهماندار رسول کبریایه میل ومحبت کامله بیوروب روح
 پرفتوح حضرت مشارالیه قصدا انتساب و تعظیم تربیه شریفه لریله
 اجر بی حصرا کتساب بیوروب بیک اون التی سنه سی حدودنده

درون قبه عاليه نك ديوار لری چینی ايله تزیین و قیونك
اطرافى مرمر ايله تزیین و زمان فائحه صندوقه سعادتك
اطرافنه وضع اولنان پرمقلغه بدل بر قامه دن زیاده جه ارتفاعده
عروسكله مزین رسن مستحسنلر وضع وارسا ویدنلری سیم
خالصدن مصنوع تللرایله مشبك برشكك دجلوانشاوسیم اوله رق
قنادیل عدیده تعلیقيله تریبه حضرت مشار الیهك تنظیمه
اعتنا اولنق بابنده امر و اراده سنیه لری صدور ایدوب بر وجه
اکل مقتضای امر منیف لری اوزره خصوص مزبوره صرف
مقدور اولندی بیک یکریمی بر سنه سی حدودنده خارج قبه
سعادتده الان مدخل خواص وعوام اولان باب کیر وداخلنده
اوزن یول و جانب قبله ده قدم شریف پیشگاهى و خاتونلر
مسجدى مجددا بنیاد و بیرون تریبه شریفه یه ضمیمه انشاد
و مواججه پنجره سی و باب صغیر کشاد و باب صغیر اتصا لنده
سبیل دجلوانشاسیله عطشان زوار مسرور و شاد بیوریلوب
اتمام بناده پادشاه مشار الیه حضرتلرینه خاص اوله رق تهیه
اولنان مقصوده دخی تربدارینه عطیه و احسان بیوریلرب نو بنده
بولنان تریبه داران فصل آئیده ذکر اولنان تعمیر ثانییه قدر آنك
اوزرنده قعود و در قبه سعادتده توجه ايله کسب فیوضات
نامعدود ایدر لرایدی و عصر بازید خان ولیده نشانیلیق
منصبیله بکام اوایوب کچدی مددشاعر روم تار بخنده دفتر عمری
اختتام و قرب تریبه حضرت خالده ترقب روز قیام ایدن
احمد بکك قبری درون سقفه آلتق ناچار لازم کلمکله مرحوم
مزبور ك قبری الان باب صغیر داخلنده مشهود خواص

وعوامدر واول وقتده دار السعاده الشریفه اغاسی بولنان
الحاج مصطفى اغا دخی قرب مشهد حضرت خالده دفنی
خصوصی وصیت ایدوب عصر عثمان خان ثانیده انتقال آخرت
ایتدکده سبیل سالف الذکر داخلنده منتظر روز قیامت
اولشدر و دخی سلطان عثمان خان ثانی شهید علیه رحمة ربه
المعید حضرتلری بیک یکریمی یدی سنه سی اوائلنده سریر
خلافتنه جلوس بیورد قلرنده مادر محترمه لری مشهد منور حضرت
خالده باب کیری اتصا لنده بر جزء خانه دجلو بنیاديله قرب
تریبه حضرت مشار الیهی تزیین و سلطان احمد خان اول
حضرتلرینك وقف شریفلرینه الحاقا تنظیم بیورد قاری وقف
شریفلری محصولندن قدر کفایه جزء خوان و خدمه سارینه
وظائف تعیین بیوروب الان تریبه شریفه جوارنده اوستی
سقفله مستور تریبه مخصوصه ده مشار الیهها حضرتلری جناب
مهماندار سر لوحه ابراره همجوار اولمشدر در * وقتا که
سلطان مراد خان رابع علیه مزید الغفران متابع حضرتلری
قلعه بغدادی غلایه روافض یدندن تخلص نیت خیریه سبيله
اول صوبه عزیمت بیور دقلرنده اگر فتح بغداد منیسرا ولورایسه
جامع حضرت خالده منبرینك علمى سیم خالصدن صیباغت
ایتدیره یم دیوقلب شریفلرنده اضمار و اخفاو بعناية الملك الغالب
دخواهری اوزره فتح بغداد و فتوحات بی تعداد ايله مسرور
وداشاد اوله رق در سعادتى شریفلرنده نذر عالیلرینی ایفایوروب
الان منبر جامع حضرت خالده علمى اول پادشاه مغفور ك اثر
مصفا لیدر و بنه سلاطین گذشته کاندن سلطان ابراهیم خان

اسكنه الله تعالى في غرف الجنان حضرت تلي دخی بيك الی ایکی
سنه سی حدودیده روح پرفتوح حضرت خالده قصدا انتساب
واوایاده شویله تشبث اسباب بیوردیلر که صندوقه شریفه نك
رأس و قد می جانبینه سیم خالصدن ایکی عدد کبیر شمعدان تقدیم
واو زر زینه نام عالی برنی حک و ترسم بیوردوب فصل آتیده ذکر
واملا اولنان تعمیر جسمه قدر موملری محفظه ایچنده مستور
اوله رق عینیه اول شمعدانلر سر و پای تربه شریفه ده مشهود
وموجود ایدی بعده غازی سلطان احمد خان ثالث علیه رحمة
من ابدع الحوادث حضرت تلی نك زمان سلطنتلرنده تفصیلی کتب
تواریخده مبین ومسطور اولدیغی وجهله بردفقه قرأت مولدنبوی
رسم عالیسی حسب الاقتضا جامع حضرت خالد علیه رضوان
المعز الممدده اجرا اولوب اول وقتده ایاصوفیه شیخی بولنان فاضل
سلیمان افندی جامع مشارالیه کرسی سنده قبل قرأة لمولد الشریف
وعظ وتذکیر وجناب حضرت خالده مرویاتندن بر حدیث
شریف نقل وتفسیر ایدوب بعد المجلس پادشاه مشارالیه زیارت
نیت خیریه سیله تربه شریفه یه قدوم وتواصل ودرگاه جناب
خیر الفاتحینه روحانیت زبده انصار ایلده توسل ودرون تربه
شریفه ده موضوع اولان مصاحف شریفه لک برندن خصوص
سفره دائر نفال بیوردوب کندو دست عالیله مصحف شریفی
کشاده همت وصحائف مصحف شریفه دیده مبارک رینه سورة
توبه ده (لا تحزن ان الله معنا) آیت کریمه سی تصادف ایتمکله
کسب مزید بشارت بیوردیلر فی الحقیقه اول سنه مبارکه متپنده ده
پیام فتوحات جلایله توارد وقلوب موحدینده صفایا وسرور

تراید

تراید ایچنه پادشاه مشارالیه روح پرفتوح جناب مهماندیری یه
اولان ربط قلبلری قات اندر قات متراید اولوب مصحف شریفک
اول صحیفه سنك هامشنه قال خیر لفظی کتب و تزییر و صحیفه نك
بالاسی آتون ایلده مخصوص سرلوحه ایلده تزیین وتوقیر بیور لمق
باینده امر و اراده لرینی تصدیق بیوردوب الان اول مصحف شریف
صندوقه سعادتک چنبنده موجود و اثر پادشاه مشارالیه منظور
ومشهود در (وینه پادشاه حضرت مشارالیه او اخر سلطنتلرنده
جامع شریف جوارنده کائن دکا کین بقضاء الله تعالی محترق اولمق
ملا بسه سیله جامع شریفک محفل همایون جانبی دخی رخنه دار
ووهن کلی طریانی بدیدار اولوب اقتضاسی وجهله تعمیر اولندی
ایسه ده بنا کرده فاتح اولان مناره لک رک حریق مزبور دن وکرك
بيک یوز بر سنه سی ربع الاخری اوائلنده وقوع بولان حریقندن
کلیا خراب وانهدامی بی ارباب اولغله اول وقتده وکالت سلطنت
کبرایله شرفیاب و داماد شهر یار یلک ایلده رخصت کامله یه رهباب
اولان ابراهیم پاشا مرحوم طرف پادشاهیدن لدی الاستیذان بیک
یوز اوتوز الی سنه سی حدودنده وزیر مشارالیه طرفندن مناره
مزبوره لاساسندن هدم وافنا والیوم موجود اولان بهری ایکبشر
شرفه لی مناره دلکشالرا نشا و بنا اولندی (وقتا که سلطان محمود
خان اول علیه رحمة من لم یزل حضرت تلی سریر سلطنت کبرایه
قعود بیور دقلرنده سابقده بیان اولندیغی وجهله لواء شریف
سعادت ردیفک سرای معلایه نقل اولندیغی حضور عالیبرینه
عرض وانها اولند قده روح جناب حضرت خالده قصد
انتساب وخدام وزوار حضرت مشارالیه دعوات خیریه سنی

مطلب
تجدید مناره

مطلب تزییده
اثر قدم شریف
وضع اولندیغی

استجلاب نیت خیریه سنه مبنی خزینة هما یونده محفوظ اولوب
 اثر پای حبیب کبریا اولان سنک بی همتانک تربه حضرت خالده
 وضع اولمسنی امر وفرمان پیوروب یک یوز قرق درت سنه سی
 اول رسم قدم فخر عرب وعجم الان زیارتگاه اولان محله وضع
 وترصین ولاء شریفک بدلی اوله رقی حضور حضرت مهماندار
 پیغمبری تنویر و تزین قلندی (وینه سلاطین آل عثمان دن سلطان
 مصطفی خان ثالث علیه رحمة من لم یکن مما ثللا للحوادث
 حضرت تلیرنیک زمان سلطنت تلیرنیک یک یوز یتش طقوز سنه سی
 اواخرنده بقدره الله تعالی وقوع بولان زلزله عظیمه ده
 جامع حضرت خالده محراب صفه سنک حیط سانه وهن کلی
 طاری اولغله تعمیری باینده برمه قضاای امر عالی وقف حضرت
 مشار الیهک متولسی بولسان درگاه عالی قیوجی باشیلرندن
 الحاج مصطفی اغا نام بنده لری معرفتیه جامع شریفک محراب
 صفه سی دیوارینک تعمیری خصوصنه لایق بیل اقدام و پیشگاهنه
 درت عدد متین ایاقلر وضع و بنیاد بیل تقویتنه اهتمام اولمشدر
 (حتی صلاة ظهر وعصر وصلاة فجر عقیلرنده ائمه داعیلرینک
 مواجهه شریفه برمه تاداد البتد کیری دعای ابتدا سابق الذکر
 الحاج مصطفی اغا وضع ایله روح حضرت ابی ایوبه اول دخی بو
 وسیله ایله محبت وانتسابی تبیین و کندونک تنظیم ایتدیکی وقفندن
 وظیفه تعیین ایلشدر (ودخی جنتیمکان خلد آشیان غازی سلطان
 عبدالحمید خان علیه رحمة الملك المنانک اواخر ایام سلطنتلرنده یک
 یوز سنه سی ماه صفر الحیرک یدنخی جمعه کیجه سی ساعت بش
 ضورنده فی الاصل حولی جامع شریفه بنا کرده جناب فاتح

اولوب

مطلب
 سلطان مصطفی خان
 ثالث حضرت تلیرنیک
 خیر لری

مطلب
 سلطان عبدالحمید
 خالک اثر جیلاری

اولوب اسکله قیوسی طرفنده اولان حجر اتدن جانب تربه شریفه دن
 ایکنی حجره دن بقضاء الله تعالی آتش ظهور و حجرات سارهیه
 سرایت ایتیبون انجیق بر حجره کلیه اعدمه عبور ایدوب جانبینی مظهر
 حفظ خیر الحافظین و داخل محفظه رب العالمین اولوب بر قاج
 کون مرورنده پادشاه مشار الیه زیارت تربه شریفه ضمیمه
 تشریف و قلوب خدمه بی تطیب و تلطیف پیور دیلر ایلسمده
 بعدا زین تربه معطره نک امر محافظه سنده احتیاط لازمه دن
 اولدیغی مرحوم و مبرور حضرت تلیرنیک قلب شریفلرینه خطور
 و درون قبه سعادتک الی عدد پیچر لری و باب داخل تربه نک
 قیوقنادلری توجدن مصنوع قلمیق باینده امر عالی لری صدور ایدوب
 بروفق امر پادشاه مشار الیه شش روزن قبه و در ملجأ زوار ذوی
 المحبه حسن صورتده توجدن مصنوع وسنه مزبوره جمادی
 الاخره سی غره سنده محله موضوع قلنوب پادشاه مشار الیهک
 جانب روحانیت حضرت خالده مستحکم اولان مزید محبت
 وانتسابلری قات اندر قات مزید والا ن اول اثر جلیل مستبقا و بدید
 اولمشدر بعده شهید و سعید سلطان سلیم خان ثالث علیه رحمة
 من تفرد بالمخالفة للحوادث حضرت تلیری دخی انوار و فیوضات
 روحانیت جناب زیده انصار دن استمداد و شبکه تربه منوره نک
 سیم خالصدن مصنوع اولمسنی مراد پیوروب اول بایده نقد بسیار
 صرف و ثار و یک ایک یوزیدی سنه سی الان مشاهد و موضوع
 اولان شبکه نادیده بی وضع و تثبیت وارسا و جناب حضرت
 مهماندار رسول کبریا به درکار اولان محبت کامله و توسلات
 تامه لری من کل الوجوه اظهار و ابدا واحترام مشهد ابی ابوبی

لایقيله اجرا بيوردیلر اندنصكره ابو الفتح والمغازی سلطان محمد
خان غازي عليه رجة من یتیب الصالحین و یجازی حضرتلرینك
بناكرده سی اولوب جناب ابی ایوب علیه رضوان ستار العیوب
حضرتلرینه منسوب اولان جامع شریف ومعبود منیف تهجم
زلزل وتوارد حریق ذوی المشاعل ايله رخنه یاب وكلیا مشرف
خراب اولوب جماعات وخدا مك اداء صلاة ضمننده دخول
وواوچی خطرناك اولدیغی احساس وادراك اولندیغی پادشاه
جنتیكان غازي سلطان سلیم خان حضرتلرینك حضور عالییرینه
عرض وانها اولندقدہ تجدیدیچون صدور ایدن امر عالییری
موجبجه جامع شریف مزبورك تجدیدی خصوصنه اعتنا اولنوب
بك ایکی یوزاون ایکی سنه سی ماه ذی الحجة الشریفك اوچچی
جمعه کونی جامع مزبورك هدمنه مباشرت اولنه جنی تصمیم
ورتیب واول خصوصك اجرا اولنه جغتك خبری وروديله بالجمله
خدمه واهالینك اجتماعی تنبیه وتصویب اولندی یوم مذکورده
پادشاه مشارالیه دامت رجة الله علیه حضرتلری اداء صلاة
جمعه ضمننده سلطنت عظمایله خبره خانه قشلاغی دروننده
والده محترمهلرینك اثر جلیلی اولان جامع شریفی تشریفه اقدام
ومباشرت هدمی سیر وتماشایاراده سیله بعدالصلات قشلاق
مذکوره ده کائن قصر عالییده مكث و آرام بیوردیلر اول وقتنده
زهد وورع ايله موصوف ودائما ناسه پند ووعظله مألوف بالمناسبه
ترجیه احوالی باب سابعده صحائف رسالده مذکور و بین الناس
الحاجی ملاك افندی دینكلمه مشهور مشایخ سلاطیندن الشیخ
مصطفی افندی نام ذات ورع انعام مواجیه سعادت حضرت

خالدده

خالدده بر مفصل دعاء بلیغ ايله درگاه الهی یه تضرع وابتهاال
وحاضر اولان جماعات موحدین دخی کمال مسكنت وافتقار ايله
صدای آمینی اوج عرش اعلایه ایصال ایدوب دعا انجامه وصول
وساعت یدی بی تجاوز ایدوب وقت مختار حلول ایتدکده جامع
شریفك قبه سی ذروه سنده اولان علمك رفع وقلعيله امر هدمه
مباشرت وامر سلطانی اجرایه مسارعت اولندی بعده بك ایکیوز
اون اوج سنه سی ماه ربیع الاولك اون اوچچی جمعه کونی وضع
اساس اولنه جنی اخبار و بالجمله خدمه احضار اولنوب عشر
شریفلر تلاوت وعقبنده سالف الذکر الحاج ملاك مصطفى
افندی وشیخ مراد تکیه سی شیخی الشیخ حسین افندی و مراد ملا
تکیه سی شیخی الحاج عبدالحلیم افندی واحدا بعد واحد ادعیه
بلیغ ايله رفع دست ضراعت ایلنوب باساعت غروب اوچی
بش دقیقه هر ورنده مختار اولان وقت مسعودده محفل همایون
اطرافنه وضع اساس وذبج قرابین وتوزیع عطایای بسیار ايله
استجلاب دعوات ضعفاء ناس اولمشدر بك ایکی یوزاون بش
سنه سی ماه محرم الحرامك ایکنجی یوم اثیننده جامع مزبورك قبه سنك
تدویرینه ابتدا ویوم مذکورده اطراف مکتبلرده اولان صبیانه
عطایای وافر ارسال واعطا اولنوب ماه مزبورك یکر می سکنجی
یوم سبتده ذروه قبه یه کلید تعبیر اولنان حجر جسیم وضع وارسا
اولندی سنه مزبوره جادی الاخره سنك اوچچی چهارشنبه کونی
جامع مشارالیهک درون و بیرونی توسیع اولنه رق الان منظور
عامه اولان هیئت مرغوبه مستحسنه ده رسید حسن ختام
وتربه شریفك دخی درون و بیرونك لایقيله تزیین ونقش

واعمارینه دقت و اهتمام اولند یغندن فضله سلطان احمد خان اول
 علیه رحمة المولى الاجل حضرت تلیزینک اثر جلیلی اولان ضمیمه تریبه
 شریفه نک سقنی دخی ایکی ذراع مقداری ترفیع اولنه رق درجه
 کالده طراوت و لطافتله بالکلیه امر بنسب واصل انجام اولوب
 ماه مزبورک بشیخی یوم مبارک جمعه ده پادشاه مشارالیه سلطنت
 کبرا ایله آء صلاة جمعه ضمیمه تشریف و خدام و بنسب ثبانی
 عطایای سنیه ایله تلطیف بیوروب یوم مذکورده امام المسلمین
 ایله بالمعیه ادا اولنان فریضة جمعه تابرور قیام جامع مشارالیهده
 مؤدا اولان عبادات شتایه امام اولدیغی مستغنی عن التعریف قدر
 سنه مزبوره ذی القعدة سنه دخی سلطان احمد خان اول
 علیه رحمة من لم یزل حضرت تلیزینک اثر قلم مبارکری اولوب
 خزینة همایونده محفوظ اولان عظیم قطعه مصحف شریف
 تریبه جناب حضرت خالده پادشاه سعید علیه رحمة ربه المعید
 حضرت تلیزینک طرفندن ارسال و تحاف بیوریلوب الان قدم شریف
 قربنده مشهود زوار عرفدر (بعده درت سنه مرورنده پادشاه شهید
 علیه رحمة ربه الوحید حضرت تلیزینک مواجعه سعادت پیشگاهنه
 برسقف رفیع انشاسنی مراد بیوروب الان مواجعه پنجره سنک
 فوقنده اولان سقف کزیده اول وقت احداث و بنیاد و حین دعاده
 بولنان اهل توحید باران وقوعنده محفوظ اولغله خندان و شاد
 و بالخاصه جناب خلافت مآب افندیمن حضرت تلیزینک مخصوص
 اولان باب شریف اولز مانده ایجاد و کشاد قیلنوب مرحوم
 مشارالیه دخی تابرور حساب همدان خیرله یاد اولمشدر (الحاصل
 غازی سلطان سلیم خان شهید علیه رحمة الملك الشهید

حضرت تلیزینک

مطاب
 وضع مصحف
 شریف

حضرت تلیزینک جناب مهماندار حبیب مختار وزیده کافه انصا
 علیه رضوان الملك الغفار حضرت تلیزینک مشهود معطر لرینک
 تعظیمنده اهتمام و مجوهر و ساده متعدد آویزه کزیده و توسل
 آمیز لوحه پسندیده لر تعلیقیه از دیاد انتساب روح حضرت خالده
 اقدام و جامع شریفک معتاد اولان شمع وزیننه ضم و الحاق
 بیور مغله سلاطین ماضیه نک اکثرندن امتیاز و اول بقعه مبارک به
 ربط قلب لرینی ابراز بیوروب والده محترمه لری مهر شاه والده
 سلطان حضرت تلیزینک دخی كذلك تعلیق آویزه و تعظیمات سارایله
 امر انتساب روحانیت جناب حضرت خالده سعی بلیغ ایله نیل
 اجور عظیمه ایتدکرندن فضله تجدید جامع شریفندن الی سنه
 مقدم تریبه شریفه نک جانب شرقی سنه برعمارت عامه جسمه
 و سبیل و چشمه منتظمه و تریبه فخریه احیا و بنیاد و خدمه
 حضرت خالده و همجوار حضرت مشارالیه اولان بیکسان
 و فقراء نامعدودی نان طعام ایله مسرور و دلشاد و درون جامع
 شریفک جانب یسارنده دخی ایکی عدد دولابه وضع و وقف کتب
 بی تعداد بیوروب عقیب تجدید جامع شریفده دخی بنا کرده لری
 اول تریبه نک مقابله سنه حالا جامع الرساله داعی رکبک المقاله نک
 عهده عاجز یسنه معلک خدمتی من غیر حد عنایت و احاله
 بیوریلان مکتب شریف و مجمع لطیفی دخی مجددا بنا و احیا
 و معلم و خلفاء و صبیانی طعام و نان و وظائف فراوان ایله
 مظهر سرور و صفایور مشلدر (تقبل الله حسناتها و حسنات
 نجلها بقبول حسن و اسکنهما فی وسط الجنان بحرمه حبیبه
 صاحب الفضل و المنن

(*) فصل ثانی (*)

جناب حضرت ابی ایوب الانصاری علیه اکل الرضوان من
ربه الباری حضرت تلیک مشهد ساطع الانوار لری وجوار متلامع
الازهار لینه قریب العهدده روح روانلری رفیق اعلایه لاحق
اولان خداوند کار سابق جنمکان خلد آشیان غازی سلطان محمود
خان ثانی علیه رحمة من انزل السبع المثانی حضرت تلیک موفق
پیوردقلری خیرات احترام آیاتلری بیاننده در (پادشاه مشارالیه
دامت رحمة الله علیه حضرت تلیک جانب روحانیت جناب
مهماندار یسه کمال ارتباط و زیارت تریه حضرت مشارالیه ایله
کسب مزید انبساط پیوردقلری نزدار باب دقتده هویدا وادی
تأمل ایله اظهار و روشنادر از جمله اوائل ایام سلطنتلرنده بیک ایکی
یوز یکرمی سکر سنه سی حرمین محترمین تسلط خوار جدن محض
همت سنیه پادشاه مغفور ایله تخلص اولنوب اول بلدین عظیمینک
مفتاحلری متعاقبدر سعادت و رودایتد کده بهری ایچون الای والا
ترتیب وقصه هجرت نبویه ده ذات سعادت نبویه نک خانه حضرت
ابی ایوبی تشریفلری قضیه سندن استنباطا مفاتیح مبارکه اولا
تریه جناب مهماندار حبیب کبریایه وضع اولنوب اندن الای
معلا ایله سرای همایونه ایصال اولنمنی تذبیب پیورملری کمال
انتساب روحانیت حضرت خالده موفقیتلرینه دلیل واضح و بو
مضمونی مبین و شارحدر و بوندن فضله من حیث الظاهر دخی
حضرت مشارالیه کمال محبت و رابطه لری اعلان و تریه
حضرت مشارالیه ایکی دفعه تعمیر و ترمیمه بنذل اموال فراوان
پیوردقلری متواتر و آثار جلیله لری مشهود و مبصر در

تعمیر

سلطان محمود
ثانیک موفق
اولدینغی خیراتی
بیان ایدر

(*) تعمیر اول (*)

بیک ایکوز اوتوز بش سنه سی ماه محرم الحرامک اون برنجی کونی
پادشاه مشارالیهک امر و اراده علیه لری موجبی اوزره خصوص
تعمیر مأمور اولنلر و رودو بالجملة درون تریه شریفده قعود ایدوب
بوداعی پر قصور بر عرش شریف تلاوت و پدرم مرحوم بر دعاء
بلیغ ایله رفع دست ضراعت ایلدوب عقینده کمال تعظیم ایله
مأمورون و خدام حاضرین بالمعیه شبکه شریفه و پوشیده
صندوقه لطیفه نک رفع ایله امر ترمیمه مبادرت اولندی نظار و نجار
و نقاش و حجار بالجملة اهل اسلام اوله رق جمع و احضار و جمله سنه
هر صباح آبدست ایله ایشلرینه باشلق خصوصنه تنبیه و تأکید
ابتدار اولنمش ایدی درون ذروه قبه سعادتدن اون ایکی قات
صبوه حک اولندیغی اول زمانده مأمور اولنلردن مسموع اولوب
زمان فاتحدن اول آنه قدر اون پردفعه تعمیر اولنمش اولدیغی آشکار
اولمشدر اول ائاده جمعه و اثنین کیچهلری معتاد اولان رسم زیارت
مواجهه شریفده قائما ایفا و انجیق سورة تکثار و سورة اخلاص
و فاتحه شریفه تلاوتیه و ختامنده علی الاختصار دعا ایله اکتفا
اولنمش ایدی بعده اوج درت ماه طرفنده امر تعمیر بعناية الملك القدير
واصل انجام و درون و بیرون تریه شریفه انواع نقوش پسندیده ایله
مزین و منقش اوله رق رسیده حسن ختام اولوب قبه سعادتده
آویخته قلنان تبرکات مجیددن مرور ازمان ایله تراکم ایدن خرده سیم
آویزه لردخی امر پادشاه مشارالیه ضریخانه عامره ده هیئات
مرغوبه مستحسنده کبیر اصقیلر تحویل وینه محکمه تعلیق ایله
اکمال مراسم تجیل اولندی و صندوقه سعادتک پوشیده سی

مطلب
ابتداء تعمیر

تبدیل اولمق مراد پادشاه مبرور اولوب جانب رأس سعادت حضرت
 مشار الیهک مرویاتندن بر حدیث نبوی وجوانب سائر سنه
 فضائل انصاره دایره برکات مشاهده اصحاب کرامی مستظهر اولان
 بعض کلام پیغمبری اول وقتده علم خطده مهارتله مشهور انام
 مصطفی راقم افندی نام خطاط معارف اتسامک معرفتیه نسج
 واعمالی اتمام اولوب الان صندوقه عالیله نیک اوسونده موضوع
 اولان پوشیده بیثال وبالنفیس پادشاه مشار الیهک خط مبارک لایله
 مخطوط و منسوج زمینی یشل اطلس کلمه شهادتین موجب الاجلال
 ایله موشح اولان نطق سزاوارتهال وجانب رأس شریفده
 زمینی کذلک یشل اطلس اولان اسم جلال بوجه استکمال واصل
 حسن کمال اولوب بر روز مسعودده بالجملة بحرا بستان اسکله سنه
 کتورلد کده صغیر و کبیر خدمه باجمهم کمال تعظیم و توقیر ایله
 استقبال و بالمنادیه باشلرینه آله رقی یکزبان اعلان تکبیرزدان ایله
 تربه شریفیه ایصال و محلله وضع ایله مراسم بندگی ایفا و اکیال
 ایدوب تلاوت ختمات و توسلات و دعوات ایله مجلس نعم المأل
 اولدی ایسه ده ذیل پوشیده نیک بر مقدار ارتخاسیله مأمور اولان ذاته
 موجب تلاش اولوب والد مر حومک اخطار یله در عقب صندوقه
 سعادت ایکی شهر مقداری ترفیع اولمغله من کل الوجوه امر تعمیرک
 لایق یله اختتامی پیوسته درجه تحقیق و پوشیده عتیق درون تربه
 معطرده دلاب ایچنده محفوظ اولان تبرکات سائر یه ترفیق قلندی
 و اول وقتده کلجه تخت همایون اصطناعندن صرف نظر بیور یلوب
 بو تعمیر عقینده رسم مرغوبه بر تخت همایون انشاسی بایسته
 امر عالی صدور ایدوب الان سلطنت سنیه ایله تشریف همایون

عنایتقرون وقوعنده جانب رأس قبر منورده ذات خلافتنا هی
 افندیمن حضرتلرینک استجلاب مزید استراحتلری ضمنده
 وضع اولنان سریر سعادت مصیر اول وقتده ایجاد و توجهات
 مهماندار نبی مختار جلب واسترااد قلندی

(*) تعمیر ثانی (*)

جناب پادشاه مغفور اسکنه الله تعالی فی دار السرور حضرتلری
 جانب مهماندار شید ابرار علیه رضوان الملك الغفارک جامع
 شریفلرینی و مشهد منیفلرینی وجه لایق یله تعمیره صرف همت
 بیور مق نیت خیریه سنی اضمار و اول باید لازم کلنلره امر عالیلرینی
 اصدار بیوروب بیک ایکی یوزاللی سنه سی ماه ذی الحجه شریفه نیک
 اوائلنده مأمور لر ورود و ایح حولینک اطرافنده اولان قبه لک تعمیر
 و تنقیضه شروع ایله مقدمات تعمیری مرئی و مشهود ایدوب
 اول قبه لک تعمیر بیک ایکی یوزاللی بر سنه سی محرم الحرامک
 اوائلنده قرین ختام اولوب درون جامع شریف دخی اعمار
 اولنده جنجی اخبار و اعلام اولندی درون جامع شریفدن
 مفروشات و منقولات محل آخره نقل و اخراج و جامع شریفک
 تعمیرینه دخی مباشرت ایله بالجملة خدمه و جماعت بخش
 ابتهاج اولوب صلاة جمعه دن ماعد افرائض صوک جماعت بری
 تعمیر اولنان قبه لک تنیده ادا و جمعه و اشین کیجه لرنده رسم زیارت
 ینه درون تربه ده مؤدا اولوب بعده درون تربه معطره نیک دخی
 تعمیرینه مبادرت اولندقدن رسم زیارت اداء صلاة اولنان محله
 اجرا اولوب زوار مخلصین ینه کسب اجور بهمت ایدر لر ایدی
 جامع شریف و مشهد منیف قبه لری و حیطانی بوجه اکل ترمیم

و رصین و داخل و خار جلری انواع زینله تنقبش و تزیین
 و اقسائی و جهله محو و اثبات اوله رقی پیوسته صور موجبه
 التحسین قلوب آویزملرک بعضی دیگر صورت حسنیه تبدیل
 و بالاده بیان اولان سلطان ابراهیم خان حضرت تلیرتک اثر جلیلی
 کیرشمدانلرک بالالری هیئت مرغوبه به نحو بل قلندی و سلطان
 احمد خان اول حضرت تلیرتک اثر و تیزی اولان مقصوره دخی مرور
 ازمان ایله خراب اولندیغندن اولدخی طرز دیگره استبدال
 و ضمیمه تربه معطره نک دیوارلرینک چینی اولیان محلاری دخی
 چینی ایله مزین قلوب ازهر جهت طراوت و حسنی ابلاغ درجه
 تناسب و اعتدال قلندی و دخی سنه مزبوره اوائلنده ضم وظائف
 عنایات جلیله سی باینده اراده علیه پادشاهی صدور و اول امر عالی بی
 اجرایه مأمور بیوریلان ذوات صداقتسمات دخی مباشرت
 و صرف مقصوره ایدوب در علیه و بلاد سائرده مشایخ و ائمه
 و خطبا و سائر مرتزقه دوچار عنا اولان کافه بندکان حقنده
 زمان فاتحن اول آنه قدر شاهان اسلافدن برذاتک خاطرینه
 خطور ایمان الطاف و مکارم نامحصور انجیق اول پادشاه مبرورک
 موفق بیوردقلری خیرات و مبرات بی پایاندن اولدیغی جمله
 عندنده آفتاب جهانتاب مانندی واضح و مشهور اولوب اول
 پادشاه مغفور حقنده عامه اوقاف اصحاب خیراته واقف ثانی
 دینلک سزا و احق اولدیغی بی ارباب و مسلم عامه اولوالالبادر
 اول اوآنده جناب حضرت خالد زاد قربالی حضرت ربه الواحد
 حضرت تلیرتک جامع شریفی و مشهد منینی خدمت علیه سیله
 نائل شرف دو جهان اولان بندکان دعاگویان دخی اول

عطایای بی پایاندن حصه یاب و جمله سی فرط فرح و سرور لرندن
 شادمی که اقتراب و احاطه لشکر مضایقه دن رهایاب اولوب ذات
 جناب مهماندار جیب مختاره پادشاه مشار الیهک کمال
 محبت و ربط قلبلری موجب اولدانه منوره نک خدامند سائرلرندن
 ازید اوله رقی ضم وظائف ایله جمله سنی مظهر مزید احسان
 و اکثرینک نان معینلرینه اضافه نان ایله قلوب خدام
 خادم جناب رسول کبریای فرحان و شادان بیوروب انلرک
 دخی خدمت جلیله جناب مهماندار بی اولان ذوق و شوق
 و محبتلرینی قات اندر قات تکثیر و فراوان بیورمشلردر (بعده سنه
 مزبوره رجب الفردک غره سی یوم خپسده جناب پادشاه مغفور
 اسکینه الله تعالی فی دار السرور حضرت تلیرتک بالذات تشریفه
 همت و تربه شریفه و جامع پرانوار لطیفک کشادنده حضور ایله
 کسب اجور نامحصوره رغبت و روحانیت جناب حضرت خالده
 درکار اولان کمال انتساب و رعایتلرینی تأکید و مزید بیورمق
 باینده اخلاص نیت بیوردقلری پیام فرح انجایی وارد و بالجمله
 مأمورین و خدمه قدوم عالیلرینه مترقب و مترصد اولوب وقت
 ظهر دن یارم ساعت اقدیمجه پادشاه مشار الیه رحمة الله علیه
 حضرت تلیرتک بحرا تشریف و اولاتر تربه شریفه به دخول بیوروب
 معیت علیه لنده اولان ذوات معارف اتسامه موفق بیوردقلری
 آثار جلیله بی اراء و تعریف بیوروب اول اثناده بااراده سنیه پدرم
 مرحوم و جامع شریفک خطیبی و بو عبد بئس و شریکری عز
 ائمه داعیلری درون تربه معطره به ورود و جانب قدم مرقد
 منورده قعود ایدوب بر ختم شریف تلاوت و عقیده والد

مر حوم خلوصانه رفع دست ضراعت ایلیموب بعد الدعا جمله من
باب جامع شریفه توقف و قیام و اذان ظهره انتظار اوزره
آرام ابتدک وقتا که اذان محمدی قرأت اولند قده پادشاه
مغفر تشان اکرمه الله تعالی بالروح والرحمان حضرت تلمی
ترتبه شریفه دن جامع شریفه کتابخانه مقصوره سنی تشریف
وابواب جامع شریفک کشادی و آحاد جماعتک دخوانه
رخصت سنیه ارزان بیور لمق بایند امر و اراده بیور میلر یله
همجوار فخر انصار اولان بالجملة دعا کویانی تعطیب و تلطیف
بیوروب خدمه و قبول پیشگاهنده رخصت سنیه به مترقب اولان
جماعت مسلمین درون جامع شریفه دخوله هر طرفدن شتاب
و پدرم مر حومک هر نه قدر یوم مذکوره نوبتی دکل ایسه ده
یا امر سلطانی لاجل الامامه تقدم در محراب ایدوب التفات
سلطانی ايله فائق الاقران و بالجملة حضار شادان و خندان
اولمیلر در ایمدی فریضة ظهر ادا اولند قد نصکره پادشاه بیور
محظوظیت نامحصور ايله نهضت و سرای معلایرینه عودت
بیوروب عطایای سنیه ايله بالجملة خدمه و ضعیفات طبیب و شادان
و اول کونده جمله جماعات و زوار فرحان بیورادی (بعده
یک ایکی یوز الی اوج سنه سی او اسطنده حجره معطره نک
کسوه عالییه سی عصر پادشاه مبرورده دفعه ثانیه اوله رق
تجدید و اعمال و سرای معلادن الی و الا ايله با غچه فیو سنه
واندن سفینه به ارکابا صوب بلده منوره به ارسال بیور یلوب
کسوه عشقه دخی یک ایکی یوز الی درت سنه سی جمادی
الآخره غره سی صالی کونی بحرا در سعادت ته وارد اولد قده

اول ستره خرم رسول کبریا نک تربته مهماندار خیر الوریاه ارسال
اولمسی باینده امر و اراده صدور و اول امر مطاعی اجرایه مأمور
اولمصرف بقدر ایدوب در عقب بلده طیبیه حضرت ابی ابوبده
اسکان ايله کسب مزید سعادت ایدن مشایخ و علما و خدمت داره
حضرت مشارالیه ايله نیل الطاف به محتاییدن دعا کویان و اهل ایدن
محبان و صلح ایستان اسکله سی نام محله اجتماعه مسارعت و اول
پرده حجره شفیع امتی یکزبان جهر اصلوات شریفه اتیان ایده رک
کمال تعظیم و توقیر ايله مشهد جناب مضیف رسول کبریا به ایصاله
مبادرت و قدم شریف پیشگاهنده مهیا اولان محل رفیع و ضعیفه
جوار مهماندار حبیب مختارک ثمره جلیله سنه تحصیل وصلت
ایتدیلر عقیند ائمه جامع حضرت مشارالیه اولان داعیلر تلاوت
عشر شریف و مشایخ حاضریندن برداعیلری دخی ادعیه خیریه
ایله تردیف ایدوب حضار مجلس بالجملة کمال خشوع ايله صدای
آمین اوج عرش اعلایه موصول بعده هر کس محله قفول ایلدی
فرداسی چهارشنبه کونی پادشاه مغفور لاجل الزیاره تشریفه
رخت و بکرمی بش سنه مقداری حضور نبویده شب و روز ملازم
اولان اثر جلیلارینی زیارت بیوروب و اول نعمت جلیله به شکر و ثنا
و کسب مزید صفایور دیلر اول ستره روضه فخر انبیا تربته مهماندار
سرتاج اصفیاده ایکی کیچه مهمان و حرم خادم سرور انام مظهر
فیوضات بی پایان اولوب ایرتسی بیچ شنبه کونی الی و الا ترتیب
واهلای در علیه با جمهم زیارت به تشریف ایده رک الی معلایله طوب
قبو سندن سرای جدید همایونه ایصال اولمق تدبیر مستحسنی
تذیب بیور لمق خداوند کار مغفورک هجرت نبویه قصه پر حصه

مطلب
کسوه حجبه
نبویه نک تربته
شریفه مکات
بیور لدیغی

سندن استنباط پیور دقلری خصوص صدن اولدیغی هویدا و روحانیت
جناب حضرت مهماندار حبیب کردکاره کمال محبت و اندسابلری
مؤکدا اولدیغی بی مرادر (ودخی سابقده بیان و ایما اولندیغی اوزره
درون تربه شریفده لیلای احیا و جمعه وائینده وکل یوم صلا
فجر عقیبنده بر معتاد تلاوت کلام یزدان و روضه شفیع ائم
صلی الله تعالی علیه وسلم بالجز والقصور ارسل صلوات بی پایان
وانجام لرنده درگاه الوهیت توجیهات تامه ایله جناب امام المسلمین
افندیمن حضرت تلرینک مظر تأیید خیر الناصرین پیور یله رق
عمر و ذات و شان و شوکت و صلا بتلرینک بهر حال ازدیادی و ملت
محمدیه و دوات علیه عثمانیه نک همه حال تقویت و تأید و ارتفاع
و استصعادی و عامه اهل توحیدک سایه ظل ربانیده رفاه حال
وصفاء بال ایله استسعادی جناب قاضی الحاج جاندن دائما رجا
و روحانیت جناب حضرت خالد ایله توسل اولنه رق استرجا اولنمقده
ایسه ده کافه مهمات دینی و دنیویه نک حصول و تیسرینه سبب
اعظم اولدیغی دلیل و برهاندن مستغنی اولان احادیث نبویه
و اخبار افعال محمدیه به دائر حضور جناب مهماندار معدن العلوم
و اشرف بقاع رومده بر مجلس اطیب المجالس ترتیب و تنظیم اولنمق
احرا و اهم ایکن بواسر مهمه اعتنا اوئلده متیسر اوله میوب
خداوند کار سابق غفران ربه له متلاحق حضرت تلری قریحه
علیه لرندن اول بابده امر کزیده و مستحسن و بر تدبیر احسن پیور و ب
سرای معلاده باعث مفخرت سلاطین عظام اولان خرقة جناب
صاحب سعادت حضورنده و در علیه ده جمله نک معلومی اولان
محل دلکشاده محفوظ اولان برده جناب ختم رسالت نزدنده و اراضی

مطلب
مقامات ثلاثه
مبارکه ده شفاء
شریف قرائت
اولنمق ترتیبی

رومک اشرف و افضل اولان مشهد مهماندار بی ذیشانده بهر یوم
شفاء شریف تلاوت و عقیبنده پادشاه زمان و عامه اهل ایمان
حقننده دعوات خیریه ایله توجه درگاه احدیت اولنمق خصوصنده
بیک ایکی یوز الی درت سنه سی ربیع الاخری غره سنه خرقة
شریفه لک بهرنده بو خد مت جلیله بی ادایه بر مقتدر داعیلری
مأمور و بو بنده لری حقننده درکار اولان حسن ظنلرینه بنساء
من غیر استحقاق تربه جناب مهماندار بیه دخی جامع الرساله
عبد پر قصور مأمور بتله شادان و مسرور پیورلدی الان مقامات
ثلاثه مشار الیه اول خدمات سنیه ادا و عقب مجالسده پادشاه
مغفورک روح روانه اجور جز یله اهدا و حالا وارث خلافت عظمای
ومالک امانت کبرا سلطان سلاطین جهان و خاقان خواقین زمان
ظل ظلیل اله پادشاه اسلامیه ولی نعمت عالم باعث امنیت نوع
بنی آدم افندیمن حضرت تلرینک ذات عدالت آیاتلری سریر عدالت
مصیر لرنده مؤبد و انواع تأییدات سبحانیه ایله همه حال مؤید
و حسن توجیهات سر فخر انبیا ایله مترفه و عن قریب الزمان
انواع پیام مسرات انجام توارد یله منبسط و متیزه پیورلوق باینده
فریضه ذمت عبودیت اولان انواع دعوات و ابتهالات
و کونا کون تضرعات مؤدا اولنمقده در همان مجیب الدعوات
اولان خدای قدیم حق والای پادشاهیده اولنان عامه دعوات
خیریه بی قرین حسن قبول و آثار اجابتیله قلب شاهانه امام المسلمین
و قلوب کافه موحدینی انواع فرح و سرور ایله مستوعب و مشمول
ایلیه آمین بجاه الحبيب الامین و بحرمة آله واصحابه اجمعین و بجاه
سیدنا خالد بن زید مضيف رسول رب العالمین

(*) باب سادس (*)

اول حضرتك مشهد منورل ينك آداب زيارتي ولوازم تعظيمات
وتكریماتی بیان شده اولوب بوباب دخی كذلك ایکی فصل
اوزره اولمغه متحملدر

(*) فصل اول (*)

على الاطلاق زیارت قبورك حکم شرعی و آداب مشر وعه
سنك بوجه اجمال بیان شده در دخی عالم ظلمت کفرده برقرار
ورؤسای قبائل عربك هر بری برامی ناصواب ایجاد واحداث
ایدرك بالجملة سکنه زمینده انواع کفریات بیدار ایکن قبائل عرب
فقر وفاقه خوفندن ناشی اولاد لرینی قتل و اعدام ایتمک حادث
قبیحه سنی اعتیاد و قز اولاد عندلرنده برامی مستکره اولوب ایچلرنده
بر کیمسه نك قز اولادی ظهور ایتد کده کندی به عار لاحق اولوب
اکثر یسی اولاد انا ثلرینی خفیه دفن و اخفایه اقدام ایتمک بدعت
مستکره سنی معتاد ایدوب مقبره یه وارد قلرنده قتل ایتد کلری
اولاد لرینك کثرتله بر برلرینه تفاخر و بعضا نسوان و سائر بی ایمان
جزع و فزع و شوق جیوب و خدش خدود ایلله خلاف رضاء باری
اولان اوضاع نامر ضیه یه تجاسر اوزرینه استمرار قلبلرنده استقرار
ایدوب اوائل اسلامده دخی بعض ضعیف القلب اولان اهل ایمان
بلکه بو کار قبیحک بعض سینه اجنسار ایدوب خلاف شرع شریف
اولان افعاله ابتدار ایتمک احتماله مبنی طرف پیغمبریدن زیارت
قبور حقنده نهییه موجب امر و اراده اصدار پیور لمش ایدی وقتناکه
قلوب مؤمنین انوار دین محمدی ایلله تنور و بر مقتضای کمال ایمان
کافه اهل توحید آیین کفر و جهالتدن بالکلیه تنفر ایدوب احکام

شریعت

مطالب
مطلقا زیارت قبورك
حکم شرعی
و ادبی بیان شده در

شریعت مطهره یه صمیمی اطاعت و انقیاد و عادات سابقه
رد یله دن قلبا و قالبا تقاضی و استبعاد اهل اسلامه طبیعت و معتاد
اولد قنده جانب شاه امدن زیارت قبور حقنده حکم اولک نسخی
نشر و اعلان پیوریلوب لسان معجز بیانلرندن (کننت نهیتکم
عن زیارة القبور فزوروها فانها ترهق فی الدنیا و تذکر الاخرة) حدیث
ساطع البرهانی وارد و نمایان یعنی ای معاشر موحدین بر مقتضای
حکمت الهیه سزلی زیارت قبور دن زجر و منع ایتمش ایدم شمدی
رخصت شرعییه موجبی اوزره شرع قویمه موافق اوله رق
زیارت قبور ایتمکه مأذون اولد یکنز زیارت قبور سبیلله خطام
دنیا یه محبتکنز زائل و دار آخرته محبتکنز کماله و اصل اولور مضموننده
اولان حدیث شریف جواز زیارته دلیل و برهان اولمشدر ابدی
بو حدیث شریف واحادیث سائر و آثار مأثوره ایلله قبور مسلمینی
زیارت شرعا برامی مستحب اولدیغی ثابت و آداب و شروط طئه
رعایت واحوال موتایی قلبا ملاحظه و فکرت و اول باید آیت
و سور مأثوره بی تلاوت و حاصل اولان مثوباتی ارواح امواته اهدا
و اسرار اعزده کرام ایلله توسل درگاه خدا ایدرك مقابر مسلحینه
و ارمق مستوجب اجور بیهمتا اولدیغی مثبت اولوب بو باید و ورود
ایدن احادیث و آثارك بو مختصرده بالجملة ذکر و املاسی عدیم
الامکان اولدیغی دخی مجزوم عرفا اولمغه بر قاج احادیث شریفه نك
مضمونتی بیان ایلله اکتفا اولندی از جمله حدیث صحیحده وارد
اولمشدر که بر کیمسه یوم جمعه ده ابوینك قبرینی شرعه مطابق
اوله رق زیارت ایلسه اول کیمسه مظهر رحمت یزدان و واصل
مزید غفران اولور وینه حدیث آخرده وارد اولمشدر که اقربا

و متعلقات و سائر کذا شتکان موحدينك قبرليني زيارت زائر اولان
 کچمه نك ذنوب ماضيه سنه باعث كفارتدر وارده وارد در که ليالي
 احيا وليالي جمعه وعيد ينده ارواح اموات اقر با سنك قپوسنه نزول
 ايدوب تابصباح اي زندگان بزلي خيره ياد وتذکار وعن قريب
 سزردخي بزم کي دعاء احيايه محتاج اوله جفکري لدى التامل
 بزله هدايا اتخاف وتسيار ايدك ديو اخلاف واحبا بلرينه ندا
 واجور ومثوبات طلب ورجا ايدرل وينه بعض اثرده منظور
 ومنقولدر که بهر هفته جمعه کچمه سنك اخشامندن تا يوم سبتك
 صباحنه قدر ارواح مؤمنين بالجملة قبرلينه نزول و اوقات مزبوره
 خلاننده زيارت ايدن ايندکاني ييلوب وکوروب وانلرايله کسب
 انسبت ايدوب جمعه ايرتسي صباح وقتي اولدقده جله سي ينه
 صوراسرافيلده اولان مقاملرينه وصول ايدرل الحاصل آداب
 آتیه به رعايت اولنه رق زيارت قبور سلف صالحين وائمه مدققين
 عندنده فرض وواجب اولديغي مذکور اوليوب انجق مستلزم
 اجور وافر اولان سنن اسلاميه دن واعمال صالحه دن اولديغي
 متعارف ومشهوردر (ودخي آداب زيارت قبور شرعة الاسلام
 نام کتاب مقبول انامده شول وجهله مسطور ومذکوردر که
 بر مسلم کچمه زيارت قصد يله قبرستانه وارمق مراد ايتد کده
 اولا آبدست آلوب بعده مقبره به واردقده اگروقت مکروه اوليوب
 يعني طلوع شمس وياخود غروب شمس وياخود زوال وقتلري
 دکل ايسه زيرا بواج وقتده نماز قلمق حرامدر وهم مقبره قرشو
 اوليه رق نماز قلمق ممکن ايسه رضاء لله ايکي رکعت نمازه نيت
 وتکبير آلوب نمازه طوردقده سائر نمازلر کي سجده واعوذ

بسم الله

مطلب
آداب زيارت قبور

بسم الله دنصکره فاتحه شريفه بي تلاوت وبعد الفاتحه بهر رکعتده
 بر آية الكرسي و او چرا خلاص شريف قرأت ايدوب بر منوال
 مشروح صلاة زيارتي ادا لکن اخلاص شريفلرينده بسم الله
 ايتيوب امام اعظم حضرتلرينك مذهبه نمازني تطبيق ايله راه
 صوابه اقتفاييله ايمدی صلاة زيارتي بر وجه سابق ادا ايدوب
 سلام و پردکد نصکره قبله به متوجه اوله رق اللريني قبله دعا
 اولان عرش اعلا جانبده کشاد ودرگاه خدا دن استرحام ورجا وکمال
 تضرعله طلب مراد ايدوب ديه که اي مجيب الدعوات اولان
 پروردگار شوقصور بسيار ايله ادا ايتديکم نمازك ثوابني فلان ميتك
 روحنه هديه ايلدم حسن قبول واول ثوابي انك روحنه موصول
 بيورمق انجق سنك ذات سرمدی الصفا تگدن بوکنه کار عبد
 عاجزك مسترجا سیدر وسنك شان الوهيتك مقتضاسي قولك
 کاهني عفو ايدوب دعاسي حسن قبوله قرين اولغله بنم وكافه
 دعا کويانك دعا ليني استجابت بيورمق ملازمان بارگاه صمدانينك
 اولان عبادي زادرك متناسيدر (پس منوال مشروح ايله تضرع
 وجهيت خاطر ايله ابراز مسکنت و تواضع ايتد کد نصکره
 قالقوب قبرك صاغ جانبده ميتك وجهي خدا سننده آرام وکمال
 خشوع وتذلل ايله عبارده آتیه اوزره وارد اولان تسليم ايله ايفاء
 سلام ايليه ودخي ميته ويريلان سلام زمرة احيايه ويريلان
 سلامك عکسي ايله ادا اولمق لازمدر ديو بعض شافعيه بيان
 ايتديلرايسه ده جمهور محدثين عندنده احيا ايله اموات پيننده
 فرق اولما ديغي على القاري مشکوة شرحنده نصريح ايتمکله
 قبرستانده سلام زندگانه ويريلان سلامك عيني اولمق اولي اولديغي

مبین حدیث شریف دخی وارد اولمغه اول طرف التزام و عبارت
تسلیم بوجھله بیان واعلام اولنور که (السلام علیکم اهل الدیار
من المسلمین والمؤمنین رحم الله المستقدمین منکم والمستأخرین
منا انتم لنا سلف ونحن لکم تبع وانا ان شاء الله بکم لاحقون) اندنصرکه
برمدت غص بصرایده رک میتک حالی تذکر و آخر الامر کنندو
دخی ذائق کاس ممات اولوب زمره امواته التحاق ایدہ جکنی
تأمل وتفکر ایدوب قبری مس وتقییل واطرا فی طواف ایتہ دن
غایله احتراز ایدوب بقیه عادات یهود ونصارا اولان
افعال ناسزایی ایشلیکدن کمال رتبه اجتناب وسلوک راه صواب
ایلیه بعده کمال ادب ووقار ایلہ قعوده مبادرت و سورة یسن
یاخود سورة ملک یاخود سورة نباء قنغیسنی تلاوت کنندویہ
آسان اولور ایسه آتی تلاوت واون برکره بهرینک اولنده
بسمله شریفه ایلہ اخلاص شریف قرأت و سورة بقره نک
اولندن المفلحونه وارنجہ و سورة مشارالیهانک آخرنی یعنی
لله نظم جلیندن یاخود آمن الرسول آیت کریمه سندن تا آخر
سورة جلیله به وارنجہ خشوع وخضوع ایلہ اوقیوب تجوید
و ترتیلہ رعایت و ممکن اولدیغی رتبه تسبیح وتهلیل و صلوات
شریفه لازمه التبجیل ایلہ طاعت وعبادت اولنوب حاصل اولان
مثوباتی روح میتہ اهدا ودرگاه الهییدن اول میت ایچون مغفرت
رجا ایلہ هر اسم زیارت ایفا اولنه و اگر زیارت اولنان قبرک صاحبی
صحابه کرامدن و صلحاء ذوی الاحترامدن و مظنه اعلامدن
ایسه عقیب زیارتده رفع ید اولنوب یارب بو ذات سنک محبوب
ومقبول قولکدر انک حرمتہ بنم مقصودی احسان ایلہ دیو توسل

درگاه مولا وتوصل رضاء جناب کبریا اولنه (ودخی بعض
صوفیه منشر عیندن روایت اولنور که قبور اهل اللهی زیارت
وروحانیتلرندن استمداد ایلہ توجه درگاه احدیت دأب اسلاف کرام
وفاضل بی نظیر این کمال الوزیرک جمع ایتدیکی حدیث اربعینده
مذکر وروایت ایتدیکنه بناء * اذا تحیرتم فی الامور فاستعینوا من اهل
القبور * حدیث شریفی فواسی اوزره ذوی انصاف عندنده برامر
مالا کلام اولوب زیارت مقامات سنیه اعزہ کرامده طریق
اسلم بودر که بالاده ذکر اولندیغی اوزره سورة یسن و سور و آیات
ساره یی و ممکن اولور ایسه حدیث شریفده وارد اولندیغی اوزره
اسماء حسنیایی تلاوت ایدوب بعده کوزلرینی قیابوب نفی خاطر یعنی
درونی خواطر دن تخلیه ایدہ رک درونی روحانیت صاحب قبره
توجه تام وروح لطیفی مقامندن قبر بنه دعوت ایلہ نزولنی رجا
واسترحام وپرقاج دقیقه قدر وقت جمعیت درون ایلہ توقف و آرام
ایلیه بعده اوج دفعه (لا اله الا الله) کلمه طیبه سنی و اوج دفعه دخی
لفظه جلالی با تعظیم واجلال ذکر ایدوب قطع نفس وقلبندن
ترع جمیع هوس وبعده لسان قاله (السلام علیکم ورحمة الله
وبرکاته) دیوب خطاب توقیر ایلہ یا شیخی ویا شیخ فلان
ویا حضرت فلان ویاوالدی یعنی اول زیارت ایتدیکی ذاتک اسم
وشهرتی نه ایسه انکله ندا ایدوب مرانی تکلف سزجه ایراد وجناب
خالق لم بزلک بذل لطف وکرم وعنائی باینده استمداد ایلہ اعدی
بومنیوال اوزره زیارت مشایخ اسلافدن مروی و مأثور و صلحاء
عارفیندن بالدفعات مشاهد و منظور و اکثر یسندن صاحب قبرک
روحیه مکالمه و ملاطفه ایتدکری مشهوردر لکن عوام ناس

مطلب
بعض صوفیه
کریه زیارتلری

بومزا یادن خافل و درجه دفته غیر واصل اولد قلرندن انلرخقنده
یا لکن توجه و توسله استغفار و منوال سابقدن تقاصی
احبدر بودخی خفی دکلدر که سور و آیات سابقه نک تجویدندن
نقصانی درکار اولان کسان انجیق بلدیکی سور جلیله بی قرأت
و قدرتی اولدیغی قدر تسلیمه مبادرت و دعوات و توسلاتی
خطادن محافظه ایدرک دلی دوندیکی قدر داده ترک کلفت ایلله
ودخی مقبره و واراندقه قبور مسلمینک اوزرینه باصمه دن مجانب
اولوب ناچار حسب الاقتضا ایجاب ایتدیکی صورتده اثر مأثوره
بناء ممتدی سورہ نکاثر تلاوت و قبر اوزرینه باصمق سببیه ترتب
ایدن تقصیراته انک ایلله جبر و کفارت اولنه و اگر بالاده بیان اولنان
صلاة زیارت وقت مکروه حلولیه متعذر یا خود نماز قیلنه جق
بر محل مخصوص اولدیغندن متعسر ایلنه یا لکن سور کریمه و آیات
معظمه نک جله سنی یا خود بعضی سنی تلاوتله اکتفا و سایر لوازمات
زیارت مهمما ممکن ایفا اولنه بودخی پوشیده دکلدر که روضه
مطهره علی قاطنهما الصلوات الوافره بی و منبر منیف نبوی بی
انواع تعظیمات و احترامدن اولان تقبیل ایلله اکرام و تجلیل
جائز میدردیو صاحب مذهب احمد بن حنبل حضرت تدرندن سؤال
اولندقه جائزدر بیور مشلردر و حجر اسودک و ارکان بیت مکرمه نک
تقبیلنک مشر و عینندن مقامات شریفه نک و مصاحف معظمه نک
و کتب احادیث نبویه نک و علما و صلحا نک دست و پایلرینک و قبور
اصحاب و اولیانک بوجه تعظیم تقبیل اولملرینک احسنیتی منقسم
و مستنبط اولوب علی وجه التبرک تقبیلده تعظیم یننه بالخاصه
جناب مولایه حاصل اولان هر شبنمک تعظیمات تقبیلی بلا کراهه درجه

جواز موصول و مجتهدیندن منعنه دائر بر قول معتبر اولوب
همان متأخرینک رأیلری اولدیغی منقولدر دیوانه حدیثدن
محب طبری سردمقال مقبول ایلشددر و امام احمد حضرت تدرینک
امام شافعی نک بر کوملکنی غسل ایدوب صوینی نوش ایتلرینه
انبیاء و اولیا و علما و صلحا نک اثر لرینی تقبیل ایلک قیاس صحیح
اولدیغی ظاهر و بومثلا و اشیاء شریفه نک تعظیمنده مبالغه اولمق
خلاف شرع قویم اولدیغی مبرهن و باهر در فعلی هذا خاک پاک
عطرناک شاه لولاک علیه ازکی صلوات خالق السمک و السماک
توقیر و تعظیمی سنت اسلاف و بوسه تکریم بر امر مستحب اولدیغی
بین القدماء بالاخلاف اولنجه مشاهد اصحاب کرام و مراقد اولیاء
ذوی الاحترامک خاصه جسد اجداد فخر ائامدن جزء اولان شعرات
بیمتا نک و برده سعادت عالمها نک بوسه تکریم ایلله تقبیل و تجلیل
اولمق سی بر امر مندوب اولدیغی آشکار و مغایر شرع منیف
بر بدعت سبئه اولمادیغی اهل انصاف عنسدنده بدیداردر اما
بونیت خالصه بی تحصیل ایده میوب نفس تقبیلی بر عبادت
مخصوصه عدایده رک حدی تجاوز و تقبیل ایدهیم دیرکن سجده
هیئتنده زمین و عتبه بی بوس ایدر ایکن آلتی بیره وضع ایده رک
معبود حقیقیدن غیریه سجده ایلله حدندن آشوری تعظیمدن
عدم تحرز منهی و بلکه خطاء عظیمی مقتضی اولمغله عوام حقنده
سابقده بیان اولسان مس و تقبیلدن زجر و منعه آداب زیارت
تعریف و نیت خالصه استحصاننه مقتدر اولوب نفسی مهالکدن
حفظه قادر و جمیع اعمالی قانون شریعت محمدیه به تطبیقده ماهر
اولان عرفاء عباد و خواص زهاد حقنده آنفا ذکر اولنان وجهله

مراسم زیارت منیغه توصیف اولندی نورالله مرقد اسلافنا بنور
القرآن وجعلهم متعممين بنعم الجنان وجعلنا وایاهم تحت لواء سید
وادعدنان علیه صلوات الملائک الدیان مادامت الشهور والازمان

(*) فصل ثانی (*)

جناب مهماندار رسول کبریا علیه اکل التحایا اولان حضرت
ابو ایوب الانصاری زاد قربا ومنزلة عند القديم الباری
حضرت تلمینک بالخاصه مشهد عالیرینک آداب زیارتی بیانده در
حضرت مشارالیه زاد رضوان الله علیه حضرت تلمینک قبر منور لری
و مشهد معطر لری زیارتک آداب وارکانی اسلاف کرام
وعراف اعلام اول وجهله تعریف واعلام ایدر لکه حضرت
مومی الیهک زیارت موجه الرعایت لری مراد اولند قدده اول جامع
شریفه یا خود خارج قبه سعادتده قدم شریف پیشکا هنده
فصل سابقده ذکر اولنان صلاوة زیارت ادا اولنوب بعده صاغ ایاق
تقدیم اولنه رق درون قبه سعادتده کمال ادب وتذلل ایله دخول باینده
نقل اقدام ورفع سر اولنم یوب غض بصراولنه رق باب فیض مآب
داخلنده توجه تامله قیام وسابقده بیان اولنان عباره ایله ووجه
آتی ایله تسلیم اولنوب ابراز کمال تعظیم واحترام اولنه بعده کمال
خشوع ووقار ایله قعود وفصل سابقده ذکر اولنان سور جلیله
وآیات کریمه کمال تجوید وترتیل ایله تلاوت وشروط سابقه به
رعایت اولنه حضرت مشار الیهک زیارت علیه لرینه خاص
اولان تسلیمات بونلردر (السلام علیک یا ابا ایوب الانصاری
انت لنا سلف ونحن لك تبع وانا نشهد انک صاحب رسول الله
ومجاهد فی سبیل الله نرجوا منک الشفاعة یا ابا ایوب الانصاری

الشفاعة الشفاعة الشفاعة) وبعض عاشقان محبانک وجه
آتی ایله اداء سلام ایتدیکی مرویدر (السلام علیک یا صاحب
رسول الله السلام علیک یا ناصر رسول الله السلام علیک
یا من آوی رسول الله السلام علیک یا ابا ایوب الانصاری جئنک
مستجیرین اذ توبنا واوزارنا فاشفع لنا عند الله وعند رسول الله
اللهم اقض حاجتنا وحاجات من اوصانا بجاه هذا الصحابی)
وبعض کلین حین زیارتده بو وجهله توسل وتسلیم ایتدیکی تعلیم
وتبیین ایتشلردر (السلام علیک یا سیدنا یا خالدين زید السلام
علیک یا ابا ایوب الانصاری السلام علیک یا غازی فی سبیل الله
السلام علیک یا سیدنا یا صاحب رسول الله جئنک واقعین باعتابک
واقفین ببنابک متوسلین الی رسول الله صلی الله علیه وسلم بجنانک
لنشفع لنا الی ربنا وتسال ربنا ان یتقبل زیارتک وان یوفقنا
لما نحب ویرضی وان یحیینا علی سنة رسوله ویعیننا علیها ویحشرنا
فی زمرة حبیه وزمرتك ویوردنا حوضه ویسقینا بکأسه غیر
خرابا ولاندا ما شففع شففع بایسیدنا یا من انزل فی بینه رسول الله
ویامن کان یضیف ویکرم رسول الله اللهم شففع سیدنا ابا ایوب
الانصاری فینا برحمتک یا ارحم الراحمین اللهم لا تجعل هذه الزیارة
آخر العهد وارزقنا مرة بعد اخرى) امدی بو آداب ورعایت اتمام
اولند قد نصکره صندوقه سعادتک اطرافی طواف اولنمیه رق
وکسوه وحیط سانی مس وتقبیلدن حذر اولنه رق بوجه مبالغه
ادب ایله جانب قبر مبارکه پک آرقه دوندر لیدرک رجعت وقبولردن
حقیقلمورکن صول ایاق تقدیم اولنه رق معاودت اولنه نفعا الله تعالی
بخاصة شفاعة فی الدار الباقية واسعدنا هنالك بالشفاعة العالیة

کاشر فنا بجواره فی هذه الدنيا الفانیة آمین یا من یعید الاجساد البالیة

(*) باب سابع (*)

اول بقعة مباركة لامعه نك خدام وملازمیندن اولوب بعض مظنه ومشاهیردن اولان ذواتك ترجمه احوالی بیسانده اولوب یو باب درت فصل اوزرینه اوله رق ابواب رساله بی متم و مکملدر

(*) فصل اول (*)

حضرت مشار الیهه نسبت ایله شرفیاب اولان جامع عالی نصایده وعظ وتذکیر و کلام باری واحادیث پیغمبریه بی کرسی جامع مشار الیهه تفسیر ایله کسب صفا ونیل اجوری همتا بیورن مشایخ عظامدن وحضرت مشار الیهه نسبت ایله کسب رتبه نفیسه ایدن مدرسه مؤسسه ده شرف تدریس ایله مشرف اوله رق افتاء وجود ایدن ذوات نیک صفاتدن مشهور انام اولوب الی آخر العمر اول خدمت جلیله ده امرار ایام بیورن بعض مظنه کرامت برزنده ترجمه احوالری بیاننده در (الشیخ عمر البابی النقشبندی التیروی قدس سره ربه القوی مشار الیه حضرت تلی و وطن اصلیلری اولان تیره دن بیوک برادرلری واستاذ معتبرلری مفتی احمد افندی نام ذات مقبول انام ایله معیت و در علیه به توجه و حرکت ایدوب اول وقتنده حکیم چلبی زاویه سنده مسند نشین ارشاد اولان الهی زاده یعقوب افندی حضرت تلیندن استشمام رایحه نسبت وطریقه صدیقه اوزره اخذ دست انابت و بوامر جلیل القدرده برادرلریله شرکت اوزره استفاضه انوار هدایت بیوروب برادرلری سالف الذکر احمد افندی ترک زاویه ایدوب بروسه به هجرت ایلد کده یونلر برادرلریندن اخذ خلافت طریقت ایتملر ایدی بابا افندی نام

خواجه

خواجه محمود رضائی مظهر فیوضات رب علام حضرت تلیله دخی همصحب اولملریله آخر هر کریه آخر خنده است نکته سندن خبرداروبایی مخلصنی اختیار و جناب مهماندار بی مختار حضرت تلیله نسبت ایله نامدار اولان جامع پرفیضک جمعه وعظیه سیله مکرم اولوب بهر یوم جمعه تنویر قلوب حضار و اول حوالیده اسکان و مستر شدلردن نفوس بسیاری ارشاد بیورر لرایکن (عظیم) ۱۰۲۰ تار یخننده عزیمت دار قرار بیورد قلزنده صلاهی نعلیری جامع مزبور مناره سنده ندا و اعلام اولنوب صلاة جنازه لرنده خواجه زاده چلبی محمد افندی نام مفتی انام مقتدای جماعت اهل اسلام اولملر در جامع مشار الیهک محراب صفه سنک جناب یسارنده و کر سنک پیشگاهنده مدفون ومدار زوار اهل درون ایدی خدمت وعظیه لری ولد مکرم لری نصر الله افندی به توجیه اولنوب انلردخی (اولیا) ۴۸ عددی مقداری سال خدمت وعظ وتذکیر ایله و قتلربی امرار و آخر الامر والد ماجد لرینه همجووار اولدیلر الان مشار الیهه مانک قبرلرندن بر اثر قالمیوب جامع شریفک تحیدیدندن مقدم سنک مزار لرینک موجود اولدیغی خدمه اسلافدن مرویدر (الشیخ مفتاحی زاده احمد افندی قدس سره ربه الهادی مشار الیه حضرت تلی قوجه مصطفی پاشا شینچی یعنی نجمی حسن افندی حضرت تلیندن اخذ بیعت بعده عدلی حسن افندی حضرت تلیندن احراز خلافت ایدوب (زینة اهل الارشاد) ۱۰۴۰ تار یخی حدودنده بیستان افندی برینه جوار حضرت خالد رضی عنه ربه الما جده شاه سلطان درگاهنده شیخ صاحب تمکین و جامعنده مفسر قرآن مبین اولملر ایدی (واعظ کامل) ۱۰۶۷ تار یخی حدودنده

مناقب
زیدوی عمر افندی

سالف الذی ذکر نصر الله افندی پرینه جامع حضرت خالد
 کر سبب سنده مر بع نشین و مذکر قلوب موحدین ایکن (اکل وعظه)
 ۱۰۷۲ تاریخنده اداء حج شریف نیت خیریه سبیل عزیمت بلاد
 شام و وصول بلده جنت مشام پیور دقلرنده رواج جنانه بی
 استشمام و عزیمت دار السلام پیوروب حضرت بلال حبشی
 دام علیه رضوان الله کل غداة وعشی حضرت تلرینک جوار
 فیضدار لرنده ترقب روز قیام پیور مشلردر (الشیخ عبدالرزاق
 علیه رجه ربه اخلاق مشارالیه حضرت تلری قصبة قاسم پاشادن
 ظهور و قصبة مزبوره قرانلق چشمه مسجدی نام مسجد
 شریفده امامتله کسب اجور نامحصور ایدوب (یا واعظ کامل)
 ۱۰۸۹ تاریخنی خلانده اسیری علی افندی پرینه حضرت ابی ایوب
 الانصاری علیه رضوان الباری حضرت تلرینک جامع شریفنک
 جعه و عظیمه سبیل میجل و اول مقام مبارکده جماعت و حضارک
 مشکلات دینه لرینی حل پیور لر ایکن (اکل الوعظ) ۱۰۹۸ سنه سی
 عزم بستان جنان و قدوم جوار یزدان پیور مشلردر ایوب شیخی
 یحیی افندی ابن الشیخ شعبان قدس سرهما الی بوم المیزان مشار
 الیه حضرت تلرینک والد کثیر المحامد لری شیخ شعبان افندی
 حضرت تلری بلده قسطه و بنده نامداش لری مخزن اسرار و عرفان
 الشیخ شعبان قدس سره فی کل آن حضرت تلرینک اقر با سندن
 اولوب شیخ مشار الیهک خلیفه سی محیی الدین افندی خلیفاسندن
 الشیخ عمر فؤادی افندی حضرت تلرینک قائم مقامی چرو ملی الشیخ
 اسماعیل افندی حضرت تلرندن اخذ خلافت و وطنی اولان
 قسطه و بنیدن در سعاده توجه و حرکت و جوار حضرت خالده
 شیخ الاسلام خواجه سعد الدین افندی بنک بنا کرده سی اولان

دار القرا زاویه لکه تبدیل اولمغله صاحب ترجمه نک پدری
 مومی الیه حضرت شعبان افندی او جوار انوار مدارده ارشاد
 مریدینه بذل همت پیور مشلرایدی (خلوتی جا) ۱۰۵۰ تاریخنده
 مشارالیه شعبان افندی حضرت تلرینک صلب پاکندن صاحب
 ترجمه یحیی افندی عالم اجسامه وضع قدم و تحصیل کمالاته
 بذل همت پیوروب پدر لری (اختفا) ۱۰۸۲ تاریخنده عازم دار بقا
 اولد قلرنده مشیخت زاویه عهده لرینه توجیه پیور لمغله نیل مزید
 نعم پیور مشلرایدی لکن تحصیل علوم ظاهره الیه اشتغال لری
 ملا بسه سبیل پدر لرنندن اخذ خلافت مقدر اولمیب سالف الترجه
 مقتاحی زاده الشیخ احمد افندی حضرت تلرندن طریقت سبیلده اوزره
 نیل خلافت و ارشاد مسترشدینه بذل همت پیور لر لرایدی (الشیخ
 الواصل) ۱۰۹۹ تاریخنی خلانده چاوش زاده دامادی عثمان افندی
 پرینه غلطه ده شهید محمد پاشا جامعنک جعه و عظیمه سبیل مکرم
 بعده (جاء الشیخ الواصل) ۱۱۰۳ تاریخنی ججادی الاخره سنک اون
 طقوزنجی کونله مورخ بنه سابق الذکر عثمان افندی پرینه حضرت
 ابی ایوب الانصاری علیه رضوان الملك الباری حضرت تلرینه
 منسوب جامع عالینک جعه و عظیمه سی عهده لرینه توجیه اولمغله
 مرعی و محترم پیور یلوب اول مقام مطاف ملائکه ده حضار مسلمینه
 وعظ و نصیحتله امرار ازمان و بخش فیوضات بی پایان پیوروب
 ایوب شیخی دینکله مشهور عالمان اولمشلرایدی (حیف ایوبی شیخ
 یحیی کوچدی) ۱۱۰۹ تاریخنده عید اضحانک یوم عرفه سنده روح
 عالی لری ریاض فردوسه طیران والا آن جامع مومی الیهک کر سبب سنک
 جانب قبله سنده اولان پنجره نک پیشگاهنده قبر شریف لری زیارتگاه

ارباب عرفاندر الشیخ محمد بن النصوح الشهیر بالنصوحی
 قدس سره بحرمة الحبيب الماحی مشار الیه حضر تلری مدینه
 اسکداردن نشأت و اوان شبابلرنده تحصیل علوم ظاهره به رغبت
 بعده کبرای مشایخ خلوتیه دن قره باش علی افندی نام مرشدانامدن
 اخذ دست ارادت و نیل رتبه خلافت پیورمشیدی جمله محبانلرندن
 حسن پاشانام محب صادق قلمری مدینه مزبوره طوغانچیلرنام محله
 ذاتلرینه نسبت ایله شهرت باب اولان خانقاه فیضکاهی بنالیدوب اول
 خانقاه مقر اهل اللهده ارشاد مریدین و تنویر قلوب واردین پیوررلر
 ایکن (کهف الذاکرین) ۱۱۱۷ تاریخ رجب شریفده عبدالحمی
 افندی یرینه حضرت ابی ابوب الانصاری دام محفوظا برضوان
 الباری حضر تلرینک جامع منیرلرنده بهر یوم ثلاثا جماعات حاضرینه
 وعظ و تذکیر خدمت جلیله سی عهده لرینه توجیه اولوب بهر یوم
 صالی اسکداردن جامع مشار الیه عازم و بعد صلاة الظهر خدمت
 لازمه لرینی ادایه مقدم اولورلایدی حتی بعضا دریاده تلاطم
 اولوب شیخ مشار الیه قایغه بندکلی آنده انلرک کتدکلی
 محله دریاساکن و بلا تعب بنه عودت پیورد قلرنده انلرک
 قایقلرینک اطرافنده حرکت دریاساکن اولوب بوکرامت
 باهره لری اهالی اسکدار بیننده متواتر و یقین زمانلره کلجه
 اسکدار قایقچیلرینک قدما سی بیننده نصوحی بولی دیو بر قاج
 قایق عرضنده بر طریق مخصوص مشتهر ایدی بعده (الشیخ
 النصوح) ۱۱۲۶ تاریخ خلا لنده حالات محوده صدور ایدن بعض
 کلمات ملا بسه سیله حسب المصلحه قسطنطنیه کتدک ایله
 مأمور پیوریلوب ایکی سنه مرورنده بنه مدینه اسکداره با امر عالی

رجعت و خانقاهلرنده افاضه انوار طریقت پیوررلر ایکن
 (الواعظ الکامل) ۱۱۳۰ تاریخ رمضان شریفک اون سکرنجی
 کونی عازم قرب اله و ذاتلرینه منسوب خانقاهده توسلکاه محبان
 پرانتباه اولمشلردر شیخ زاویه قره باش در طوبخانه عبدالله افندی
 نفعا الله تعالی بفیوضه السرمدی مشار الیه حضر تلری علوم
 ظاهره و باطنه ده متقن و تجوید و ترتیل کلام باریده ماهر
 و متقن بر ذات جیده الصفات اولوب حضرت خالد بن زید
 الانصاری دام فی رضوان الباری حضر تلرینک جامع شریفک
 یوم اثین وعظیه سی عهده لرنده اولوب بهرد و شنبه کونلرنده
 کرسی جامع مشار الیه شریف و وعظ پسندیده ایله سامعینه
 ضرورات دینیله رینی تفهیم و تعریف پیوروب فضلالی دهرلری
 میاننده بازار ایرتسی شیخی دینکله کسب شهرت و طوبخانه ده قره باش
 مصطفی اغا زاویه سنده ارشاد مریدینه بذل همت پیوررلایدی
 (طالب ثواب و مبرات) ۱۱۹۹ تاریخ لیلہ قدرنده عزم کلزارجنان
 و زاویه مزبوره خطیره سنده ترقب روزمیران پیورمشلردر
 (یحیی زاده الشیخ سعدالدین افندی علیه رحمة ربه الهادی
 مشار الیه حضر تلری سابقده اوصاف جلیله سی ذکر و تسطیر
 اولتان ابوب شیخی یحیی افندی حضر تلرینک نجل نجیب لری
 الشیخ محمد امین افندی حضر تلرینک ولداریلری اولوب مومی الیه
 امین افندی حضر تلری ارنحال دار بقا پیورد قلرنده صاحب
 ترجمه سعدالدین افندی حدیث سن ملا بسه سیله هنوز احرار
 رتبه خلافت انجمنلر ایکن مشیخت تکیه عهده لرینه توجیه
 پیوریلوب کندیلری پدرلرینک پیرداشلرندن در علیه ده

در آغوش آنکه سنده مسند نشین ارشاد اولان الشيخ محمد صالح صغوی خلوتی شمسی حضر تهرندن نائل خلافت اولوب جوار فیضمدار جناب مهماندار حبیب مختارده خانقاه مزبورده آیندگان و محبانی تسلیه و ترفیه پیوررل ایدی (ظریف) ۱۱۹۰ تاریخنده سلسله مشایخ سلاطینه التحاق ایله مکرم و مجمل و اول خدمت جلیله به سزاومحل پیور یلوب دور کراسی ایده رک آل محبی شیخ سعدالدین) ۱۱۹۹ تاریخی جمادی الاول بسنده حضرت ابی ایوب علیه رضوان ستار العیوب جامع شریفک جمعه وعظیه می حسب الطریق عهده لرینه توجیه پیورلد قده مشار الیه جد امجدلری یحیی افندی حضر تهرینک اثرینه اتباعی مراد و روحانیت شفیع رومه مرتبط اولان انتساب و تقریرلری مزداد پیوروب وعظیه مذکوره ایله تقاعد و اول خدمت جلیله به مواظبت ایله اختلاط ناسدن تبعاعد پیوررلریکن (غره) ۱۲۰۵ تاریخی شعبان شریفک اون ایکنجی کونی طائر روحی قفص تنیدن طیران و عزیمت بستان جنان پیوروب مشیخته کسب شرف و شان پیور دقلری خانقاهده پدر محترم لری الشيخ محمد امین افندی حضر تهرینک قبرانورلرینک جانب رأسنده اختیارازوا و ترقب نعم المأوی پیور مشلردر (الشیخ الحاج فیض الله افندی العشاقی علیه رجه الملك الباقي مشار الیه حضر تهری در سعادته خواجه پاشا قرینده سر طباحین سرای عامره الحاج حسین افغانام مرد خلوص اتسامک صلبندن (واعظ و ناصح جید) ۱۱۴۹ تاریخنده قدم نهاد عالم شهادت اولوب سن تمیزه لدی البلوغ قلبونجی زاده الشیخ ابراهیم افندی نام اسناد ورغ اتسامدن تحصیل

فنون و هنوز سن مبارک لری اون آتی به بالغ اولمش ایکن در سعادته خدیجه والده سلطان جامع شریفنده جماعه حضاره و عظمی و نصایح معارف مشحون ایله اشتغال پیوروب کون بکون جماعتک میل و رغبت لری و شیخ مشار الیه کمال فصاحت و بلاغت ایله کسب شهرت لری تزیید بولدیقه بعضی ار باب حسدک حق عالی برنده ماهمواره کلمات تفوهنه متجاسر اولدقلری مسموع عالی لری اولدقده ذات لری متاثر اولوب سمت حجازه سیاحت و اول بلاد مبارکده سنین و فیره مکث و اقامت و ار باب کمال ایله مصاحبت پیوروب کرارا و مرارا زیارت بیت حرام و زیارت روضه مطهره سید الانام ایله تشریف ایدوب بعده ینه در علیه رجعت و کل یوم ایکبشروا و چر دفعه جوامع کثیره ده وعظ و نصیحت ایله تنویر قلوب حاضرینه بذل همت و بین الناس کوچک شیخ دیمکله کسب شهرت پیور مشلرایدی جناب زبده انصار علیه رضوان الملك الغفار حضر تهرینه منسوب جامع لطیفده دخی بهر یوم اثنین بعد صلاة العصر وعظ و تذکیر و قلوب سامعینی نجلیه و تنویر پیوروب زماننده اقرانه فائق و حقنده و حیدد هر دینک سزاو لایق اولوب من جهة الباطن دخی شعب خلوتیه دن حسام الدین عشاقی طریقیه سی اوزره منسوب طریقت و مکاسب مزایای حقیقت اولمشلر ایدی (ارتحل المرشد ۱۲۱۴ تاریخی ربیع الاخرینک اون دردنجی کونی زال محمود پاشا جامعنده بعد العصر وعظ و نصیحت عقیننده جامع مزبور جولپسنده کندولرینک عهده سنده اولان حجره ده استراحت ایدرلریکن فجأة عازم تهرنگاه جنان و قادم جوار یزدان اولوب ابرتسی صلاة جنازه لری سالف الذکر زال محمود پاشا جامع شریفنده

مؤدا بعد موافقه حضرت خالده كتور يلوب تركيه رسم حسنى
وتضرمات دآب مستحسنى دخی بعد الاداءش كرامت نقشلىرى
جوار حضرت مشاراليه بهرى قادىن مكنتى مقابله كائن
مزارستانه ميان مقابر مسلمينه وديعه خاك مانند چنان قلندى
(الشيخ الحاج ملك مصطفى افندى عليه رجه الرب الهادى
مشاراليه حضرت تلى در سعادتده اسكى على پاشا نام محمله عالم
اجسامه ظهور و سن طفوليتى تجاوز ايتد كده جامع ابو الفتحده
تحصيل علوم ايتكه بذل جهد نامحصور ايدوب اخلاق حيده
ايه موصوف و طور پسندیده ايله معروف و علوم قرآن كريمه ماهر
ومتقن و فن وجوها نده استاذ متقن اولوب مسيح على پاشا جامع
جوارنده آق محمود زاده افندى مكتب شريفنده استاذى عثمان
افندى برينه معلم نصب و تعيين اولوب تعليم قرآن كريم و تفهيم
تجويد فرقان حكيم ايله سنين و فيره نشر علوم قرآن ايتد ايتشار ايدى
جوامع شتاده وعظ و تذكير ايله مألوف و عصر سليم خان ثالثده
صغير و كبر بيننده معتبر و معروف و دعاسى مؤثر و حين مكالمه ده
كمال فصاحت و لطافتندن حضار سامعين و اله دار
و متخير ايدى (اختيار) ۱۲۱۲ تاريخى حدودنده خبزه خانه قشلاعى
در ونده مهر شاه والده سلطان جامع شريفندن مشايخ سلاطينه
الهام ايله مكرم و ايام ساره دخی جوامع شتاده وعظ و تذكير ايله
درون حاضرى تئوير و تسليه باينده بر شيخ على هم اولوب
بهر جمع ايرتسى دخی بعد الظاهر جامع حضرت خالد كرسپسندده
پند و نصيح ايله حاضرى ارشاد و كمال فصاحتله جماعاتى داشاد
ايدر ايدى دور كراسى ايدى رك (ظهر الملك) ۱۲۲۶ تاريخنده

حضرت ابى ايوب الانصارى توارد عليه رضوان البارى
حضرت تلى رينه منسوب جامع اطيفك جمعه وعظيه سنه موصول
اولوب لكن كبر سن ملايسه سيله بالنفس اداء خدمت بهر اولوب
سنه مى ورنده جوار يزدانه قفول وادر نه قپوسى خار چنده
اختفا و افول ايتشار در (الشيخ احمد افندى قاسم پاشاى عليه رجه
الملك العلى مشاراليه حضرت تلى اجله خواجكان نقشبنديه دن
(ارتحال مرشد) ۱۸۸۴! تاريخنده عزيمت نعم عدن بيورن صاچلى
احمد افندى نام ذات ورج اتسامك صلب پا كندن عالم اجسامه
ظهور و پيدرلى ارتحالنده صغر سن مناسبتيله انجق دعوات
خير يه ليله پر نور بعدده سن تميره واصل اولدقده عصر ينك
فضلاستندن تحصيل فنون نامحصور و اسكدارده خانقاه هداى ده
ميسند نشين ارشاد اولان (الشيخ روشن افندى حضرت تلى دن
طريق جملوتى اوزره انتساب ايله كسب مزيد صفا و سرور بيوروب
سن كهولتندن الى آخر العمر جوامع شتاده وعظ و تذكير و معانى
قرآن كريمى و مزايى احاديث عليه افضل التسلېمى تفسير
ايدوب قاسم پاشاى احمد افندى دبو خواص و عوام مياننده
شهر تكير اولمش ايدى (واعظ ماهر) ۱۲۲۳ تاريخى حدودنده سلك
مشايخ سلاطينه وصول و نيل انواع امانى و مأمول ايدوب ايام
جمعه نك غير يده دخی جوامع كشيده ده وعظ و تذكير ايله مألوف
و قلوب حضارى انوار مواعظ مؤثره ايله تنويرده اقرانته فائز قيتله
مشهور و معروف ايدى اون بش سنه مقدارى دخی بهر صالحى كوفى
بعد الظاهر جامع حضرت ابى ايوب عليه رضوان غفار الذنوب
كرسپسندده جماعات حاضر ينه نصيحت و تفسير كلام رب العزت

ایدوب دور کراسی ایدرهك سلطان احمد خان عليه رحمة المنان
 حضرت تليزنيك جامع شريفنيك جمعه وعظيمة سني عهده لرينه توجيه
 واول مسند ايله تجليل ورفيه بيوريلوب برسته قدر دخی اول جامع
 منيرك مكر سبسنده مریع نشين ومذكر قلوب مؤمنين اولوب
 (رحل الواعظ) ۱۲۴۶ تاريخي شوال المكرمنك اوائلنده عزيمت
 لقاء يزدان ومدينه حضرت خالده كاشغري شيخ عبدالله افندي
 حضرت تليزنيك خانقاهي قیوسی اتصالنده بيرونده جانب يسارده
 درگاه مزبورده مشايخ دين شيخ عيسى افندي حضرت تليزنيك
 لخدی دروننده مترقب نعم جنان بيور مشلردر (المولى العالم الكامل
 والعامل المتورع الفاضل السيد ابراهيم افندي الشهير بكوچك
 امير عليه مزيد الغفران من الملك القدير مشار اليه حضرت تليزنيك
 والد ماجد لری سادات بلاد عجمدن اولوب فتنه صفويه اثنا سنده
 بلاد رومه هجرت واماسيه قراستدن يكجه نام قريده توطنه
 رغبت بيوروب كرامات باهره ايله متصف برولى ذوالعارف ايدى
 صاحب ترجمه السيد ابراهيم افندي حضرت تليزنى اول اوانده قادم
 عالم شهود اولوب كال زهد وصلاح اوزره نشأت وسيرت حسنه ايله
 سن تميره وصلت بيورديلر پدر مكرملرينك جله كراماتندندر كه
 آوان پيرلكده دیده مباركلرينه عمامستولى اولغاله مالا يعنى دن
 اعراض وتولى بيور مشلرايدى بركون ولد مكرملرى صاحب ترجمه
 حضورلنده سرلنده اولان كسوهي الله الوب مبارك باشنى كشف
 ايتش ايكن پدرلى ياسيد ابراهيم برودت هوا صابنددن محافظه يه
 دقت و باشكى اورتمكه مبادرت وجانب احتياط درعايت ايله بيوروب
 صاحب ترجمه دخی پدرلندن سؤال وديده نايين ايله بنم مكشوف

مناقب كروچك
 امير افندي

الرأس اولديغى نه كفينله رؤيت بيوردى كرزديوسرد مقال ايتد كده
 پدرلى اول وجهله بيان حقيقت حال بيورديلر كه جناب قادر
 مطلقدن بر لحظه سنك وجهكه نظره رخصت رجاليتمش ايدم
 دعام قرين حسن قبول اولوب كوزمده سنى كورمكه قدرت
 احسان باری اولدقده اول لحظه سنك كشف رأس ايتديك
 وقته مصادفت وبرمقتضای ابوت قلمده آثار مرحمت وشفقت
 حركت ايدوب اول اجلدن سكا بوكونا خطاب ايله ابراز مروت
 ايلدم شقايق نعمانيه نام كتاب جليلده پدر صاحب ترجمه نك
 كرامات سائر سنى ذكر و املا اولتمش ايسه ده بو مختصرده بو قدرله
 اکتفا اولندي ودخی صاحب ترجمه كوچك امير افندي حضرت تليزنى
 بحصيل علوم ضمننده بروسه به رحلت وفضلاء زمانندن نلمذه علوم
 شتاده ابراز غيرت بيوروب شقايقده مفصلا داخل سطور اولان
 حكايات بي پايانك تحققدن نصكره اما سیه نك امر فتوا سى عهده
 عاليلرينه احاله اولتمش ايدى او ايرايام سلطنت بايزيد خان ثابده
 ترك تدريس وفتوى ويوميه بوز درهم معاش تخصیص قلنه رق
 التزام عبادت ولوازم تقوى بيوروب فصل ثالثده آتى الترجه
 بابا يوسف بيرامى حضرت تليزنيك ارتحال كرامت مأللرنده جامع
 حضرت خالد رضى عنه الفرد الواحد حوايسنده فى القديم اولان
 حجرات مدرسه اعتبار بيوريلوب صاحب ترجمه حضرت تليزنى
 اول مدرس بها اوله رق تدريس سزاومحل وذاتلى مكرم وميجل
 اولش ايدى اوائل سلطنت سليم خان اولده طرف بادشاهيدن
 مشار اليه حضرت تليزنى ايچون جوار تربيه حضرت خالده بر منزل
 اشترى بيوريلوب صاحب ترجمه اول منزلده اسكان ومنزل مذكورى

مدرسه حضرت خالده هرکیم مدرس اولور ایسه ساکن اولمق
شرطیه صاحب ترجمه وقف ایتمکله کسب اجور بی پایان ایتمشله
ایندی مولانا موی الیهک مناقب جمیله لرینه بو مختصرک مساعده سی
اولماغله بوقدرجه ذکر یله ترک اطاله و مناقب سائر لری کتاب شقایقه
حواله قلندی سن مبارک لری طقسائی متجاوز ایکن (زادت خسته)
۹۳۵ تاریخی خلانده انتقال دار بقا و جامع حضرت مشار الیهک
جانب شر قبیلنده دائمی اشتغال عبادات پیوردقلری پیشگاهنده
توقرب روزلقا پیوروب قبر مبارک لری الآن زیارتگاه ارباب تقادر
مدرسه مذکوره تک تدریس یله کسب افتخار پیورن افاضل سائرینک
مناقب جمیله لرینه ظفر یاب اولنه مدیغندن فصل آخره کذر
اولندی نرجوالله تعالی ان یغفر لنا و لاسلافنا الکرام بحرمة حبیبیه
علیه الصلاة والسلام و بحرمة خالد بن زید فخر الانصار العظام

(*) فصل ثانی (*)

حضرت خالد بن زید الانصاری دام علیه رضوان ربه الباری
حضرت تریته نسبت ایله کسب شرف بسیار ایدن معبد براتوارده
خدمت خطابت و امامت ایله روحانیت خالیدییه انتساب پیورن
مخلصان ذوی الالباب حضرتانندن مناقب حسنه لری ظفر یاب
اولنان ذوات کرامک بحرندن قطره مثال پیام احوال لری بیاننده در
(ابوالمواهب الخطیب الحنفی علیه رحمة من یعلم الجلی و الخفی
مشار الیه حضرت تری دیار حلبدن نشأت بعده شامه و مصره
رحلت ایدوب ائمه عصرندن علوم ظاهره و معارف باطنیه بی
استحصاله مواظبت و ابن حجر عسقلانی امثالی کبار محدثیندن احادیث
شریفه اخذ و روایت وجهه سندن تناول اجازت و مصر قاهره ده

افاده

افاده علوم شتایه بذل همت پیور مشلرایدی آخر الامر ملوک
چراکسه نک خلاف شریعت اجدیه اولان اوضاعندن نفرت
ودیار رومه هجرت ابتد کلرنده جانب دولت علیه دن کندولرینه
مناصب عالیه تکلیف اولندی ایسه ده جمله سندن تمناعت ایدوب
درس و وعظه بذل مقدرت و روحانیت جناب حضرت خالده
انتساب نیت خیریه سبله جامع حضرت مشار الیهک خطابتیه
محبت و خدمت مذکوره و بعضا جامع مشار الیهده حضار مجلسه
وعظ و نصیحت ایله کسب مزید حلاوت پیورر لرایکن (خطیب
منبرانی ایوب ۹۴۵ تاریخنده عزم سفر آخرت و ادرنه قیوسی خارچنده
ابراهیم حلبی نام و مشهور انامک مرقدی مقابله سنده ترصد روز قیامت
پیور مشلردر (الشیخ احمد المسیری المصری علیه رحمة الباری
مشار الیه حضرت تری قرای مصردن میم مفتوحه و سین ساکنه
ویاء مفتوحه و آخرنده را ایله مسیر نام قریه معموره دن نشأت
وسن طفولیتی تجاوز ایتد کده نفس قاهره به رحلت و علماء مصردن
استفاده علوم ظاهره و باطنیه بذل همت پیوروب ناصر الدین
الطیلاوی نام زبده قراء انامدن اخذ وجوهرات قرآن و علوم
قوانینه نبل رتبه اتقان پیور مشلرایدی اواخر سلطنت سلیمان
خان اولده صدر اعظم اولان مر حوم شهید محمد پاشا صاحب
ترجمه بی در سعاده دعوت ایدوب جوار تر به حضرت خالده
بنا و احیای لیدیکی تر به لطیفه سنک شیخ القرائی ایله صاحب
ترجمه بی داشاد و دار قرانک اتصالنده شیخ القرائی اولنره مشروطه
اوله رق بر خانه بنیاد ایدوب در علیه ده علم و جوهر قرآنک نشر و تکریرینه
بو وجهه صرف مقدور و صاحب ترجمه بی کمال رعایتله محفوظ

ومسرور ایتش ایدی حتی جامع الرسالة فقیر برتقصیرک علم وجوہده
سندی التي واسطه ایلہ مشار الیہ حضرت تلیزینہ پیوسته واجازت
نامه ده اول وجهله نوشته در بعده مشار الیہ حضرت تلیزینہ مستفیدینہ
تعلیم کلام رب العزت وتفہیم علم وجوہ قرأت وجناب محبوب
حبیب کبریا اولان حضرت ابی ایوب علیہ رضوان کاشف الکروبہ
منسوب جامع مرغوبہ صفوف مسلمینہ امامت پیورر لری ایکن
(روض) ۱۰۰۶ تاریخندہ عزم صفاء سرمدی پیوروب سابق الذکر
شہید محمد پاشا مرحومک تر به سی خارجندہ میان قبور موحدیندہ
اختیار قرب جناب خالدی پیور مشلردر (خطیب مصطفی افندی
علیہ رحمة الملائک الہادی مشار الیہ حضرت تلیزینہ جامع حضرت
خالدہ سنین وفیرہ خطابتہ اقدام واول خدمت جلیلہ ایلہ جناب
مہم اندار نبی مختارہ تقریک اسبابی التزام ایدوب آخر الامر
(حبیب خطیب مصطفی افندی بہ) ۱۱۰۸ تاریخندہ عزم سفر عقبہ
وتربہ شریفہ نک جانب شرقی سندنہ اولان مقارک مقابلہ سندنہ
میان مراقبہ موحدیندہ رہر استندہ اطرافی دمر بر مقلق ایلہ محاظ
محلہ تر صدر و زجزا ایتش لردر (الشیخ الحاج ابراہیم افندی الشہیر
ببالطہ جی امام علیہ رحمة ربہ العلم مشار الیہ حضرت تلیزینہ
(صاحب زهد واستقامت) ۱۰۸۵ تاریخندہ سواحل بحر سیاهدن
بعض بلادنا طولیدہ عالم اجسامہ ظہور و سن تمیزہ بالغ اولدقدہ
در علیہ یہ قفول و عبور ایدوب سرای سلطانی خدمہ سنہ التحاق
ایلہ کسب مزید سرور و تحصیل علوم نافعہ یہ بذل سعی نامحصور
وبعد زمان تبرداران سلکینہ منسلک اولغلہ نبل ابتہاج موفور
ایتش لری ایدی سن کھولیتدہ زهد و ورع ایلہ اتسام واعمال

صالحہ یہ مواظبتدہ اہتمام اوزرہ امرار ایام پیورر لری ایکن
(تحقیقا زمن جودت) ۱۱۲۹ تاریخنی خلاندہ لقبہ جی زادہ
محمد افندی یزینہ حضرت ابی ایوب الانصاری علیہ رضوان
الباری حضرت تلیزینہ منسوب جامع شریف و معبد منیفک
امامتیلہ بکام واول جامع غالبہ مقتدای اہل اسلام والدیبر
بلدہ حضرت مشار الیہک اہال بسندن چوق کیمسہ مبتلای راء
جہالت وسوء عقیدہ ایلہ دوچار مرض ضلالت اولمشلر ایکن
صاحب ترجمہ تعلیم ضرورات دینیہ وتفہیم معتقدات شرعیہ
خصوصنہ بذل مقدور واتواع بند ونصحہ اہالی بلدہ نک چوغنی
جانب صلاحہ مبلہ ارشاد و قلبلرین معمور ایدوب الحاصل بلدہ
طیبہ نک اہالی بسی سوء حال ایلہ اتصاف ایتش ایکن صاحب
ترجمہ نشر علوم ایلہ انلری حسن عقیدہ واعمال پسندیدہ ایلہ
مزین و مسرور ایتکلہ مظہر توفیق باری اولدی بعدہ کبر سن
مقتضا سنجہ عروق واعصابنہ ضعف کلی طاری و بذلہ وجودنہ
کون بکون وھن و عمل مستولی او اوب اداء خدمتہ اقتدارینک
نقصانی ادراک و مشاہدہ ایتدکدہ (سرد فیض) ۱۱۵۴ تاریخندہ
خدمت امامتی وعہدہ سندنہ اولان جمیع جہاتی داماد مکرملری
و بو عہدہ بآنسک جد اکرمی الحاج صالح افندی نام اخلاص
اتسامک عہدہ سنہ فراغ وحوالہ وجہلہ سندن کفید ایدوب
اشتغال عبادات و طاعات واختلاط ناسدن عزالت طرفنہ فکرینی
امالہ ایتش ایدی (ودنقد رضا) ۱۱۶۵ تاریخنی حدودندہ اسکداردہ
واقع والدہ سلطان جامع جدیدک جمعہ وعظیہ سی بلا طلب
عہدہ لرینہ توجیہ و سلسلہ مشایخ سلاطینہ التحاق ایلہ تحصیل

و ترفیه پیور یلوب دور کراسی ایدہ رک (الواعظ العامل) ۱۱۸۰
 تاریخی ذی القعدة سنہ ایاصوفیہ کبیر جامع شریفی کر سبسنده
 حریج نشین و مفسر قرآن مبین اولمشلرایدی ککل یوم جامع
 حضرت خالدہ موقت او طہ سنہ کلوب ظہر و عصری جماعتہ
 ادا و لوازم بیتی بالنفس تنظیم ایله اثر نبوی یہ اقتفا و اقتدا ایدوب
 صلاۃ مغرب و عشاءہ دخی منزلتک محله سی مسجدی قاسم چاوش
 مسجدندہ جماعتہ دوام و صلاۃ صبحی اکثر یا کاشغری در کاهندہ
 پوست نشین اولان شیخ عبسی افندی حضرت تارینہ اقتداء ادایہ
 اقدام پیوردقلری پدر حرمون بالدفعات مسموع عاجزی
 اولمشدرسن مبارکاری یوز سنہ یہ بالغ اولمش ایکن (مرشد صاحب
 سکینت) ۱۱۸۵ تاریخی ربیع الاولنک یکرمی دردنجی کونی عزم
 بزم علین ایدوب جامع مشار الیہک قر بندہ حکیم قطب الدین
 مکتب شریفی حظیرہ سنہ قبر مبارکاری زیارتکاه زوار محبیندر
 (الشیخ الکامل) والاستاد الفاضل والد جامع الرسالہ الحاج
 عبداللہ افندی تغمده اللہ تعالی بالغفران السرمدی مشار الیہ
 حضرت تلمری (المذکر النصوح) ۱۱۷۶ تاریخی رمضان شریفنک
 اون برنجی کیچہ سی وقت امسا کہ قریب عالم شہادیہ وضع قدم
 و بلده مبارکہ حضرت ابی ایوبہ حسن نشأت و نیک سیرتہ
 سن طفولیتی اوانندہ اقتراف جمیل شیم ایدوب (حافظ ابر) ۱۱۹۲
 تاریخندہ حفظ قرآن کریم ایله مکرم اولمشلرایدی بعدہ تحصیل
 علوم عربیہ و ادبیہ دہ افناء وجود و آتی الترجہ لعلی زاده افندی دن
 اخذ وجوہات ایله کسب سعود امتاذینک ارتحالند نصکرہ
 رئیس القرا الحاج صالح افندی نام استاذ انامدن اخذ اجازت

نبیل

نبیل شرف نامعدود ایدوب اتقان وجوہات قرآنیدہ درجہ کمالہ
 صعود ایتشلرایدی پدر لربنک حال حیاستندہ خدمت امامت
 و تعلیم علم قرأت و فنون شتایی اقراء و دراستہ کسب رضاء رب
 و دود ایدوب (اکتساب اجر و ثواب) ۱۰۲۳ تاریخی محرم الحرامندہ
 پدر لری الحاج صالح افندی (عزم بزمکاه ریاض) ۱۲۰۳ ابتدا کردہ
 بالاصالہ ابی ایوب الانصاری حضرت تارینک جامع منیر لرنده خدمت
 جلیلہ امامتہ مشرف و مسعود اولدقده ینہ متمادی تعلیم علوم
 شرعیہ و تفہیم تجوید کلام رب البریہ ایله اشتغال و شیخ مراد
 در کاهندہ مسند نشین ارشاد اولان الحاج محمد افندی نام مرشد
 انامدن اخذ اثابہ طریقت علیہ نقشبہ دن خلافتہ تہذیب
 حال ایتشلرایدی (ارضاء باری) ۱۲۱۵ تاریخی اواخرندہ مہر شاہ
 والدہ سلطان طاب تراھا حضرت تارینک تربۃ منیفہ لری مقابلندہ
 مکتب شریف بنا و احیای پیورلدقده معملک خدمت علیہ سبلہ
 مجمل و علی الدوام تعلیم قرآن و تدریس علوم فراوان و بہر یوم
 ایکی دفعہ جامع شریفندہ تفہیم مسائل شرعیہ ایله اکتساب
 اجوری پایان ایدہ رک خواص و عوامک حسن ظننہ محل
 اولمشلرایدی مکتب مشار الیہک بناسندن اقدم اون بش سنہ
 مقداری محل آخردہ مداوم اولدقلری بہر رمضان شریف ختم
 شریف ایله تراویچی اداء سنت سنہ سنی مکتب مومی الیہ
 تقلد نصکرہ اندہ ادا و بالجملہ قرق بش سنہ مقداری اول وضع
 کزیدہ ایله اسلاف صالحینہ اقتفا و اقتدا ایتشلرایدی (فوران فیض)
 ۱۲۲۷ تاریخندہ نصکرہ خدمت امامتی بو بندہ لرنہ حوالہ ایدوب
 (بد الفاضل المحقق) ۱۲۲۸ تاریخی ذی القعدة سنک اون سکرنجی

کونیه مورخ اسکدارده ایازمه جامع شریفیندن دفعه ذیل مشایخ
سلاطینه دخول ایدوب وعظیه مذکور عهده لرینه احاله
اولمش ایدی (عزیمت بیت اله و حرم) ۱۲۲۹ تاریخی او اسطینده
عازم راه حرمین اولدقلرنده کافه خدماته بو حقیری توکیل و بعد
اداء الحج عود تلرنده عامه فکر لرینی عبادات و طاعات و انواع
تألیفاتیه توصیل و یکر می جلددن متجاوز فنون شتاده صغیر و کبیر
کتاب نفیسه تصنیف و تألیف ایدوب کسب رضاء رب جلیل
ایتمش لرایدی (شیخ القرا) ۱۲۴۲ تاریخی رجب شریفینک او اخرنده
دار السلطنة السنیه نک رئیس القرائی عهده لرینه محول (ثروت علم)
۱۲۴۶ تاریخی شوالنک یکر می بدیسنده دخی سالف الترجه قاسم
پاشالی احمد افندی رینه حسب الطریق سلطان احمد خان
علیه درجه الدیان حضرت تلرینک جامع شریفینک جمعه وعظیه سبیل
میجل اولوب بعده (اظهار علم) ۱۲۴۷ تاریخی او اخرنده انقره وی
الحاج علی افندی محمولندن سرای معلای شیخ القرائیه مفضل
و جنتمکان خلد آشیان خداوند کار سابق لازال محفوظا بغفران
ربه الخالق حضرت تلرینک سابقا و لاحقا انواع التفات بیغایات لرینه
مظهر و محل اولمش لرایدی (انتقل مع علم القرآن الحکیم) ۱۲۵۲ تاریخی
ربیع الاولنک او اولنده مزاج لرینک انحرافنک تزییدی نمایان اولوب
ربیع الآخرک بدینی پنجشنبه کیچمسی ساعت سکر صورلنده طائر
روحی قفص تنندن طیران و عزم کاستان جنان ایدوب ایرتسی
بالجمه مشایخ و علماء نهاریر و طلبه دن جم غفیر واحباء مخلصیندن
خلق کثیر توارد و لوازم تجهیز و تکفین ترتیبیه باقلوب احضار
جنارزه ترصد اوزره ایکن جانب پادشاه مغفوردن مأمورین ظهور

و جمع امصار فی تنظیمه مأمور اولدقلرینی بیان ایله کافه لوازماتی
ادایه صرف مقدور ایله ابراز صداقت و بزره برافقه صرف
ایتدیر میوب عطیه پادشاهیدن انفاق و اعطایه بذل همت ایدوب
پادشاه قدردان علیه رجه المنان حضرت تلری والد مر حومه بورعایت
واحسانله بزره افتراق پدری انسا و جله مرزی عنایات بی غایاته نبیلله
مظهر الطاف بیهمتا پیور مشلردر بعده وقت ظهر تقرب ایتدکده
مر حوم مومی البهک نعشی مصلاهی جامع حضرت خالده
رؤس طلبه علومده نقل و احضار اولوب بعد صلاة الظهر
غازلری ادا و اندن مواجهه شریفه ده رسم ترکیه مؤدا و حضار
مسلمین مر حوم مومی البهک حقنده درگاه الهیدن رحمت و غفران
رجا ایله رفع یداید رک هر کسک مر حوم مومی الیه حقنده حسن
شهادتی تواتر و ایدا اولوب تربیه جناب مهماندار رسول خدائک
جانب قد منده جدار فیضمداره متصل اوتوز سنه اقدم مهیا
ایتدکری قبر مغبوط اهل عصره نقد وجود لری و دیعه و مهمان
و خاکای شفیع رومده زیارتکاء زوار مخلصان و محبان فلندی
نفعن الله تعالی ببرکاته و برکات سائر الاسلاف الاخیار و نور بواطننا
بانوار حبیبه المختار و شرفنا بشفاعه خالد بن زید مفخر الانصار

(*) فصل ثانی (*)

حضرت شفیع روم و مهماندار معدن العلوم علیه مزید الرضوان
من الحی القیوم حضرت تلرینک تربیه داراق خدمت جلیله سبیل
شر فیاب و سالک راه صواب اولان مطنه ذوی الالباب حضرت اتندن
بعض مشاهیر واقطاب حضرتنک بر ریزه ترجمه احوال
مستطاب لری بیانده در (الشیخ العارف الکامل و القطب المتورع

الفاضل بابا یوسف سفر یخصاری البیرامی قدس سره السامی
مشار الیه حضرت تتری بلادنا طولیدن سفر یخصار نام بلده ده
بیدار و بعد التحصیل شیخ آق شمس الدین قدس سره ربه المبین
حضرت تترندن اخذ طریق بیرامیه ایله وایه دار بعده خلافتله
نازل فیوضات بسیار اولمش بر پیر صاحب وقار ایدی باب خامسک
فصل اولنه داخل سطور رساله اولدیغی اوزره هر شد پرمکین
الشیخ آق شمس الدین حضرت تتری بلده قسطنطنیه دن وطن
اصلیرینه رجعت یوردقلرنده صاحب ترجمه آستانه حضرت
ابی ایوب الانصاریده زاویه دارومشهد منور حضرت مشارالیه ده
تربدار اولوب دائماً ناسه وعظ ونصیحت ودلائل راه هدایت
ایله اوقات گذار اولورلر ایدی در علیه ده سلطان بایزید خان
ولی علیه رحمة ربه العلی حضرت تترینک بناوا حیا یوردقلری
جامع شریف (خیرنامی) ۹۱۱ تاریخنده رسیده حسن ختام
وواصل جیل انجام اولدقدن بانی مشارالیه ابتداء صلاة جمعه بی ادا
ضمننده تشریفه اقدام یوردقلرنده صاحب ترجمه قرأت خطبه به
مبادرت و بعد الصلاة کرسی جامع مزبوره حضار مسلمینه پند
ونصیحت ایتدکلرنده سلطان زمان وجاعت اهل ایمانک قلوبنه
تأثیر بلیغ ایله بخش لطافت و طراوت ایتدیکندن فضله بیرون
جامع شریفده بقیه عمله دن اوج شخص نصرانی مواعظ
حضرت شیخدن متأثر و در عقب حضور شیخده شرف اسلامه
تشریف متبادر اولدقلرنده جناب بایزید خان شیخ مشار الیه دن
بو کرامتی مشاهده یوروب غایتله خندان واشخاص مزبورونه
عطایای جزیه احسانیه مظهر ثناء فراوان اولمشلردر بعد ازین

جناب بایزید خان ولایتک جانب شیخه محبتلری مزید وینهماده بنوت
وایوت معامله سی بدید اولوب بعد زمان شیخ مشار الیه صله سنه
واروب اندن حج شریفه کتمک باینده جناب بایزید خاندن استیذان
ایتدکده بعد الحج ینه در علیه به کتمک شرطیله اذن شاهی ظهور
وجناب شیخ دخی بوشرطی ایفایه تعهد ایده رک سفر یخصار
جانبه عبور ایتمش ایدی وقتاکه شیخ مومی الیه وطن اصلیسنه
واصل اولدقدن بر کیمجه عالم منامده حجر اسود نزدننده برکاب منظوم
تألیفیه مأمور اولوب کعبه مکرمه به وصوللرنده اصلا
نظمه الفتلری یوغیکن باسنوحات ربانیه مأمور اولدقلری
وجه اول کتابی تألیف و بعد اداء حج شریف ینه در سعادت
تشریف وعهد سابق انجام زایله درون پادشاه حضرت مشار
الیهی تطیب وتلطیف یوردیلر و بعد زمان پادشاه مشار الیه
بر دفعه ینه جناب شیخی نزد عالیترینه دعوت وودیع اوله رق
بسیار دینار کامل العیار تسلیم وامانت یوروب یوردیلر که اشبو
دینار بنم مال حلالدن اولوب بونی مدینه منوره ایصاله همت
ومواجهه روضه مطهره دم یارسول الله سنک امتکک چوبانی
بایزید که برکنه کار قولدر بوالتوننی سنک حجره معطر کده آویخته
قلنان قنادیله زیت بها اوله رق هدایه جسارت ایتمشلردر دیو
خاصکیای رسالتدن طلب حسن قبول واسترجاء شفاعت
ایتمکرم مطلوب بدر پس شیخ حضرت تتری هماندم امر سلطانه امثال
وجانب مدینه طاهره به شد رحال ومطلوب اولدیغی وجهله
اماتی محلیه ایصال بعده مکه مکرمه به واروب سابقده ذکر اولنان
کتاب منظومی اتمام واکمال یوردیلر منقولدر که حجره نبویه نک

جدارنده بر عصا موضوع اولوب خدام حرم نبوی اول عصایی
محافظه به غایت تقید و فرد واحدك اخذ والتقاطندن حراستنده
تا كد ایدرلر ایدی جانب شاه امدن بابا یوسف حضرت تهرینه عالم
سیرانده فرمان پیغمبری ظهور وعصای مومی الیهایی اوج شق
یدوب بر قطعه سنی بروسه ده امیر سلطان قدس سره المنان
حضرت تهرینك تربیه سنه و قطعه ثانیه سنی انقره ده حاجی بیرام ولی
قدس سره العالی حضرت تهرینك مشهدينه و بعض نسخ
شقایق هامشده منظور حاجزی اولدیغی اوزره قطعه دیگر بنی
دخی صاحب ترجمه نك وطن اصلبسی سفر بحصارده علاءالدین
سمرقندی قدس سره الیهادی حضرت تهرینك مرقد بنه ایصال
باینده امر رسول الله ظهور ایدوب فرداسی صاحب ترجمه روضه
طاهره و اروپ عصای مومی الیهایی اخذه تصدی ایندکده
آحاد خدام ممانعت ایتدیلر ايسه ده در عقب رئیس خدام بید
اولوب و آحاد خدامی ممانعتدن منع و تبعید ایتدی اول وقت شیخ
حضرت تهری اول عصایی بروفق امر پیغمبری آلوب وطنه عودت
و اعر نبوی اوزره اوج شق ایدوب بهر بنی مشارالیههم حضرت انك
مشهدلر بنه ایصال ایله اجرای مأموریت بعده در علیه رجعت
بیوردیلر جوار مهماندار سید ابرارده ذکر یزدانه مواظبت و خدمت
جليله حضرت مشارالیهده روحانیت خالديه از دیار قربت
وانسبت بیورلر ایکن (روحنه رحمت) ۹۱۷ تاریخی خلاصه عزم
ریاض جنت بیوروب تربیه حضرت خالدك جانب رأس سعادتنده
قبر انورلری سنك مزارلرنده بیرامی تاجيله زیارتگاه صلحاء امتدر
شیخ مشارالیهك ارتحالند نصکره آستانه حضرت خالدك

زاویه لکنندن صرف نظر اولوب سابق الترجه کوچک امیر
افندی حضرت تهرینه بوجه تدریس توجیه اولوب الی الان اول
وجهله معتبردر (الشیخ عبد الخالق الانطاکی علیه رحمه ربه
الیهادی ماضك الضاحك و مابکی البایک مشارالیه حضرت تهری
انطاکی الاصل اولوب در سعادتده ورود و مدت مدیده حضرت
ابی ایوب الانصاری رضی عنه الباری حضرت تهرینك تربداراق
خدمت جليله سیله نیل شرف نامعدود بیورمشلر ایدی ارتحاللرنده
خدمت مذکوره مخدوم مکرملری امیر افندی دینکله مشهور
السید محمد افندی حضرت تهرینه انتقال ایدوب مشارالیه حضرت تهری
دخی اول خدمت جليله ایله کسب شرف نامحصور و آفتاب فیض
از لیدن استفاضه نور شعور ایدوب احد انصاری نام استاذانامك
در سنه ملازمت ایله نیل فیوضات واجور ایتشلر ایدی در سعادتده
قوجه مصطفی پاشا شیخی نجم الدین حسن افندی حضرت تهری
بونلرک همشیره لر بنی تزوج ایدوب اول مناسبه ایله بونلر طریق
تدریسدن فراغت و شیخ مشارالیهدن اخذ بیعت بعده روم ایلنده
بر زمان سیاحت ایتشلر ایدی عزیزلری جانب یمنه عزیمت ایتدکده
بونلر سیاحتده بونلر مشارالیه نجمی حسن افندی حضرت تهرینك
بلاد یمنده ارتحال آخرت بیور دقلرینك خبری هنوز در سعادتده
شهرت بولمزدن اقد مجه صاحب ترجمه محمد افندی در سعادتده وارد
واول اثنا ده صله سنه نیت ایدن حاجی اوحد تکیه سی شیخی
باقی زاده مشیختی بونلر فارغ اولوب بونلر اول مقامده زمره
مرید بنی مرشد ایکن انشته لری حسن نجمی افندی حضرت تهرینك
یمنده بقایه رحلتلری مشهور و درگاه قوجه مصطفی پاشاده

عدلی حسن افندی حضرت تلی خدمت ارشاده مأمور بیورد قدده
 بونلر مشار الیه عدلی حضرت تلی تجمید بیعت و نیل خلافت
 بیور مشلرایدی (اخلاص سرمد) ۱۲۰۶ تاریخنده مشار الیه
 عدلی حسن افندی حضرت تلی عزم بزم اولیای بیورد قلدنده
 مسند مشیخته بونلر و وصول وار شاد مریدین الیه مشغول اولمشلر
 ایدی (اهل الشیخ محمد) ۱۰۳۹ تاریخنده حج شریفه عزیمت و بعد
 اداء النسک مدینه منوره به رحلت بیورد قلدنده مزاج مالیرنده
 انحراف ظهور و چند روز ظرفنده ریاض جنته عبور بیوروب
 بقعه شریفه ده الفت روح سرور انام الیه کسب صفا و سرور
 بیور مشلردر (توقادی الشیخ محمد امین افندی) قدس سره
 یالتقدیس السرمدی مشار الیه حضرت تلی بلاد اناطولیدن
 توقات نام بلده دن نشأت و بلوغ سن تمیزده لاجل تحصیل
 در سعاده هجرت وزیرک قربنده صغوق قیومدرسه سنده مکث
 واقامت و افاضل عصرندن علوم نافعه تحصیلنه بذل مقدرت
 ایشلرایدی بعده مکه مکرمه جاننده راحل و اول بلده مبارکده
 تسلیم مریدین الیه افاضه فیوضات بیورن (الشیخ یکدست
 احمد جوربانی حضرت تلیینه باسوق الهی واصل و طریقته عایه
 نقشبندیه اوزره امر شیخله عامل و آخر الامر رتبه خلافتنه نائل
 بعده بامر شیخ در سعاده قافل اولمشلرایدی در علمیه ده ابوانسرای
 نام محل قربنده امیر بخاری قدس سره الساری حضرت تلیینه
 منسوب تکیه نک مشیختی ذاتلرینه سزا و محل کور بلوب کرامات
 سنیه بی همتاری مستقیم زاده رسائلنده و السنه صوفیه ده
 و مناقب جمیله لرینی بیان حقنده بندکان خواصلرندن یحیی

افندی نام ذاتک جمع و ترتیب ایتدیکی رساله ده ملخص و محصل
 اولوب بوقدرله اکتفا اولندی پیرداشلی الحاج بشیراغا دار
 السعاده الشریفه اغاسی ایکن بردفعه حضرت ابی ایوب الانصاری
 علیه اکل رضوان الباری حضرت تلینک تربدار قلدندن بریسی
 محمول اولدقدده صاحب ترجمه الیه اغای مشار الیهک پینلرنده
 کذران ایدن مقاوله به بناء جهت مزبور نک عرضنی صاحب
 ترجمه به ارسال و لوازم اخوتی اکل ایدوب مشار الیه حضرت تلی
 دخی خدمت جلیله لازمه لرینی ادا و نیت خیریه سیله تربه
 حضرت خالده ورود و اول کیجه روضه خالده ده استفاضه
 فیوضات نام معدود بیوروب فردا سی اولدقدده بنم اول ذات
 عالیقدرک شاننه رعایتده قصورم اوله جغنده شههم یوقدر دیو
 عرضی بنه اغای مشار الیه ارجاع و کمال خشیتلرندن ناشی
 اول جهتی قبولدن امتناع بیورد قلدنی ثقات اسلافدن قارعه
 سمع فقیر اولمشدر عزیز مشار الیه (مبرات و ثواب) ۱۱۵۸ تاریخی
 شعبان شریفنده عزم جنان و قدوم جوار یزدان بیوروب ذکر
 سبقت ایدن مدرسه نک قربنده قبرستان اهل ایمانده قبر انورلری
 زیارتیکاه محباندر (استاذنا الحاج ابراهیم افندی المعروف بنعلی
 زاده زاد الله فی الدار الباقیه زاده) مشار الیه حضرت تلی سلطان
 احمد خان ثالث حضرت تلینک مقر بانلرندن (نعلی الحاج علی
 اغا نام ظرافت اتسامک نجل اری و ولد ادیبی اولوب (ظهور حیحی)
 ۱۱۲۹ تاریخی حدودنده عالم اجسامه قادم و حال صغرنده تحصیل
 الفساظ قرآنیه به مقدم و سن تمیزه پیوسته اولدقدده اندرون
 همایون خدمه سنه ملحق و علم موسیقیده تحصیل تفتن ایتکله

اول فنده استا ذكل دينك حقنه سزا واحق اولمش ایدی
بعده اوئل عصر سلطان محمود خان اولده (حافظ نعلی)
۱۱۴۹ تاریخنده حفظ قرآن کرمه محبت و شب روز ابراز
غیرت ایدوب زمان یسیرده حفظ کلام باری ایله تفوق اقران
و اول وقتده سرای عامره شیخ القراسی اولان استاذ ماهر
و حبر متبحر رئیس القراء والمحدثین المتقین فی علم الحدیث
وتفسیر القرآن المبین شارح فخری یوسف افندی زاده الحاج
عبدالله افندی حضرت تدریدن تجوید و ترتیل قرآن عظیمی اتقان
و علم وجوهاتی اخذ و تلقی ایله نیل مزید عرفان ایش ایدی
(منبع فیض حق) ۱۱۶۰ تاریخنده پدرلی سالف الذکر الحاج
علی اغایله بالمعیه حج شریفه عزیمت ایتد کده استاذ و مسندی
الحاج عبدالله افندی حضرت تدریدن علم وجوهانده اخذ اجازت
شرفیله خوشحال و راه بیت خدایه عزیمتله نائل امال اولوب
پدری راه حجه را انتقال اخرجت و کند و سی بعد اداء الحج در سعادت
عودت ایدوب جناب مهماندار حبیب کبریاعلیه رضوان رب البرایا
حضرت تدرینک تربیه دارلق خدمت موجب المفخرتیله مشرف
و واصل مزید شرف اولمش ایدی ذات مشارالیه خوب صدا
و خوش ادا علم و سقیده یکانه وجودت تلاوته قانون زمانه
و وقتنده بردانه اولدیغندن مولد خوان اول اولغه سزا و محل
کور لمش بری بدل صاحب ظرافت آلوده سیرت پاکیزه طہنت
شیخ عارف اولوب اکثر جمعه لرده جامع حضرت خالده حسبی
خطابت و تربیه شریفه ده نوبتی اولد فجه محراب جامع خالیده
صلوة عشاء و فجرده تبرکا امامت ایدوب جماعت حاضرین

بخش اطافت و طراوت ایدرلر ایدی سعاد تخانه لری اگری قیو
داخلنده یطغان چشمه سی نام محله اولوب نوبتلی اولد فجه
ذهاب و ایاده و تربیه شریفه ده متمادی تلاوت کلام باری ایله
استحصال اجور بی حساب و اوقات سارده ده دخی دائم تلاوت قرآن
کریم ایله اشتغال و بهرالتی کونده بر ختم شریف ایله مواظبت کلام
ذوالجلال ایدرلر ایدی (آخرت) ۱۲۰۱ تاریخی ماه جمادی الاخره
یکرمی اوچنجی پنجشنبه کونی فجأة عزم کلزار ماوی ایدوب فرداسی
روز مبارک جمعه ده مدت مدیده خدمت علیه سنده اولد قلی
جناب ابی ایوب علیه رضوان علام الغیوب حضرت تدرینک جامع
شریفی مصلاسنده صلاة جنازه لری ادا و مواجعه سعادت
تزکیه دأب مستحسنی مؤدا اولند قد نص کره بالجملة خدمه جامع
و تربیه و جمیع یاران واحبا بالمعیه نهشتی آلوب اگری قیو خارچنده
خطاط مشهور راسم افندینک قبری جوارنده مهیا اولان قبرینه
ایصال و اول خاك عطرنا که کجینه وجودنی دفن و ادخال ایتدیلر
(محمد امین افندی الملقب بملک حافظ مشارالیه حضرت تدری
بلده طیبه حضرت ابی ایوب الانصاری رضی عنه الباریدن بدید
وسن طفولیتی کذران ایتد کده تحصیل علوم و معارف جانبیه میل
و رغبتی مزید اولوب آوان شبایده زهده و ورع ایله آراسته و هوا
و هوس و تضییع اوقاتدن و ارسته ایدی حفظ قرآن کریم ایله
شرفیاب و سابق الترجه نعلی زاده افندی دن اخذ وجوهاته
رہیاب و اجازت شریفه ایله نائل حظوظ بی حساب و علوم عربیه
و فنون ادبیه و علم حدیث و فرائض و علوم سار و معارف باطنه نک
استکمالنه عصرینک علما و مشایخندن اخذ و تلقی یه ظفریاب

اولوب خط تعلیق و بالجمله فنونده مجاز اولمغله کمال استعداد
و اتقانی تحقیق ایتمش ایسه ده عوام احبابندن جمله سنی کتم و اخفا
و کان ایچد خوان طورنده کورینه رک علم و فضلنی سترایدوب
تدریس و افاده ایله شهرتدن تبعاد و استقصا ایدرلرایدی دایم ازهد
و ورع و تقوی و عبادات شتی ایله سیرت حسنه یه اعتنا ایدوب مدت
مدیده بعض تربدارانه و کالت و اویج نوبت اداء خدمت جلیله یه
کفالت و متوالی بهر هفته اوج کیچه حضور حضرت خالده مراقبه
و انواع طاعاته مواظبت ایله ملائک صفت اولوب ملاک حافظ افندی
و حافظ خواجه دینکله بین الاهی و الخدمه محبوب القلوب بر ذات
نیکخصلت ایدی خداوند کار اسبق غازی سلطان عبدالحمید خان
علیه رجه الملائک المنان حضرت تلیزینک صاحب ترجمه یه حسن
ظنلری مقرر اولمغله تربیه شریفه بی زیارت ضمیمه تشریف
بیوردیجه فرض وقتی تربیه شریفه ده صاحب ترجمه یه اقتداء
ادا ایله تبرک ایدرلرایدی بعده سالف الترجه نعلی زاده افندی
ارتحال ریاض بیوردیقه تربداراق جهتلری صاحب ترجمه نک
عهده سنه توجیه و التفات پادشاه زمان ایله تجلیل و ترفیه بیوریلوب
اول خدمت پر مفاخرت ایله امرار اوقات و کیچدل تابصباح مطاف
ملائک اولان حضور جناب شفیع رومده صلوات نوافل و عبادات
سائر ایله کسب اجور بی غایات و روحانیت حضرت خالده ایله
و موافقه مزید ایله تقریرینی قات اندرقات ایدراییکن غروب
۱۲۰۸ تاریخی محرم الحرامنک یکرمی یسنجی احد کونی ساعت درت
صورنده عازم جوار یزدان اولوب کاشغری درگاهنه واریلوراییکن
جانب یسارده ره راسته ترقب روزمیران بیورمشلردر (جهنم الله

تعالی

تعالی وایاه و سائر اسلافنا مع خواص خدام سیدنا فی ریاض
الجنان و انعمنا وایاهم بروح و روح و روح

(*) فصل رابع (*)

حضرت مهماندار خیرالبشر علیه رضوان ربه الاکبر
حضرت تلیزینک جامع پرانوار لوا معلزنده خدمت تأذین ایله شرفیاب
اولان مؤذنان دن مناقب حسنه لرینه ظفر یاب اولنان ایکی ذات
نیکصفا نک بررنیزه اخبار جلیله لری بیاننده در (الشیخ
عبد الغنی الکلبشی علیه رجه الجامع الغنی مشارالیه حضرت تلیز
طریقت علیه کاششیه دن مستخلف و جامع حضرت خالده
سر مؤذنلکله مشرف و تعریف خوانلق خدمتیه نائل مزید
شرف اولان جوامع سلاطین عظامده بهر یوم جمعه قائما
قرأت اولنان تعریفی اول صاحب ترجمه اختراع و اول اسلوب
بدیعی بونلر اصطناع ایدوب سلطان احمد خان ثالث علیه
رجه ربه الباعث حضرت تلیز بونلرک تعریف تلاوتندن
غایتله محظوظ اوللرینه مبنی بهر جمعه تشریف بیوردقلری
جامعده تعریفه بونلر اغاز و التفات پادشاهی ایله کسب امتیاز
ایدرلرایدی جامع منیر حضرت ابی ایوب زاد قربا عند
علام الغیوبده لیللی احیا و عیدینک صلاة عصر لرنده و روز عیدک
صلاة صبحنده مؤذنینک محفل سورمه تعبیریه یکر زبان اعلان
ایتد کلری مناجات دخی صاحب ترجمه نک وضع و ترتیبی اولوب
الان اوقات مبارکه مذکورده جامع شریفک مؤذنی بولنان
داعیان اول اسلوب اوزره ادا و اجرا ایدرل صاحب ترجمه مقارن
خلوص ۱۱۱۷ تاریخی رمضان شریفنک در دینی کونی عزم بستان

مطلب
ذکر جلیل
عبد الغنی افندی

جنتان واستغراق بحر غفران ایدوب ابواب جامع شریفدن بستان
اسکله سی قیوسندن چیقیلورکن جانب یسارده سنک مزاری کاشنی
تاجیله مزین ترقب روز میران ایتمشردر (الشیخ محمد رضا ابن الشیخ
حسن الاشمل الخلوئی خوطبت نفسها بخطاب وادخلی جنتی
مشار الیه رضا افندی حضرتلری عصر سلطان مصطفی خان
ثالث مشایخندن اولوب مدینه حضرت ابی ایوب الانصاری
علیه مزید رضوان الباریده ادریس کوشکی نام محل دلکشاده
ذاتلرینه مخصوص درگاه فیضبخشاده ارشاد می یدین ایله افاضه
انوار بسیار ایدن قطب العارفین چولاق حسن افندی الخلوئی
حضرتلرینک ثمره شجره وجودی و خیر خلف مسعودی اولوب
حال صغر لرنده (قرین ضیاء اجود) ۱۱۸۵ تاریخنده پدرلری سالف
الذکر شیخ حسن افندی حضرتلری عزم بز مکاه ابرار ایتدکلرنده
صاحب ترجمه رضا افندی بی والده لرینک معنی اولوب جامع
حضرت خالدک خطیبی الحاج محمد افندی دراغوش اولاد
معامله سی ایدرک خاطرینی خوش ایدرلرایدی (سر مفیض) ۱۱۹۰
تاریخنده مومی الیه الحاج محمد افندی دخی عزم صوب جنتان ایتدکده
صاحب ترجمه بی فصل اولده ترجمه احوالی سبقت ایدن یحیی زاده
شیخ سعد الدین افندی حجر تریه سنه الوب انلرک دائره ارشاد لرنده
کسب فیوضات و پدرلرینک خلفا سندن دیوتجی شیخ امین افندی
نام عزیز صالحدن اخذ خلافتله نبل شرف بیغایات ایتمشلرایدی بعده
حفظ قرآن کریمه محبت و والد مر حومک نزدینه مداومت و ابراز
مزید غیرت ایدوب وقت یسیرده اول شرفه دخی نائل (در رضا)
۱۲۰۵ تاریخ ربيع الاولنک اون برنجی پنجشنبه کونی زمره حفاظه

ملحق

ملحق و داخل اولمشلرایدی بعده جامع شریفده دور خوانلق
ومؤذنلک خدمت علیه لر یله خندان و امامت و سایر خدمات شریفه
اربابنه حسبی و کالت ایتمکله جمله به رعایت ایتدیکنندن بین الاهالی
مشار بالبنان اولوب جامع شریفک حواله سنده اولان حجراتک
برنده اسکان ایدرلرایدی اول اوانده بهر کیجه وقت سحرده جامع
عتیقده سنان پاشا کوشکی نام محله صدای توحید یزدان ایله
حرم حضرت خالدی احیا و تزین ایدوب جامع شریف عهد
سلیم خان ثالثده لاجل التجدید هدم اولندقدمه مهر شاه والده
سلطان تریه سنده حجره نشین ایکن (زهر رضا) ۱۲۱۳ تاریخ
جمادی الاخره سنک اون او چنجی کیجه سی عازم بزم علین
و ادریس کوشکی نام محله بیوت محله به قریب پدری جنینده دفین
وز یارنکاه احباب و مخلصین اولمشلردر جمعنا الله وایاه و کافه الخدمه
تحت لواء النبی المختار و فی جوار سیدنا خالد بن زید المجاهد
فی سبیل الملك الغفار واسعدنا بحسن الخاتمه بحرمه جمیع الاولیاء
ذوی الابصار

* (تاریخ ختم الکتاب) *

حمد بی پایان خداوند کریمه دائماً
ایلدی بوکتره عون و عنایت بی کان
هم درود صد هزار ایتسون توارد سرتسر
روضه پاک رسول کبریایه هر زمان
آل و اولاد و جهار یار و اصحاب جمله
اوله لر رضوان اکبر ایله مسرور الجنان

مطلب
ذکر جمیل
رضا افندی

با خصوص رومك شفاعتخواهی خالد حضرتی
 اوله بزم اولیاده همدم ~~مکن~~ و بیان
 واجب ایکن بودیار اهلینه بلك اول شهری
 اولدی اوصاف کرینی بوز ساله ایله عیان
 یمن عصر حضرت عبد المجید خان اولدیغی
 بوکاب مستطابك شمعی اولدی مستبان
 چون دعا ایتمک شهنشاه جهانه فرضدر
 کیمکه ایتمسه اولور خسروانه مظهر بیل همان
 اصدقاء مخلصیندن کیم ایدرسه رفع ید
 اول شهک حقنده مقبول ایده رب مستعان
 ای خدا یا مستجاب ایله دعایه یا مجیب
 ذات پاک حرمتی جاه شه پیغمبران
 اول شه دورانی تأیید ایله عدل و دادله
 عمری بی پایان اوله طورد جقه هفت آسمان
 اوله هم اعوان و انصاری گروه اولیا
 همت سر حبیب اللهه مظهر قبل هر آن
 قبل سراسر سایه شاهانه من ممد و انک
 کافه اولسون عبادک و اصل امن و امان
 تا بنک اولسون درونی دائماً اول داورک
 شوکت و شانی فزون اولسون الهی آن بآن
 ایله توفیقک اککا یا ور همیشہ یا اله
 هم مسرات جلیله ایله انی قبل شادمان
 اول سرورایتد بجه اعداسی انک اولسون ملول
 جمله سی انک یولنه ایلسونلر بذل جان

هم لواء معدلت عنوانی منصور قبل
 نائل الطافی اولسون دائماً هب بندگان
 روی ارضیه سرتسر حکمی روان اولسون انک
 شرق و غرب اولسون انک ملکینه ملحق چوق زمان
 عسکری اولسون مزید اعداسی اولسون نابید
 دمبدم ظاهر اوله دین کفر اهل اوله نهان
 قبل دعایه مستجاب آمین یا حی و قدیم
 بوکا تأمین ایلسونلر اهل توحید یک زبان
 سور آلک وجهنه بیک شرمه چون حدک دکل
 اول شهک وصفنده قاصر کن زبان شاعران
 ایله اتمام مقال نظم ایله تاریخی آمین
 عمرک اولد جقه دعایه ینه قبل فک دهان
 ضم ایدوب ارکان اسلامیده اندن بیل یقین
 ایردی آثار مجیدیه کالنه همان ۱۲۵۶

(مناجات بدرگاه قاضی الحاجات)

لك الحمد يا مولی الموالی مع الشکر
 علی نعم تتری و الطافک الکثر
 وازی صلوات الله ثم سلامه
 علی المصطفی من نفعه جاء فی الذکر
 وآل وازواج و صحب و عتره
 ادله اهل الدین کالانجم الزهر
 ولا سبیا من حل فی هذه الدیا
 رزید انصار النبی به فخری

ادام آله العالمين يحاههم
 خليفه هذا العصر بالفتح والنصر
 الا وهو السلطان عبد المجيد خان
 خلاصة اخبار الملوك اولى الامر
 وايد من عنده خالق الورى
 بغوز عظيم والسرور مدى الدهر
 وفي كل آن زاد عدلا وشوكة
 وعافية دوما مع الطول في العمر
 ووسع في الوقت البسيرا آلهنا
 بمالكة بالامن في الجهر والسر
 الهى استجب دعواتنا لجنايته
 بحرمة فخر الانبياء ذوى القدر
 وقد وفق الرب الجليل نواله
 باتمام ذا بالبسر في خامس الشهر
 وذلك من العام الجديد محرم
 وقد تم هذا صار تاريخه قادر ١٢٥٦

بعون الله الملك المنان اشبور رسالة روحانيت قبالة نك طبع وتمثيلي
 ساية هما واية حضرت ملوكانه ده من غير استحقاق
 تقويم وقايع نظارتيله كسب نضارت ايلمش اولان
 سيد مصطفى سامينك معرقت عاجزانه سيله
 رهين ختام اولشدر
 في ١١ ص ١٢٥٧